

ԿՐՈՆ ՊԵՏՐՎԱԿԱՆՓԻԼԻՍԱՓԵՏՐՎԱԿԱՆ ԳՐԱԳՐԱՐԱՆ

Գրեթի զիտի 1500-ամեակի և տպագրութեան 400-ամեակի
տարի.

№ 2

ՍՐԲԱԶԱՆ ՊԱՏՄՈՒԹԻՒՆ

ԻՍՐԱՅԷԼԻ

76

Թիֆլիզ

Տպարան «Կոպրանկո».

1913

Կ ա զ մ ե ց

Գ-ր փի.

Մ. ԽՈՏՏԻԿԵԱՆ



ԿՐՕՆԸ-ՊԵՏՄԵԿԱՆ-ՓԻԼԻՍՈՓԵՅԵԿԱՆ ԳՐԵԳՐԱՐԸՆ

Գրքերի գիւտի 1500-ամեակի և տպագրութեան 400-ամեակի
տոթիւ.

2

№ 2

Խ - 76

ՍՐԲԱԶԱՆ ՊԱՏՄՈՒԹԻՒՆ

ԻՍՐԱՅԷԼԻ

243
2686

A I
16739



Թիֆլիզ

Տպարան Վլադիմիրյան.

1913

Կ ա զ մ ե ց

Գ-ր փիլ.

Մ. ԲՈՍՏՐԿԵԱՆ

17x12

1190

ԱՏՈՒԳՎՈՒՄ Է
1952 թ.

ԵՐԿՈՒ ԽՕՍԲ

Հին ազգերից երեքը ունեցել են ժամանակակից քաղաքակրթութեան վրայ ահազին ազդեցութիւն: Մեր ժամանակի Եւրոպան հին յոյներից սովորել է գեղարուեստ ու փիլիսոփայութիւն, հռովմէացիներից պետականութիւն և իրաւունք, իսկ հին հրէաներից տիեզերական միաստուածեան կրօնը: Հարկաւ այս ազգերից իւրաքանչիւրը բազմաթիւ փոխազդեցութիւնների է ենթարկուել մինչև կարողացել է այդ քաղաքակրթական բարիքները հանդէս բերել. և այդ պատճառով ժամանակակից մարդը մեծ սիրով խորասուզուում է այս ազգերի պատմութեան մէջ, այնտեղ որոնելու մեր կրօնի, գեղարուեստի և փիլիսոփայութեան արմատները:

«Սրբազան պատմութիւն Իսրայէլի» խորագիրը կրող այս գիրքը՝ կազմուած Ս. գրքի բովանդակութեան պարզ վերարտադրութիւնից՝ ուղւում է հայ ընթերցողին տալ ծանօթութիւն այն մասին, թէ ինչպիսի քաղաքական և քաղաքակրթական պայմաններում աստիճանաբար աճեց ու զարգացաւ Իսրայէլի տիեզերական կրօնը, որը կազմում է քրիստոնէութեան հիմքը: Այս գրքի վերայ հեղինակը հինգ տարի անընդհատ կրօնագիտութեան դասեր է տուել ճեմարանի Գ. և Գ. դասերում:

տարաններում և այժմս հրապարակ հանելով սոյն աշխատութիւնը՝ յանձնում է կրօնուսոյցների առանձին ուշադրութեանը:

Շուտով լոյս կ'տեսնի նոյն հեղինակի «Ի՞նչ է Աստուածաշունչ» խորագիրը կրող մի ուրիշ քննասիրական աշխատութիւն, որը պիտի լոյս ափոխի հին կտակարանի իւրաքանչիւր գրքի ծագման, տեղի, ժամանակի, նրանց կրօնական զաղափարների, ազդեցութիւնների և արժէքի վրայ: Այդ գործը կ'ձառայի իբրև բանալի՝ ներկայ աշխատութիւնից լաւ օգտուելու համար:

Այս գործի մէջ հեղինակը հետեւել է նաև գերմանական ազբիւրներին:

Դ-ր. Մ. Խոստիկեան

Տփլիս

1913



Ե. Գ Լ Ո Ւ Խ

Պաղեստինի դիրքը եւ նրա նախնական ժողովուրդը.

Երկրի այն նեղ շերտը, որը միջերկրական ծովի արևելեան ափի և ասորական անապատի միջև է ընկնում, կոչուում է Պաղեստին կամ Քանան: Այս երկրից դէպի հիւսիս գտնուում է Ասորիք, որից բաժանուում է Լիբանանի և Անդրլիբանանի լեռնաշղթաներով: Սրա հարաւային սահմանն են կազմում Սինայի և արաբական թերակղզիները: Պաղեստինի տարածութիւնը 530 քառ. քիլոմետր է, որից $\frac{1}{3}$ -ը Յորդանանի արևելեան կողմն է գտնում: Երկրի մակերևոյթը հիւսիսից սկսելով 1000 մ. բարձրութիւնից իջնում է մինչև Մեռեալ ծովը, որը 394 մ. ուկեանոսի մակերևոյթից ցած է: Այս երկրի միջով հոսում է Յորդանան գետը, որը երեք տեղով իւր սկիզբն է առնում Անդլիբանան լեռնաշղթայի հարաւային ծայր կազմող Հերմոն սարից և հաւաքուում է նախ Մերոմ լճի

մէջ. ապանրանից դուրս գալով՝ չորս ժամ հոսելով
 դէպի հարաւ՝ թափուում է Գեննէսարէտի լիճը.
 այստեղից երրորդ անգամ սկիզբն առնելով՝ գնում
 թափուում է Մեռեալ ծովը, որի ջուրը խիստ աղի,
 կարային և ծանր է, այնպէս որ չի կարող ձրկ-
 ներ սնուցանել: Այս գետի երկու կողմում բար-
 ձրանում են սարահարթեր, որոնք վատ են ոռո-
 գուում: Այս կողմից համեմատաբար արևելեան
 Գիլէատ կամ Պերէա գաւառը աւելի լաւ է. նա
 ծածկուած է անտառներով և շատ յարմար է
 երկրագործութեան և անասնապահութեան հա-
 մար: Յորգանանից դէպի արևմուտք գտնուած
 երկիրը բաժանուում է երեք մասի՝ Գալիլեա,
 Սամարեա և Յուզա: Գալիլեան աւելի բարձր է.
 ունի աշքի ընկնող լեռներ, ինչպէս Թարորը.
 յարմար է անասնապահութեան համար: Գլխա-
 ւոր քաղաքներն էին հնում Կեսարեա և Տիրե-
 րիաս. սրա հարաւային սահմանի վրայ ընկնում
 է Եզրայէլի հովիտը, որի միջովն անցնում է Գիսո-
 նի հեղեղատը և թափուում Արձերկրական ծովը:
 Այս հովտի հարաւում բարձրանում է Կարմեղոս
 լեռը, որը այնտեղի ծովափնեայ երկու ժողո-
 վուրդների՝ փիւնիկեցիների և փղշաացիների
 սահմանն է կազմում: Գալիլեայից դէպի
 հարաւ ընկնում է Սամարեան կամ Եփրեմի
 լեռնային երկիրը, որի գլխաւոր քաղաք-

ներն էին Սիւքեմ և Սամարեա, որան սահմանակից էր հարաւից Յուզան, որի գլխաւոր քաղաքներն էին Քերքոն և Երուսաղէմ: Այս վերջին երկու գաւառները համեմատաբար չոր են և սպակաս բարեբեր:

Այս երկիրը եգիպտական արձանագրութիւններում անուանուում է Բուտինա և բնակուած էր քանանացիներից, փիւնիկեցիներից, փղշտացիներից, արամէացիներից և Քետացիներից, կամ Տիտիտներից, որոնք բոլորն էլ սեմական ցեղի արեւմտեան ճիւղին էին պատկանում: Իսրայէլացիների գալուց առաջ հիւսիսային մասերը ենթարկուում էին քետացիներին, որոնք մի չգօր պետութիւն էին հիմնել Քադէշ մայրաքաղաքով Որոնդէսի հովտում, իսկ հարաւային մասը ենթարկուում էր եգիպտացիներին: Արևելքից և հարաւից քանանացիք շփուում էին մի քանի անապատաբնակ և թափառական ժողովուրդների այն է՝ մովաբացիների, ամոնացիների, եզովմացիների և ամադէկացիների հետ: Ահա այսպիսի երկրի տէր դարձան և այսպիսի ժողովուրդների հետ շփուեցին իսրայէլացիք իրենց պատմութեան նախնական շրջաններում:

Բ. ԳԼՈՒԽ

Խորայեյացիների ծագումը.

Եզիպտոսի պատմութիւնից յայտնի է, որ Արարիայի և Սինայի անապատներում բնակուող թափառական հովիւ ցեղերը, որոնք ընդհանուր անունով Հիւքսոս են կոչուել, 1800 թւերին Ք. ա. յարձակուել են Եզիպտոսի վրայ և տիրել են մի առժամանակ այդ երկրին, մինչև որ Թէբէի հարստութեան փարաւոնները 1600 թւերին նորից կարողացան նրանց դուրս բշել իրենց երկրից: Այս հիւքսոս ցեղերի մէջ յիշուում է Հիրբու անունը, որից յետագայում առաջացաւ երբայական ազգը: Այդ Հիրբու ցեղը իբրև բնակավայր Եզիպտոսում ստացել էր Գոգէն գաւառը: Հիւքսոսների այդ երկրից հալածուելուց յետոյ էլ երբայեցիներից Հոաբելի սերունդները դեռ բաւական երկար մնացին Գոգէնում և շատ էին նեղուում Եզիպտոսում նորից հօգրացած փարաւոններից, այն ինչ նոյն ցեղից Լէայի սերունդները թափառական և ազատ կեանք էին վարում Սինայի անապատում: Եզիպտոսի փարաւոններից Ռամսէս II-ը Գոգէնի երբայեցիներին շատ էր նեղում (Տ. Ել. Ա. Գլ.): Մինչև որ ծնուեց նրանց ազատարարը՝ Մովսէսը, որը Սին կամ Քորեբ լեռնից գնաց Եզիպ-

տոս և յորդորեց իւր եղբայրակիցներին յանուն իրենց Աստուած Եհովայի*) զուրս զալ եզիպտական ծառայութիւնից և գնալ անապատ, Սինա սարի ստորոտներում ազատօրէն պաշտելու Եհովային: Մովսէսի քարոզութիւնը ճշնուածների սրտում արձագանգ գտաւ: Մեծ նեղութիւններից յետոյ Մերենփթախ փարաւոնը 1270 թւերին ակամայից համաձայնուեց բաց թողնել այդ ժողովրդին: Գարնանային եղանակ էր. երբ երբայեցիք զուրս զալով Եզիպտոսից՝ հասան Կարմիր ծովի ափին. երբ ուզում էին անցնել, նկատեցին, որ եզիպտացիք հետնապնդում են իրենց՝ նորից բռնելու և գերելու համար. բայց բարեբախտաբար այդ միջոցին ջրերը քաշուած են լինում և երբայեցիք կարողանում են ծովի ցամաքած հունով անցնել, իսկ երբ եզիպտացիքն էլ կամենում են անցնել նոյն տեղով իսրայէլացիներին բռնելու համար՝ ծովի ջրերը ծածկում ու խեղդում են եզիպտացիների բանակը: Երբայեցի ժողովուրդը, որը կորստեան մօտ էր՝ այս

*) Թէպէտ ներկայումս երբայագէտները ապացոյցւել են, որ իսրայէլացիք իրենց Աստծուն Եհովէ են անուանել և՛ այդպէս զրել, բայց որովհետև ս. գրքում ամեն տեղ Եհովա ձևն է ընդունուած, այդ պատճառով ստիպուած եղանք պահել Եհովա անունը:

հրաշալի պատահարով ազատուեց, ծովի այս միւս
 ափին լիաբերան օրհնեց և փառաւորեց իւր տէր
 Աստուած Եհովային (Տ. ելից ժե. գլ.): Այս հրա-
 շալի ազատութիւնից յետոյ Մովսէսը շէր կարող
 իրեն հետևող ցեղերին անմիջապէս Պաղեստին
 առաջնորդել, որովհետև այս երկիրը այդ միջոցին
 զանուժ էր նոյն եգիպտացիներէ ձեռքին. այլ
 տարաւ նրանց Սինայի անապատ, ուր այդ ցե-
 ղերին ազգակից ուրիշ ցեղեր էլ կային և ուր
 եգիպտացիներէ ձեռքը շէր կարող հասնել: Բացի
 դրանից նրա նպատակն էր նրանց առաջնորդել
 դէպի Սինա սարը: Շատ նեղութիւններից յետոյ՝
 Մովսէսը ժողովրդի համար հաց և ջուր ձարե-
 լով՝ ամաղեկացիների հետ պատերազմելով (Տ.
 ելից ժգ. ժէ.) վերջապէս հասցնում է նրանց Սի-
 նա սարը, որը 2244 մ. բարձր է: Այս վեհա-
 պանծ լեռան շուրջ, անապատի խորհրդաւոր
 լուսթեան մէջ Մովսէսը երբայեցի բազմաթիւ
 ցեղերին մի Աստծու անունով, մի կրօնի ոյժով
 միացրեց: Եհովայի անունից յայտարարեց «Դուք
 պէտք է իմ ժողովուրդը լինէք, ես էլ կ'լինեմ
 ձեր Աստուած (Տ. դև. խգ. 12): Երկար լուացում-
 ներից և հանդիսաւոր արարողութիւններից յե-
 տոյ այստեղ ուխտի դաշինք կնքուեց երբայեցի
 կամ իսրայէլացի ցեղերի և Աստծու միջև, որի
 հիմնական պայմանը տասնարանեայ պատուիրան-

ներն էին, որոնք Աստուծոյ ժողովուրդը՝ իսրայէլը պիտի պահէր (Տ. ել. Ի.)։ Եհովա Աստուծու անունով սրբազործուած զանազան ցեղերի միութիւնից առաջ եկաւ իսրայէլական ազգը. այս է պատճառը, որ յետագայում իսրայէլացիք հաւատում էին՝ թէ Եհովան է, որ ծնել և մեծացրել է իրենց ազգը և բազմաթիւ թշնամիներից ազատելով՝ բերել բնակեցրել է Պաղեստինում։ Իսրայէլացիք բաւական երկար Սինայի անապատում թափառելուց յետոյ՝ ճանապարհ ընկան Մովսէսի առաջնորդութեամբ դէպի Քանան։ Նրանք հասան Քանանացիներ երկրի հարաւային սահմանների վրայ գտնուող Քատէշ քաղաքը, որտեղից մարդիկ ուղարկեցին Քանան լրտեսելու։ Վերադարձին լրտեսները այնպիսի տեղեկութիւններ տուին քանանցիների քաջութեան և նրանց քաղաքների ամրութեան մասին, որ ժողովուրդը վհատուեց և առժամանակ յետաձգեց իւր արշաւանքը։ Միւս կողմից ժողովուրդը մեծանում էր, իսկ անապատը այլևս բաւարարութիւն չէր տալիս նրանց կարիքներին. այդ պատճառով ստիպուած էր շարունակ կռիւ մղել շրջակայ ցեղերի հետ՝ աւելի յարմար բնակավայրեր գտնելու համար։ Կռուի և ինքնապաշտպանութեան այս կարիքն ստիպեց, որ Իսրայէլի ցեղերը աւելի սերտ կերպով միանան՝ թշնամիների վրայ

յազթութիւն տանելու համար. իսկ այդ միութեան հիմքը կազմում էր ցեղերի դէպի Ննովան ունեցած հաւատքը: Այս հաւատով զօրացած զարձեալ հարաւային կողմից մօտեցան Քանանին այդ երկիրը մտնելու, բայց որովհետեւ եզովմացիք թոյլ չտուին իրենց երկրովն անցնել, նրանք զիմեցին դէպի արևելք և հասան Անոն գետը, որը արևելքից դէպի արևմուտք հոսելով թափուում է Մեոեալ ծովը՝ եզովմացիների հիւսիսային արևելեան իսկ ամովրացիների երկրի հարաւային սահմանը կազմելով: Այստեղ էլ ամովրացիների թագաւոր Սեհոնն էր ուզում նրանց անցքը դէպի Քանանը արգելել. նրան օգնութիւն էր եկել Քաղանի Ուլգ թագաւորը: Բայց իսրայէլացիների բուն յարձակման առաջ այս երկուսն էլ շտապար յազթուեցին, որով Յորդանանի արևելեան կողմի երկրները ընկան իսրայէլական ցեղերի տիրապետութեան ներքոյ: Այսպիսով Իսրայէլի ցեղերը ազատուած անապատի քաղցից և ծարաւից, վայրենի գազաններից և թունաւոր օձերից, թշնամիների յարձակմունքներից, անէծքներից և կախարհութիւններից (Տ. թուոց ժԱ. Ի. ԻԱ. ԻԲ. ԻԳ. ԼԱ. զԼ.) մօտենում են Աւետեաց երկրին:

Գ. ԳԼՈՒԽ

Խորայէլացիները հաստատուելը Պաղեստինում.

Իսրայէլի ցեղերը բազմանալով՝ այլ ևս չէին կարող մնալ և ապրել անապատում, նրանց հարկաւոր էր մի բարեբեր և պտղաւէտ երկիր. այդպիսի երկիր էր Պաղեստին, որտեղ բնակուում էին գլխաւորապէս քանանացիները: Սրանք մի մեծ պետութիւն չէին կազմում. այլ ամեն մի քաղաք առանձին իշխանութիւն էր իւր համար: Այս հին ժողովուրդը այդ դարերում յղփացած, բարոյապէս փշացած՝ արագօրէն դէպի անկումն էր դիմում: Եզրիպտացիներն ու քետացիները, որոնք առաջ իրենց զիրեշխանութիւնը տարածում էին այս երկրի վրայ, այլ ևս նոյն ոյժը չունէին և չէին կարող պաշտպանել այդ երկիրը իսրայէլացիների յարձակումներից, որոնց առաջնորդ Մովսէսը մեռել էր, իսկ նրա տեղն անցել էր պատերազմատէր Յեսու: Առաջին անգամ Յուդա, Շմաւոն և Ղևի ցեղերը Յորդանան անցնելով յարձակուեցին քանանացիների վրայ. բայց Շմաւոն և Ղևի ցեղերը համարեա բնաջինջ եղան. Շմաւոնի ցեղից ազատուածները խառնուեցին և ձուլուեցին Յուդայի հետ, որը մեծ դժուարութեամբ հաստատուեց Մեռեալ ծովի մօտերքում. այն ինչ Ղևի ցեղի մնացորդ-

ները դարձան քահանաներ: Այս առաջին յարձակմանը հետեւեց երկրորդը. այս անգամ յարձակողների գլուխն անցաւ Յովսէփ զօրաւոր ցեղը. միայն Ռուբէն, Գադ և Մանասէի կէս ցեղը մնացին Յորդանանի արևելեան կողմը և այնտեղ հաստատուեցին. այն ինչ Յովսէփ, Բենեամին, Դան, Իսաքար, Ասեր, Ջերուզոն, Նեփթաղիմ և կէս Մանասէ ցեղերը հետեւեցին Յիսուին. մտան Քանանի ներսերը և գիմեցին զէպի հիւսիս: Երկու գլխաւոր ճակատամարտներում քահանայների բախտը որոշուեց: Քանանի միջին մասի թագաւորները դաշնակցեցին միմեանց հետ իսրայէլացիների յառաջխաղացութիւնը արգելելու համար, բայց դաշնակիցները Գաբաւոնում շարաշար յաղթուեցին: Այս մեծ յաղթութիւնը իսրայէլացի բանաստեղծները երգեցին, ուր նրանք շնորհակալութեան զգացմունքով լեցուած՝ փառաբանում էին Տիրոջ աւելում՝ որ նա իսրայէլացիներին յաղթութիւն պարգեւելու համար՝ Յեսուի ազօթքի համաձայն՝ արևին կանգնեցրել է Գաբաւոնի գիմաց, իսկ լուսնին՝ Այեզոնի ձորում: Երկրորդ ճակատամարտը տեղի ունեցաւ Մերոմ լճի ափերին, ուր որ յաղթուեցին հիւսիսոյի թագաւորները: Թէպէտ այս ձևով քահանայները յաղթուեցին, բայց բոլորովին չընկճուեցին և չոչնչացան: Իսրայէլացիները ոչ միայն


չկարողացան իրանց սահմանները մինչև Մի-
 ջերկրականի ավերը տարածել, ուր գտնուում էին
 փղշտացիները և փիւնիկացիները, այլ նրանք
 նոյն իսկ չկարողացան բուն Քանանում շատ տե-
 դեր, մանաւանդ ամուր բերդերին և քաղաքներին
 տիրել, այդ բանը միայն շատ յետոյ յաջողուեց:
 Այնուամենայնիւ ձեռք բերած յաջողութիւնը
 մեծ էր և իսրայէլացիք ձեռնարկեցին տիրապե-
 տած երկիրը իրենց մէջ բաժնել: Մեռեալ ծովի
 հարաւ արևմտեան կողմը տրուեց Շմաւոնի ցե-
 ղի մնացորդին. սրան սահմանակից զարձաւ Յու-
 դան, որին շատ մօտիկ բնակուեց Բենեամինը:
 Այս երեք ցեղերը բռնեցին Քանանի հարաւային
 մասը: Յորդանանից դէպի արևմուտք գտնուած
 երկրի միջին մասերը բռնեցին Դան, Եփրեմ, կէս
 Մանասէ և Իսաքար ցեղերը. սրանցից Եփրեմի
 ու կէս Մանասէն կազմեցին այսպէս կոչուած
 «Յովսէփի տուն»-ը, որը և իսրայէլացիների պատ-
 մութեան մէջ մեծ դեր խաղաց: Իսաքարը՝ թէ-
 պէտ մեծ երկիր զրաւեց, բայց աննշան մնաց:
 Դանը քիչ յետոյ ստիպուեց գաղթել և հիւսի-
 սում իր համար Յորդանանի ափունքներում նոր
 բնակավայր որոնել: Քանանի հիւսիսային մասե-
 րը բռնեցին Ասեր, Զերուղոն և Նեփթաղիմ: Այս
 երեք ցեղերն էլ ազդեցութիւն չունեցան իսրա-
 յելի յետագայ պատմութեան զարգացման վրայ,
 ընդհակառակն հեթանոսութիւնը շուտով այս կող-

մերում գերիշխող հանդիսացաւ, այնպէս որ երկրի հիւսիսային մասը հեթանոսների շրջան՝ Գալիլեա՝ անունն ստացաւ:

Այսպէս իսրայէլի ցեղերը Քանանում առանձին առանձին, կողք կողքի բնակութիւն հաստատեցին: Այդ ցեղերին միացնող մի առանձին քաղաքական կապ չկար, միայն Նոփայի պաշտամունք էր, որ մասամբ միացնում էր նրանց: Նոփայի ներկայութեան իրրեւ նշանակ համարում էր «Ուխտի տապանակը», որը նրանք բերել էին Սինա կամ Քորեբ սարից և հաստատել էին Նփրեմի սահմաններում գանուոյ Սիլօ սրբալրում: Քաղաքական կազմակերպութեան բացակայութեան պատճառով այս ցեղերից երբեմն մէկը երբեմն միւսը վտանգի մէջ էր բնկնում՝ թշնամիներից՝ նեղուելով: Իսաքարի ցեղը խիստ նեղուում էր այն քանանացի իշխաններից, որոնք իրենց անկախութիւնը պահել էին Եզրայէլի հովտում և որոնք Սիսարա թագաւորի առաջնորդութեամբ ձգտում էին իրենց իշխանութեանը ենթարկել իսրայէլացիներին: Սրանցից շատերը ենթարկուել էին, շատերն էլ վհատուել, երբ դուրս եկաւ Իսաքարի ցեղից Գեդորա անունով մի մարգարէհի և իւր կրակոտ ճառերով ոգևորութիւն ներշնչեց ժոժովրդին: Նոյն Իսաքարի ցեղից Բարակը, մի

քաջ աղամարդ՝ ապստամբեցրեց իւր ցեղակից-
 ներին, որոնք մարդիկ ուղարկեցին միւս ցեղե-
 րից էլ օգնութիւն խնդրելու: Հարաւից եփրեմ,
 Մանասէ և Բենեամին, հիւսիսից Զերուղոն և
 Նեփթաղիմ ցեղերը օգնութեան հասան Սիսա-
 րան և նրա դաշնակիցները իրենց ուժը կեն-
 դրոնացրել էին Թանախ և Մեկիդօ քաղաքնե-
 րում՝ Կարմեղոսի արևելեան կողմում: Դերորայի
 և Բարակի առաջնորդութեամբ իսրայէլացիք
 բուն յարձակում գործեցին թշնամիների վրայ
 և ցրուեցին նրանց: Քեսոնի առուն, որը գար-
 նան անձրևների պատճառով հեղեղել էր իւր
 ափերը, արգելք էր հանդիսանում քանանացի-
 ների փախուստին: Սիսարան իւր կառքից իջաւ
 և փորձեց ոտով փախչել և թաղնուել: Յոզնած
 և ծարաւած՝ նա մտնում է մի հովւի վրան ջուր
 խմելու. վրանի տիրուհին Յայէլը նրան կաթ է
 տալիս, խմելուս մուրճով խփում է նրա ճակատին և
 սպանում: Դերորան այս առթիւ մի երգ երգեց,
 որի մէջ նա փառաբանում է պատերազմող և
 յաղթութիւն պարգևող հօգօր Ենովա Աստծուն,
 որը պատերազմի ձայն է տալիս հերոսի նման,
 նետեր է արձակում ու սուրը ձօձում, իւր զին-
 ւորներին՝ իսրայէլացի մարտիկներին՝ յաղթու-
 թիւն պարգևելու համար: Նա ծաղրում է Սի-
 սարիային, նորա մօտը Կրոնանացի՝ աղջիկնե-

A 16739



րին, որոնք յոյս են ունեցել, թէ թագաւորը իրենց համար առատ աւար և կողոպուտ պիտի բերի՝ թանգագին զգեստներ և զարդեր: Նա իւր այդ երզում յանդիմանում Իսրայէլի այն ցեղերին, որոնք օգնութեան չեն եկել (Դատ. Գ. Ե. 41.):

Մրանից քիչ յետոյ Դան ցեղը ծովափնեայ փղշտացիներից նեղուած՝ քաշուում է աւելի դէպի հիւսիս և բռնում Հերմոն սարի ստորոտները, Յորդանանի ակունքները, ուր ծաղկում էր Սիդոնացւոց Լայիս քաղաքը: Այս ցեղի 600 կարիչ երիտասարդներ զիշերով յարձակուում են անհոգ կերպով քնած քաղաքի վրայ, կոտորում են նրանց և ապա նրանց տեղը բռնում, ուր և Նհովայի համար մի տաճար են շինում: Այս նոր սրբավայրի քահանան դարձաւ Մովսէսի թոռը Յովնաթանը (Դատ. 1 ը.): Արևելեան կողմում Ռուբէն ցեղը առանձնացած մնալով՝ չկարողացաւ մովաբացիների յարձակամանը դիմանալ: Նորա երկիրը երկար ժամանակ կոուախնձոր դարձաւ Մովաբի և Իսրայէլի միւս ցեղերի համար:

Հազիւ էր երկիրը մի քիչ խաղաղել, երբ իսրայէլացիք նորից սկսեցին նեղուել անապատում թափառող անհանգիստ և աւազակարարոյ ցեղերից: Նոքա գալիս էին ուղտերի վրայ

հեծած իրենց վրանները խփում էին ամառները բարձր լեռների սիզաւէտ լանջերին և կողոպտում գաշտի երկրագործ շինական ժողովրդին: Սրանից ամենից աներեսն էր Մաղիան ցեղը, որի երկու առաջնորդները միանգամ իրենց ձեռքն ընկած պատուաւոր իսրայելացիներին թարոր սարի վրայ գոհեցին իրենց աստծուն: Մանասէի ցեղից Յերորաաղ կամ Գէդէոն անունով մի մարդ հաւաքեց իւր ցեղից 300 կտրիչ կռուողների, ընկաւ նրանց յետեից, անցաւ Յորդանան և գիշերով յարձակուեց նրանց վրայ, որոնք իրենց աւարն էին բաժանում. բռնում է նրանց առաջնորդներին և տուն բերելով կոտորում: Մի քանի տարի յետոյ, երբ դարձեալ վերադարձան, Գէդէոնը կրկին ջարդեց նրանց և փախցրեց, այնպէս որ նրանք էլ չհամարձակուեցին երեւալ այդ կողմերում: (Դատ. 2. և է.):

Գէդէոնի հռչակը այս յաղթութիւններով շատ տարածուեց. առանց այն էլ նրա տոհմը շատ մեծ էր, բազմամարդ և յարգուած. այնպէս որ՝ երբ նա մեռաւ, նորա որդին Աբիմելէքը լուրջ կերպով ձեռնարկեց թագաւորութիւն հիմնելու: Իսրայելացիներից անկախ մնացած մի քանի քաղաքներ, զրանց մէջը Սիւքեմը, իսկ քանանացիներից: Մի գունդ կազմեց, Օֆրայում սպա-

նել տուեց իւր բոլոր եղբայրներին, որպէսզի սրանք իւր թագաւորութեան արգելք չհանդիսանան (Տ. դատ. թ.) և ապա Սիւքմուժ իրեն թագաւոր օծել տուեց. բայց երբ նկատեց, որ սիւքեմցիք իւր թագաւորութեան հաւան չեն, յարձակուեց քաղաքի վրայ, առաւ և կործանեց, նոյնպէս առաւ Սալմոն բերդը և հրդեհեց նրա տաճարը, ուր հազարի մօտ մարդ այրուեց: Յետոյ գրաւեց Թերաս քաղաքը, և երբ ուզում էր միջնաբերդին կրակ տալ, մի կին պարսպի վրայից քարով խփեց նրա գլխին և մահացու վիրաւորեց: Նա այն ժամանակ ասաց իւր զինակրին «Քաշիր սուրդ և սպանիր, որպէսզի չլինի ասեն, թէ Արեմելիքին մի կին սպանեց»: Թագաւորի մահուամբ կործանուեց նաև նրա թագաւորութիւնը: Յետագայում խորայեւացիք վերաշինեցին Սիւքեմը և ծաղկեցրին:

Երբ պատերազմի և խռովութեան տարիներն անցան և երբ երկիրը մի քիչ հանգարտուեց, խորայեւացիներն էլ իրենց կեանքի ձևը փոխեցին: Հովական թափառական կեանքից նրանք անցան նստական կեանքի և նուիրուեցին յատկապէս երկրագործութեան: Կամաց կամաց նրանք ենթարկուեցին քանանացիների աւելի բարձր քաղաքակրթութեան, որոնց բոլորին նրանք բնաջինջ չէին արել: Նրանցից սովբեցին

զանազան արհեստներ, շինեցին տներ և տնկեցին այգիներ, սկսեցին բարեկամութիւն անել և խառնուել այդ ժողովրդի հետ: Նրանցից սովորեցին նաև զրելու արուեստը, որը նրանք վերցրել էին բարեկացիներից, որոնք դարեր առաջ իրենց ազգեցութիւնը տարածել էին նաև Քանանի վրայ: Իսրայէլացիք զրելու արուեստին ծանօթանալով՝ սկսեցին զրի առնել իրենց մէջ առաջ եկած բանաւոր երգերն ու աւանդութիւնները, որոնք վերաբերում էին անցած ժամանակներին:

Ք. Ք. I. ՈՒԽ.

Թագաւորութեան հաստատութիւնը Իսրայէլի մէջ.

Հրէական լեոնաշղթայից դէպի արևմուտք ծովափին բնակութիւն էր հաստատել մի ժողովուրդ, որը փղշտացի էր կոչուում: Վաղ ժամանակներից նա եկել էր Փոքր-Ասիայից և բնակուելով այստեղ՝ խառնուել էր տեղական սեմական ժողովուրդների հետ՝ իւրացնելով նրանց լեզուն և կրօնը: Ժամանակի ընթացքում սրանք դարձան վաճառական մի ժողովուրդ և բնակուեցին քաղաքներում: Նրանց վաճառականութիւնը տեղի էր ունենում ոչ թէ ծովի, այլ ցամաքի վրայ, որովհետև Եգիպտոսի և Փիւնիկէի,

ապրանքատար կարաւանները նրանց երկրի միջով էին անցնում: Նրանց զլխաւոր քաղաքներն էին Գագա, Գէթ, Աստոա, Ասկադոն և Ակրոն: Հինգ իշխաններ նստում էին այս հինգ քաղաքներում և որոշ գաշնակցութիւններով կապուած էին միմեանց հետ:

Իսրայէլացիք Պաղեստինում հաստատուելուց և քանանացիների վտանգից ազատուելուց յետոյ՝ ընդհարուեցին վերջապէս նաև այս ժողովրդի հետ, որը շատ շուտով հանդիսացաւ իբրև ամենագօրեղ թշնամի: Այս երկու ժողովուրդների սկզբնական ընդհարումների արձագանքը մենք գտնում ենք Իսրայէլի ժողովրդական հերոս Սամսոնի առասպելախառն գեղեցիկ պատմութիւններում (Տ. Դատ. ԺԶ.):

Սկզբնական լուրջ կռիւները տեղի ունեցան Սարոնի հովտում, ուր Աֆէքի մօտ իսրայէլացիք յաղթուեցին: Այս պարտութիւնը նրանք վերագրեցին այն հանգամանքին, որ եհովան կամ «տապանակ ուխտին» իրենց բանակում չէր: Սելովում նստող Հեղի քահանայապետի երկու որդիները Հօփնի և Փինէաս «Ուխտի տապանակը» բանակ բերին. բայց այս անգամն էլ իսրայէլացիք չարաչար յաղթուեցին, քահանայապետի որդիները սպանուեցին. մինչև իսկ «Ուխտի տապանակն» էլ փղշտացիների ձեռքն ըն-

կաւ: Իւր դրան ատաջ, աթոռի վրայ նստած
 Հեղի քահանան այդ դժբախտութիւններէ լուրն
 առնելով՝ աթոռից վար ընկաւ վիզը ջարգեց,
 որով և մեռաւ: (Տ. Ա. ԹԳ. դ.):

Այս պատերազմի հետեանքը շատ ցաւալի
 էր. Յովսէփը ընկճուեց. փղշտացիք տիրեցին
 եզրայէլի հովտին և եփրեմի լեռնաշթղային: Նո-
 քա կործանեցին Սելով սրբավայրը: Այնտեղ
 հաստատուած քահանայական ցեղը փախաւ և
 հաստատուեց Նորում, Բենեամինի երկրում.
 Բայց փղշտացիք մինչև անգամ Բենեամինի եր-
 կիրն էլ մտան Գիրէայում իրենցից մէկին կա-
 ոսավարիչ նշանակեցին:

Այս խայտառակութիւնը բորբոքեց իսրայէ-
 լացիների կրօնական զգացմունքը: Այս ժողով-
 րդի հայեցողական-կրօնական կեանքով սպրոդ
 ուխտաւորներն անցան երկրէ երկիր, ցեղից ցեղ
 և կրօնական երաժշտութեամբ ու պարերով ժո-
 ղովրդի լքուած սրտերին հաւատի ոյժը ներշնչեցին.
 և իսրայէլացիք բռնուեցին մոլեռանդ ոգե-
 ւորութեամբ: Ամեն զէնք կրելու ընդունակ
 մարդ վեր կացաւ փղշտացիների դէմ՝ նրանցից
 վրէժ առնելու, Նհովայի և ժողովրդի պատւի և
 փառքի համար կուելու: Հին ժամանակներում
 կրօնասիրութիւնը միացած էր հայրենասիրու-
 թեան և ազգասիրութեան հետ: Այդ ժամանակ-

ներում ապրում էր մի ծերունի և հայրենասէր մարդարէ. դա Էլքանայի որդի Սամուէլն էր, որին իւր ժողովրդի դժբախտութիւնը հալ ու մաշ էր անում: Նա նկատելով՝ որ շրջակայ ժողովուրդները քաղաքական միութեամբ, մի թագաւորի ձեռքի տակ զօրացել են, զիջելով իւր ժողովրդի թախանձանքին, համաձայնուեց Բենեամինի ցեղից Կիսի որդի յաղթանդամ և արիասիրտ Սաւուղին թագաւոր օծել (Տ. Ա. թագ. Ա. Բ. Ը. և Ժ.): Իսկապէս Եհովան էր համարուում իսրայէլացիների իսկական թագաւորը և քահանայապետը, բայց բազմաթիւ ցեղերի բաժանուած և բազմաթիւ վտանգների ենթարկուած այս ժողովուրդը կարիք զգաց պետական և եկեղեցական կազմակերպութեան: Նորընտիր թագաւորը Եհովայի ներկայացուցիչը պիտի համարուէր երկրի վրայ: Նորա գլխաւոր պաշտօնն էր բոլոր ցեղերին միացնելով՝ պաշտպանել նրանց արտաքին թշնամիներից. նա ուրեմն պատերազմի ժամանակ ընդհանուր հրամանատարի դեր ունէր կատարելու, իսկ խաղաղութեան ժամանակ նա գոյութիւն ունեցող կարքերի պահապանն էր: Նոր օրէնք չէր կարող հրատարակել, բայց դատում էր օրինազանցներին: Իբրև միջնորդ ժողովրդի և Աստծու միջև՝

նա գործ էր դնում նաև որոշ քահանայապետական իրաւունքներ:

Առիթը շուտ ներկայացաւ, ուր Սաւուղը ցոյց տուեց, թէ ինքը արժանի էր այդ կոչման: Գիլէատի Նարին քաղաքը պաշարուած էր ամովրացիներից: Պաշարուածները դեսպաններ ուղարկեցին Իսրայէլի զանազան կողմերը օգնութիւն խնդրելու. ոչ ոք կարծես տեղից չէր ուզում շարժուել՝ օգնելու դժբախտ քաղաքին, բայց երբ Սաւուղը, որը մի անգամ մի գոյգեց առաջ ձգած, դաշտից տուն էր դառնում, այդ լուրն առաւ, սրբազան ոգևորութեամբ բռնկուեց, իւր եզները կտոր կտոր արաւ և այդ արիւնաթաթախ կտորներն Իսրայէլի ամեն կողմն ուղարկեց ասելով՝ բոլորի տաւարն այսպէս կտոր կտոր կանեմ, եթէ ինձ հետ չզան Նարին քաղաքն ազատելու: Սարսափած ժողովուրդը լսեց նրան և մի առաւօտ վաղ հաւաքուած կռուողների հետ ընկաւ Ամովրացիների վրայ և հալածեց նրանց: Այս յաղթութիւնից յետոյ ժողովուրդը Սաւուղին տարաւ Գաղգաղա սրբավայր և մի ժողովում կրկին անգամ ընտրեց նրան թագաւոր: Այսպիսով կարիքն առաջ բերեց Իսրայէլի թագաւորութիւնը:

Սակայն նոր թագաւորի գլխաւոր գործը

պիտի լինէր իսրայէլացիներին ազատել փղշտացիների ճնշումից. և իրաւ շատ շանցած նորրնտիր թագաւորի որդին Յովնաթանը սպանեց Գիրէայում նստող փղշտացոց իշխանին: Փղշտացիք հաւաքուեցին և յարձակուեցին Սաւուղի բնագաւառի վրայ, և երբ նրանք աւար վերցնելով էին զբաղուած, Յովնաթան իւր զինակրի հետ ընկաւ Միխմաս կրճի պահակախմբի վրայ և կոտորեց բոլորին: Այս հերոսութիւնը սարսափ ներշնչեց թշնամիների սրտում, որից օգտուելով Սաւուղը յարձակուեց նրանց բանակի վրայ և հալածեց բոլորին: Սաւուղի պատուէրի համաձայն ոչ ոք իրաւունք չունէր մինչև արևի մայր մանելը մի բան ուտել կամ աւար վերցնել: Արև մանելուց յետոյ՝ քաղցած և յոգնած իսրայէլացիք կերան, խմեցին և աւար վերցրին, որովհետև շատերը քաղցածութիւնից կենդանիներին առանց զոհելու էին ուտում, այդ պատճառով Սաւուղը մի քարէ սեղան շինեց և հրամայեց, որ այդ կենդանիները այդ սեղանի վրայ առաջուց զոհուին: Երեկոյեան դէմ Սաւուղը փորձեց փախչող փղշտացիների յետևիցն ընկնել, բայց այդ բանը նրան չյաջողուեց. նորի քահանան՝ Եհովային հարցնելուց յետոյ՝ այդ անյաջողութեան պատճառը բանակի մէջ մէկի ձեռքով կատարուած մեղքը համարեց. և իրաւ,

երևաց որ Յովնաթանը մեղանշել էր, որովհետև նա արևի մուտքից առաջ Սաւուղի պատուէրը չլսելով՝ անտառում մեղր էր կերել: Զայրացած թագաւորը ուզում էր իւր որդուն Եհովային զոհել, բայց ժողովրդի խնդրին զիջելով՝ թողեց իւր մտադրութիւնը, (Տ. Ա. ԹԳ. ԺԳ. ԺԴ.):

Սաւուղի հռչակն աւելի ևս տարածուեց, երբ սա իւր խմբով Սինա անապատում բնակւող ամաղեկացիների վրայ յարձակուեց, որոնք իսրայէլի անպաշտպան զրութիւնից օգտուելով՝ աւաղակային յարձակումներով կողոպտում էին երկիրը: Սաւուղը յաղթեց նրանց, բռնեց նրանց Ակակ թագաւորին և յաղթութիւն աօնող ժողովրդի առաջ Գաղգադայում զոհեց Եհովային (Տ. Ա. ԹԳ. ԺԵ.):

Յայտնի է, որ Սաւուղը Բենեամինի ցեղից էր և նորա բանակի մեծ մասը այդ ցեղի կըուողներէից էր կազմած. բայց որովհետև այս ցեղը սահմանակից էր Յուդային, այդ պատճառով բանակում Յուդայից կռուողները փոքրաթիւ չէին: Այս վերջինների մէջ իւր քաջութեամբ և մանաւանդ ջութակահարութեամբ աչքի ընկաւ Բեթղէհեմցի Դաւիթը: Նա դարձաւ նախ Սաւուղի զինակիրը և ապա մտերիմ բարեկամ, այնպէս որ թագաւորը նոյնիսկ իւր աղջկան նրան կնութեան տուաւ: Բայց երբ Դաւիթը մեծ ժո-

դովրդականութիւն էլ ձեռք բերեց, այդ բանը
 թագաւորի սրտում առաջ բերեց կասկած և նա-
 խանձ: Յովնաթանը, որը սերտ սիրով կապուած
 էր Դաւթի հետ, խորհուրդ տուեց փախչել գաղտ-
 նի և այդպիսով ազատուել թագաւորի ատելու-
 թիւնից. Նորի քահանաները զէնք և ուտեստ
 տալով՝ այդ փախուստին նպաստեցին: Դաւիթը
 զնաց Յուդայի հարաւային կողմն ընկնող անա-
 պատ, իւր շուրջը հաւաքեց ուրիշ փախստա-
 կանների, որոնց մէջ կային փղշտացի և քետա-
 ցի տարրեր: Սրանց միացան Յուդայի ցեղից
 Դաւթի ազգականներից շատերը. սրանց բոլորի
 վրայ Դաւիթը Յովար անունով մէկին զօրավար
 կարգեց: Այս փախստականների հետ էր նաև Նորի
 Արիաթար քահանան, որը փախել և ազատուել
 էր այն կոտորածից, որը Սաւուղը կատարել էր
 Նորում՝ կասկածելով թէ՛ այդ տեղի քահանա-
 ները Դաւթին համամիտ են: Երբ Դաւիթը
 զգաց, որ իւր զօրութեամբ չի կարող Սաւուղի
 հալածանքի պռաջն առնել և որ կարող է նրա
 ձեռքն ընկնել, զնաց Գէթի տէր փղշտացի թա-
 գաւոր Աքիսին ապաւինեց, որը Դաւթին և իւր
 խմբին իրրև բնակութեան տեղ յատկացրեց Սի-
 կելակ քաղաքը: Այստեղից Դաւիթը յարձակու-
 մներ գործեց անապատաբնակ թափառական ցե-
 ղերի վրայ: (Տ. Ա. ԹԳ. Ի—ԻԲ և ԻԷ):

Փղշտացիները նկատելով՝ որ Իսրայէլում մեծանում է դժգոհութիւնը Սաւուղի դէմ, նորից իրենց ոյժերը հաւաքեցին Իսրայէլի դէմ: Նրանք պաշարեցին Սաւուղի բանակը Եզրայէլի հովտում՝ Գեղբուա սարի վրայ, ուր և տեղի ունեցաւ Սաւուղի վերջին աղէտալի ճակատամարտը: Այդ տեղը, այս ճակատամարտում տեսաւ իւր բանակի պարտութիւնը, իր երեք որդիների թշնամիներից ընկնելը և յուսահատութիւնից ինքն էլ ընկաւ իւր սրի վրայ և ինքնասպան եղաւ: Թշնամիները նրա գլուխը կրտրեցին և մարմինը կախեցին Բեթսան քաղաքի պարսպից, որտեղից Եաբին քաղաքի բնակիչները գիշերով գողացան և անարգանքից ազատելով նրա մարմինը՝ այրեցին, և այդպիսով յայտնեցին իրենց շնորհակալութիւնը իրենց ազատարարին (Տ. Ա. ԹԳ. ԻԹ և ԼԱ): Դաւիթը այս պարտութեան և կոտորածի լուրն առնելով՝ մի ողբ յօրինեց և ողբաց իսրայէլացիների առաջին թագաւորի և յատկապէս նրա որդի Յովնաթանի անփառունակ մահը (Տ. Բ. ԹԳ. գլ. Ա.):

Ե. Գ Լ Ո Ւ Խ

Իսրայէլի թագաւորութեան յաւագոյն շրջանը
1025—960

Գեղբուս սարի պարտութիւնից յետոյ իսրայէլի թագաւորութիւնը կործանման վտանգին ենթարկուեց, որովհետեւ փղշտացիք ամբողջ երկիրը մինչև Յորդանան տիրեցին. բայց Սաւուղի զօրավարը Աքները իւր շուրջը հաւաքեց մնացած քաջերին և Սաւուղի որդուն Իշրահաղին Յորդանանի արևելեան կողմն ընկած Մանահայիմ քաղաքը տանելով՝ թագաւոր հրատարակեց նրան (Տ. II. ԹԳ. Ի. գլ.)։ Ապա կոխ մղելով փղշտացիները դէմ՝ տիրեց Եփրեմի և Բենեամինի երկիրներին և Եզրայէլի հովտին։ Դաւիթն էլ բախտի այս փոփոխութիւնից օգտուելով փղշտացիները հաճութեամբ եկաւ և տիրեց Յուդային։ 600 մարդով մտաւ Քերբոն և Յուդայի ձերերից թագաւոր ընտրուեց։ Սկզբում Աքները աշխատում էր արգելել Դաւիթի թագաւորութիւնը, բայց երբ իւր տիրոջ Իշրահաղի կամ Իշրօշէթի հետ թշնամացաւ, զնաց Քերբոն Դաւիթի բանակին միանալու, բայց նրա զօրավար Յովարը, կասկածելով՝ որ Աքները զօրավարու-

Թիւնը պիտի խլի իւր ձեռքից, դաւաճանութեամբ սպաննեց նրան Քեբրոնի դռանը:

Շատ շանցած Բենեամինի ցեղից երկու իշխաններ, ձանձրացած Իշրահաղի թուլամորթութիւնից, գողտուկ մտնում են նրա վրանը և սպանում են նրան քնած ժամանակ՝ յոյս ունենալով թէ Դաւիթը իրենց այդ գործի համար վարձահատոյց կլինի: Իսրայէլի ծերերը տեսնելով իրենց անզուխ՝ գնում են Քեբրոն և Դաւիթին թագաւոր են ընտրում ամբողջ իսրայէլի վրայ (Տ. II. ԹԳ. Գ. Դ. 41.):

Դաւիթը ամբողջ իսրայէլի վրայ թագաւոր դառնալով՝ գրաւում է Բենեամինի սահմաններում ընկած, բայց Յերուսացիների ձեռքին մնացած Երուսաղէմ՝ քաղաքը, որը և դարձնում է իւր մայրաքաղաք. այստեղ է փոխադրում նաև գերութիւնից վերադարձած «Ուխտի տապանակը» (Տ. II ԹԳ. Ե. և 2.):

Այնուհետև նա սկսում է Սաւուղի կիսատ թողած գործը՝ գլուխ բերել՝ այն է՝ իսրայէլացիներին ազատել փղշտացիների վտանգից: Արդէն իրենք փղշտացիք լսելով՝ որ Դաւիթը, իրենց ձեռքի տակ գտնուող իշխանը, ամբողջ Իսրայէլի վրայ թագաւոր է օծուել, եկան նրա վրայ, նորից իրենց գերիշխանութեան ենթարկելու (Տ. II. Ե. 17): Բայց Դաւիթը միքանի

պատերազմներում վերջնականապէս յաղթեց ու ու հալածեց նրանց իսրայէլի սահմաններից. (Բ. ԹԳ. Ը): Այդ օրուանից ի վեր այս երկու ժողովուրդների յարաբերութիւնը դարձաւ բարեկամական: Փղշտացիները սահմանափակուեցին իրենց ծովափնեայ երկրով և վաճառականական յարաբերութեան մէջ մտան իսրայէլացիների հետ: Նոյնպիսի յարաբերութեան մէջ էին իսրայէլացիք փիւնիկեցիների հետ:

Արևելքից և հարաւից էլ Դաւիթը ընդարձակոււմ է իւր պետութեան սահմանները: Ամենից առաջ Մովաբացիներին է յաղթում և նրանց երկրին տիրում. ապա երբ լսում է, որ Ամոնի թագաւոր Նախասը մեռել է, գեսպաններ է ուղարկում նրա որդի Հանանի մօտ իւր ցաւակցութիւնը յայտնելու. բայց Հանանը կարծելով, որ այդ գեսպանները լրաեսներ կլինեն, խուզել է տալիս նրանց միրութները, և հանդերձներն էլ ճղտելով՝ յետ է ուղարկում. յետոյ զգալով՝ որ Դաւիթը չի գանդաղի այդ անպատուութեան վրէժը հանելու, դաշն է կապում գանազան արամէական ցեղերի և Սօբայի թագաւորի հետ՝ Դաւիթին գիմաղրելու համար. բայց Դաւթի Յովաբ զօրավարը նրանց բոլորին առանձին առանձին և կամ միացած յաղթեց և երկիրները նուաճեց: Այսպէս Դաւթի պետու-

թեանը ենթարկուեցին, ամոնացիք, եղովմացիք և արամեացիք կամ Դամասկոսը (Տ. Բ. ԹԳ. Ը—Ժ.):

Այս յաղթութիւններից յետոյ Դաւիթն արտաքին թշնամիներից այլ ևս վախ չունէր. դորա փոխարէն նորա բազմանդամ ընտանիքում առաջ եկան աղետալի երկսպառակութիւններ, որոնք առաջացան իւր ընտանիքում բազմաթիւ կանանց և հարճերի պատճառով: Դաւիթի անդրանիկ որդին՝ Ամոնը անպատուել էր իւր խորթ քրոջը. այս անպատուութիւնը Դաւիթը թողեց անպատիժ. բայց այդ աղջկայ եղբայր Աբիսողոմը՝ կամենալով վրէժ հանել սպանել տուեց Ամոնին: Թագաւորը զայրացաւ Աբիսողոմի վրայ և դուրս քշեց իւր պետութեան սահմաններից: Երեք տարի յետոյ Յովարի միջնորդութեամբ իրաւունք ստացաւ վերադառնալ, պայմանով՝ որ իւր տանը փակուած մնայ: Քիչ յետոյ Դաւիթը կատարելապէս ներեց նրան և իւր թագաւորութեան ժառանգ կարգեց: Բայց Դաւիթ այս ապերախտ որդին օգտուելով իւր ազատութիւնից՝ շատերին ապստամբեցրեց իւր հօր դէմ: Բենեամիւնը միացաւ իսկոյն այս ապստամբութեանը, որովհետեւ նա չէր մոռացել, թէ ինչպէս Դաւիթը խլել էր թագաւորութիւնը իւր ցեղից:

Թագաւորի համար այս շարժումը իւր դէմ շատ անսպասելի էր, և նա շփոթուած խոյս

տուեց Երուսաղէմից: Իրեն հաւատարիմ մնացած մի փոքրիկ գնդով անցաւ Յորդանան և իւր զօրքերը հաւաքեց Գիլէադում, որտեղի բընակիչներից նա լաւ ընդունելութիւն գտաւ: Մահանայիմում կարգի դրեց Դաւիթը իրեն հաւատարիմ մնացած բանակը, որպէսզի դիմադրել կարողանայ Արիսողոմի յարձակմանը: Ճակատամարտը տեղի է ունենում Եփրոնի անտառում, ուր Յովաբի ձեռքով Արիսողոմը սպանուեց: Դաւիթը երկար ողբաց իւր զեղեցիկ որդու եղերական մահը (Բ. ԹԳ. Ժէ—ԺԸ):

Սկզբում ապստամբ ցեղերը զղջացին և խնդրում էին Դաւթին վերադառնալ և մեծահոգութեամբ ներելով՝ նորից թագաւորել իրենց վրայ: Բայց վերադարձին Յուդայի և միւս ցեղերի մէջ մի տարածայնութիւն պատահեց, իսկ Դաւիթը Յուդայի կողմը բռնեց: Այն ժամանակ Բենեամիների ցեղից Սերա անունով մի մարդ պատերազմական փող հնչեցնել տուեց և աղաղակեց «Ով իսրայէլացիք, ի՞նչ գործ ունենք մենք Յեսէի որդի Դաւթի հետ, զնանք ամենքս մեր ճանապարհով»: և իսրայէլացիք լսեցին նրան, միայն Յուդան մնաց Դաւթին հաւատարիմ: Յովաբ զօրավարը առանց ժամանակ տալու՝ ընկաւ ապստամբների երկրի վրայ և բոլորին էլ նուաճեց: Նա պաշարեց ի վերջոյ Աբէլ

քաղաքը, ուր ամրացել էր Սերան. բայց քաղաքն աննելու պէտք չկար, որովհետև այդ քաղաքից մի կին կտրելով Սերայի գլուխը՝ ձգեց Յովարի բանակը: Այդպիսով ապստամբութիւնն ընկճուած էր. բայց այս ապստամբութիւնն ապացուցեց, որ խոր ատելութիւն կար Յուդայի և մնացած ցեղերի մէջ, որ բոլորը միատեղ մի թագաւորութեան մէջ երկար ժամանակ մնալ չեն կարող (Բ Թ. Ի.):

Դաւթի նշանակութիւնը Իսրայէլի պատմութեան համար այնուամենայնիւ շատ մեծ էր: Իսրայէլի թագաւորութիւնը ոչ նրանից առաջ և ոչ էլ նրանից յետոյ չկարողացաւ այն ծաւալն ու հզօրութիւնը ձեռք բերել: Դաւթի թագաւորութեան սահմաններն էին՝ արևմուտքից փրդշտացիների և փիւնիկեցիների երկրները, արևելքից Նփրատ գետը և ասորական անապատը, հիւսիսից Արամէա, հարաւից Կարմիր ծովն ու Նզիպտոս: Այդ թագաւորութեան փառքը մնաց ժողովրդի յիշողութեան մէջ: Նրա գործն էր երուսաղէմը, որ նա շինեց և զարդարեց և դարձրեց Իսրայէլի կրօնական և քաղաքական ամենանշանաւոր կեդրոն: Իբրև անձնաւորութիւն քաջ էր նա և ընդունակ: Իւր ժամանակին տաւաւորութիւն է թողել նորա խոր հաւատն ու բարեպաշտութիւնը և նորա զղջալու կամ ապաշխարելու

ընդունակութիւնը: Նորա զգացուն սիրտը, որով նա կրօնական և աշխարհիկ բանաստեղծութիւններ էր յօրինում: Այս առաքինութիւնները դարձրել են նրան տիպար թագաւոր և նրա անունը անմահացրել են, չնայած, որ նա ունէր և խոշոր թերութիւններ. օրինակ՝ նա խիստ էր և կրքոտ, խորամանկ և փառասէր: Այնուամենայնիւ իբրև պետական մարդ նա մեծ հեռատեսութիւն ունէր, որով կարողացաւ իւր գահի շուրջը հաւաքել իւր ժամանակի ընդունակ մարդկանց: Նա Սաւուղի պէս հասարակ կեանք չէր վարում, այլ ապրում էր Երուսաղեմում շինած իւր շքեղ պալատում, որը գիշեր ցերեկ պահպանուում էր վարձկան զինւորների մի զնդով: Անձամբ քիչ անգամ էր պատերազմ գնում, այլ ուղարկում էր իւր զօրավարներին: Իսրայէլի ամեն կողմից գալիս էր ժողովուրդը դէպի Երուսաղէմ իւր տուրքը տալու և իւր վէճերը թագաւորի դատատանին յանձնելու:

Թագաւորութեան վերջին տարիներին Դաւիթը հոգևով և մարմնով մաշուած էր: Իսկական գահաժառանգն էր իւր որդիներից աւագը՝ Ադոնեան. Յովար զօրավարը և Արիաթար քահանան նորա թեկնածութիւնն էին պաշտպանում, բայց դեռ ևս Դաւթի կենդանութեան ժամանակ Նաթան Մարգարէն, Սատովկ քահանան և պահա-

կախումբի առաջնորդը կարողացան սպանել տալ Ադոնային և Յովարին, իսկ միւս որդուն՝ Սողոմոնին թագաւոր հռչակել:

Սողոմոնը իւր հօր պէս պատերազմի մարդ և հեռատես քաղաքագէտ չէր: Նա ոչ մի բանի չձեռնարկեց, երբ տեսաւ, թէ Ասորիքում իրեն հարկատու արամէացիք անկախ դառնալով՝ հիմնում են Դամասկոսի թագաւորութիւնը, որը յետոյ Իսրայէլի հօրապոյն թշնամին դարձաւ: Յետոյ նա թոյլ տուաւ, որ եզովմացիք ապստամբեն, գրանից օգտուելով Մովար և Ամոն սկսեցին զէպի անկախութիւն ձգտել: Բայց Սողոմոնը յայտնի եղաւ իբրև իմաստուն կառավարիչ, արդար գատաւոր և իբրև փառաւոր և հարուստ թագաւոր (Տ. Գ. ԹԳ. Գ. և Ժ. գլ.):

Դաւթի և Սողոմոնի ժամանակ քանանացիները ձուլուեցին իսրայէլացիների հետ և անհետացան. այդ բանին շատ օգնեց Սողոմոնի խաղաղ կառավարութիւնը: Սողոմոնը իւր պետութիւնը բաժանեց 12 նահանգների և իւրաքանչիւրի վրայ մի կառավարիչ նշանակեց: Նա իւր ամբողջ ժամանակը նուիրեց շինարարական գործին, որով զարգարեց և ամբացրեց Երուսաղէմը: Նա շինեց Եհովայի համար մի այնպիսի փառաւոր տաճար, որը զարեւր շարունակ նրա անունը անմահացրեց: Տաճարի մօտ իւր

համար էլ մի չքեղ պալատ կանգնեցրեց: Այս բոլոր շինութիւնների ծախսը ծածկելու համար նա Գալիլեա գաւառը ծախեց Տիւրոսի Հերամ թագաւորին 120 ոսկով, այլ և ամուսնացաւ եգիպտոսի թագաւորի աղջկայ հետ, որը իբր օժիտ բերեց Գեղեր քաղաքը (Գ. ԹԳ. Գ. 5—45. Գ. 25—34 Ժ. 23—29):

Իբրև խաղաղասէր իշխան նա զարկ տուեց վաճառականութեանը ծովի և ցամաքի վրայ, որով թէ ինքը և թէ ժողովուրդը հարստացան: Նորա հարստութեան և իմաստութեան համբաւը շատ հեռուններ տարածուեց: Սորա շնորհիւ երկրի մէջ արհեստները սկսեցին ծաղկել և բարեշէն քաղաքներ առաջ գալ: Այսպիսով իսրայէլացիք քաղաքակիրթ ժողովուրդ դարձան:

Զ. Գ Լ ՈՒՒ

Պետութեան րաժանումից մինչև Յերոսովամ Բ.-ը.
980—750

Սողոմոնի ժահուանից յետոյ Իսրայէլի ձերերը հաւաքուեցին Սիւքեմ խորհուրդ անելու և մի նոր թագաւոր ընտրելու. այնտեղ էր նաև Սողոմոնի որդին Ռորովամ: Ծերերը պահանջ դրին, Ռորովամին այն ժամանակ միայն

Թագաւոր ընտրել և օծել, եթէ նա կ'խոստանայ իւր հօր զբաժ հարկերի լուծը թեթևացնել: Երիտասարդ թագաժառանգը լսելով իւր երիտասարդ խորհրդատուներին, բացատրեց, որ ինչպէս հաստ է իւր ճկոյթը իւր հօր մէջքից, այնպէս էլ ծանր պիտի լինի նրա հարկերի երկաթեայ լուծը հօր զբաժ փայտի լծից: Այս յանդուզն պատասխանից յետոյ ծերերը մերժեցին նրան ընդունել թագաւոր, այլ և քարկոծելով նրա հարկահաններին, նրա տեղ ընտրեցին Բենեամինի ցեղից Նարատեան Յերոբովամին, որը արդէն իսկ Սողոմոնի ժամանակ ապստամբել, Եզրիպտոս էր փախել և այժմ վերադարձել, Սիւքեմուսն էր բնակուում (Տ. Գ. ԹԳ. ԺԲ. 41.):

Պարզ էր, որ միջին և հիւսիսային Պաղեստինի իսրայէլացի ցեղերը չէին ուզում տանել Յուդայի գերակշռութիւնը: Նրանք մի առ ժամանակ լուռ էին մնացել, որովհետև փղշտացիների վտանգ կար. երբ այդ վտանգը Դաւթի և Սողոմոնի շնորհիւ ոչնչացել էր, էլի այդ ցեղերը, զբանց մէջ մանաւանդ Յովսէփի ցեղը, բուռն պահանջ զգացին իսրայէլացւոց կրօնական և քաղաքական կենդրոնը հարաւից՝ Երուսաղէմից՝ դէպի հիւսիս տեղափոխել: Սելովում նստող Աքիա Մարգարէն նպաստում էր այդ փոփոխութեանը: Այն ժամանակներում Իսրայէլի կրօնա-

կան միակ կենդրոնատեղին Երուսաղէմը չէր։ Նիւսիսում էլ կային նշանաւոր սրբավայրեր, ինչպէս Գանը և Բէթէլը։ Այս սրբավայրերում կային բազմաթիւ քահանաներ, որոնք նոյն իրաւունքն էին վայելում, ինչ որ Երուսաղէմին։ Արդ Յերոբովամը Իսրայէլի տաս ցեղերից թագաւոր ճանաչուելուց յետոյ՝ աշխատեց իւր սրբավայրերի յատկապէս Բէթէլի յարզը բարձրացնել՝ Երուսաղէմի հեղինակութիւնը կոտորելու համար (Գ. Թ. ԺԲ. 25—33)։

Յուդայի թագաւորը Ռորովամը և նորա յաջորդները գէնքի ոյժով ուզում էին այս նոր կազմուած թագաւորութիւնն ընկճել. սկզբում նրանց կարծես թէ այդ բանը յաջողուում էր։ Յերոբովամը պարտուած՝ քաշուել էր Յորդանանից դէպի արևելք Փանուել քաղաքը, բայց այս յաջողութիւնը երկար չտևեց։ Եգիպտոսի փարաւոնը Սիսաքը օգտուելով իսրայէլացիների այս ազգամիջեան կոռուից, յարձակուեց Երուսաղէմի վրայ, կողոպտեց, այրեց տաճարը և հարուստ աւարով յետ քաշուեց 928 թուին։ Այս ձախորդութիւնը բոլորովին կոտորեց Յուդայի ոյժը (Գ. ԺԳ. 25)։

Սակայն Յերոբովամի հիմնած հարստութիւնն էլ տևական, հաստատուն և հեղինակաւոր չհղաւ։ Հազիւ էր նրա որդին Նատաբը գահ բար-

ձրացել և յաջողութեամբ կուուելով փղշտացիներ
 րի հետ՝ պաշարել էր Գիրէթոն քաղաքը, երբ
 Իսաբարի ցեղից Բասան անունով մի իշխան
 սպանելով նրան, իրեն թագաւոր հրատա-
 րակեց և Թիրասն իւր մայրաքաղաքը դարձրեց
 (Գ. ԹԳ. ԺԵ. 16—31):

Աս այնչափ զօրացաւ, որ Յուդայի հետ
 պատերազմելով՝ նրան նեղը լծեց. պաշարեց
 Երուսաղէմի մօտիկ Ռամա բերդը և հրէաստան-
 ցիների առաջ հիւսիսային ճանապարհները փա-
 կեց: Ռովբովամի յաջորդը՝ Ասան վտանգից
 ազատուելու միակ հնարը գտաւ Գամասկոսի
 թագաւոր Բենհատատին իրեն օգնութեան կան-
 չելով: Բասայի յաջորդը էլան սպանուեց իւր
 տան մէջը մի խնջոյքի ժամանակ Զէմրի զօրա-
 գլխի ձեռքով, բայց մի ուրիշ զօրավար՝ Օմրին
 թոյլ շտուաւ, որ Զէմրին թագը իր գլխին զնի:
 Նա յարձակուեց սրա վրայ և երբ Զէմրին իւր
 բանը կորած համարեց, քաշուեց իւր պալատը,
 յուսահատութիւնից կրակ ձգեց այնտեղ և ինքն
 էլ մէջը այրուեց, որից յետոյ Օմրին գահ բար-
 ձրացաւ:

Հիւսիսային թագաւորութեան Օմրիի հիմնած
 այս երրորդ հարստութիւնը 900 թ. աւելի զօ-
 րեղ և հաստատուն եղաւ: Օմրին քաջութեամբ
 պաշտպանեց իւր պետութիւնը և իւր մայրա-

բաղաք դարձրեց Սամարեան: Ասորեստանցիք այս թագաւորին յիշում են իրենց արձանագրութիւններում: Սա մովաբացիներին հարկատու դարձրեց և Մեղարա երկիրը իւր պետութեանը միացրեց. միայն Գամասկոսի հետ նա չկարողացաւ յաջողութեամբ մրցել (Գ. ԹԳ. ԺԶ.):

Օմրիին յաջորդեց իւր որդին Աքաար, որը զաշնակցելով Գամասկոսի հետ 854-ին եփրատի ափին՝ Քարքարում դուրս եկաւ ասորեստանցոց դէմ, որոնք անընդհատ յառաջխաղացութեամբ ուզում էին իրենց պետութեան արևմտեան սահմանները մինչև Միջերկրական ծովը հասցնել: Քարքարի ճակատամարտը երկար տևեց, բայց յաղթութիւնը անորոշ մնաց և ասորեստանցիք յետ դարձան: Հաղիւ էին նրանք հեռացել, երբ զամասկացիք նորից յարձակուեցին Իսրայէլի վրայ: Աքաարը քաջութեամբ էր պաշտպանուում. նա յետ քշեց նրանց այն ժամանակ, երբ նրանք համարձակուեցին մինչև անգամ Սամարեան պաշարել (Գ. ԹԳ. Ի.):

Հետևեալ տարին, երբ նրանք նորից իրենց յարձակումը կրկնեցին, նա Աֆէքի մօտ բաց զաշտում յաղթեց նրանց և Բենհատատ թագաւորին գերի բռնեց: Հակառակ իւր կրօնասէր և հայրենասէր մարդարէների խորհրդին՝ ազատ արձակեց Բենհատատին պայմանով, որ նա յետ

տայ Գիլէատի քաղաքները և Ռամա բերդը և իրեն էլ միշտ զաշնակից մնայ: Բենհատաար խոստացաւ և ազատուեց, բայց իւր խոստումը չկատարեց. այնպէս որ Աքաար նոր պատերազմ մղելով միայն՝ կարողացաւ գրաւել մի քանի քաղաքներ: Մի անգամ էլ, երբ Յուդայի Յովսափատ թագաւորի հետ զաշնակցած նորից Դամասկոսի վրայ պատերազմի էր դնում, հարցրեց Ենովայի 400 մարգարէներին պատերազմի ելքի մասին. նրանք միաբերան պատասխանեցին «Գնա, և Տէրը քո ձեռքը պիտի տայ քո թշնամիներին»: Մինչև իսկ Սեղեկիա մարգարէն գլխին երկաթէ եղջիւրներ անցկացնելով՝ գլխով պողահարելով՝ յայտնեց, որ թագաւորն էլ այդպէս պիտի հարուածի դամասկացիներին և բնաջինջ անի: Միայն Միքա մարգարէն գուշակում էր դժբախտութիւն. նա տեսնում էր, որ իսրայէլացիք ցրուած են լեռների վրայ իրրև անհովիւ ոչխարներ: Սեղեկիան նրան ապտակեց, իսկ թագաւորը բանտարկել տուեց, ասելով՝ որ եթէ պատերազմից յաջողութեամբ վերադառնայ, նրան սպանել պիտի տայ սուտ մարգարէանալուն համար: Բայց դժբախտաբար պատերազմից ողջ չվերադարձաւ. Ռամայի մօտ կռուի տաքացած միջոցին մի նետով ծանր վիրաւորուեց և երեկոյեան դէմ շունչը փչեց իւր կառքի մէջ:

Նորա գօրքերը նորա մարմինը բերին և հանդիսով թագեցին 851 թուին (Գ. ԹԳ. Ի. Բ.):

Աքաարի վերջին տարիներու՝ այս պատերազմների ժամանակ Մովսրի թագաւոր Մեսան իրեն անկախ էր հրատարակել և Մեղարա գաւառն էլ գրաւել էր: Աքաարի որդին Աքազիան կարճ թագաւորեց և ոչինչ շկարողացաւ նրա դէմ անել. իսկ Աքազիայի եղբայրն ու յաջորդը Յովրամը նախօրօք դաշնակցելով Յուդայի և եղովմի թագաւորների հետ արշաւեց նրա վրայ: Հարաւից դաշնակիցները մտան Մովսրի երկիրը, և քանդեցին ամեն ինչ. արտերը քարերով լցրին, աղբիւրները խցեցին, իսկ ծառերը կրտատեցին և մայրաքաղաքն էլ պաշարեցին: Ի գո՛ւր Մեսան փորձեց պաշարողների շարքերը կտրել և անցնել: Յուսահատութիւնից մոլեգնած թագաւորը իւր անդրանիկ որդուն մորթեց քաղաքի պարսպների վրայ թշնամիների աչքի առաջ: Այս բանը այնպիսի սարսուռ պատճառեց, որ դաշնակիցները առանց քաղաքն առնելու թողին ու վերադարձան (Գ. ԹԳ. Գ.):

Յովրամը այս արշաւանքը կարող էր կատարել, որովհետև Դամասկացիները այդ թուերին գրադուած էին ասորեստանցիների նոր յարձակումներով (850—848), բայց երբ նրանք հեռացան՝ դամասկացիք նորից յարձակուեցին Իս-

բայէլի վրայ և Յովրամին փակեցին Սամարիայում: Այստեղ արդէն սով էր ընկել և քիչ էր մնացել, որ քաղաքը թշնամու ձեռքն ընկնէր, երբ 846 թուին տեղի ունեցած ասորեստանցիների մի նոր արշաւանք ստիպեց նրանց յետ դառնալ, որից օգտուելով Յովրամը՝ զբաւեց նըրանցից Ռամովթ-Գաղասաւը: Այս յաղթութիւնից քիչ յետոյ պետական մի մեծ յեղաշրջում կատարուեց:

Յովրամի հայրը Աքաաբը կնութեան էր առել սիդոնացիների թագաւորի աղջկան՝ Յեզարէլին, որի համար նա շինել էր Բահաղ աստծուն նւիրուած մի տաճար: Այս բանը խիստ վրդովեց Իսրայէլի մարգարէներին, որոնք Իսրայէլի Աստծուն Նիովային նախանձախնդիր՝ վիրաւորանք և սրբապղծութիւն էին համարում այդ բանը: Գրանց մէջ աչքի էր ընկնում Նղիա մարգարէն, որը Բահաղի շատ մարգարէներին և քահանաներին կոտորել տուեց, բայց ինքն էլ երկար և ծանր հալածանքներ կրեց Աքաաբից և նրա կնոջից (Գ. թԳ. ԺԸ. և ԺԹ.): Այս կինը բացի դրանից մի մեծ անիրաւութիւն էլ գործել էր տուել իւր ամուսնուն: Նա եզրայէլացի Նաբովթ անունով մի մարդու սպանել էր տուել՝ նրա ազարակը ձեռք բերելու համար: Այդ դէպքին Նղեան ականատես էր եղել և սրբ-

բազան գայրոյթով լցուած գուշակել էր Աքաարի կամ Օմրիի տան կործանումը: Եղիսէն՝ Եղիայի աշակերտը՝ լսել էր այդ գուշակութիւնը և ուզում էր գլուխ բերել այն (Գ. ԹԳ. ԻԱ):

Երբ Յովրամը, Աքաարի որդին, Ռամովթ-Քաղաատի պատերազմում թեթև կերպով վիրաւորուած՝ գնաց Եզրայէլ քաղաքը կազդուրուելու, Եղիսէն իւր աշակերտներէից մէկին, ուղարկեց պատերազմի դաշտ՝ Յէու գօրավաժարին թագաւոր օծելու և այդպիսով ապստամբեցնելու Յովրամի դէմ: Աշակերտ-մարդարէն գտաւ Յէուին մեծամեծների ժողովում, որին դուրս կանչեց մի ծածուկ տեղ և իւրի սրուակը նրա գլխին թափեց, յայտնելով՝ որ Եհովան նրան թագաւոր օծեց իւր ժողովրդի վրայ: Այս ասելով անհետացաւ: Երբ մեծամեծները Յէուին հարց տուին, թէ այն «դէրվիշ» ի՞նչ գործ ունէր նրա հետ, նա նախ ծածկեց, բայց վերջը յայտնեց եղելութիւնը: Այն ժամանակ այդ մեծամեծները իրենց շորերը փռեցին Յէուի աթոռի առաջ, պատերազմի փող հնչել տուին և Յէուին թագաւոր հրատարակեցին: Որոշուեց ժամանակ չտալ Յովրամին, այլ մի բանակով նրա վրայ գնալ և Եզրայէլում բռնել նրան: Եզրայէլի աշտարակի վրայ կանգնած պահապանը նկատեց, որ հեռուից մի գունդ զօրք է գալիս:

Յովրամը երեք անգամ մարդ ուղարկեց իմանալու, թէ ովքեր են եկողները, բայց գնացողները յետ չկան. այն ժամանակ ինքը կսուրբ լծել տուեց նրանց առաջ գնալու: Նարովթի ազարակում իբար հանդիպեցին, որտեղ Յէուն Յովրամին նետահարեց թիկունքից: Թագաւորի մարմինը Յէուի հրամանով ձգուեց արտի մէջ, որպէսզի անիրաւութեամբ խլուած ազարակը նրա արիւնով ցօղուի: Քաղաքը մտնելով Յէուն Յովրամի մօրը Եզարէլին պալատի պատուհանից վայր ձգել տուեց, որպէսզի այնտեղ ճանապարհի ազբակոյտի վրայ շները նրա մարմինը լափեն: Սրանով շրաւականանալով Յէուն սպանեց Եզրայէլում գտնուող Յովրամի բոլոր ազգականներին և պաշտօնեաներին և Բահայի քահանաներին. ապա մարդ ուղարկելով Սամարեա, պահանջեց մեծամեծներից, որ կամ Աքաարի եօթանասուն որդիների գլուխները կտրեն և կողովների մէջ լցրած իրեն ուղարկեն և կամ նրանցից մէկին իրենց թագաւոր ընտրելով՝ դուրս գան իւր դէմ կռուի: Սամարեայի ծերերը կատարեցին առաջին պահանջը: Յէուն այդ գլուխներից բուրգեր շինեց Եզրայէլի քաղաքի դռան: (Դ. ԹԳ. Ժ.):

Այս սարսափելի արիւնհեղութեանը յաջորդեց մի ուրիշը: Նա լուր տարածեց, թէ մտա-

զիր է Բահաղի համար մի մեծ տօն կատարել: Բահաղի մարգարէները, քրմերը և պաշտօնեաները հաւաքուեցին նրա մօտ հանդիսաւոր գոհեր մատուցանելու տաճարում երբ ինքը գոհել էր և դուրս եկել տաճարից, հրամայեց իւր զինւորներին տաճարի դռները բռնել և բոլոր Բահաղի պաշտօնեաներին կոտորել: Այսպէս մաքրեց նա կոստապաշտութիւնը Իսրայէլից:

Բայց թագաւորի այս բարբարոս վարմունքը Իսրայէլի մէջ ընդհանուր հաւանութիւն չէր գտնուի: Յէուլի հիմնած հարստութիւնը վերջինը եղաւ. ժողովուրդը սիրով չէր յարած թագաւորական տանը, որը իւր ոյժը պահպանում էր միայն զինւորների օգնութեամբ: Այս հարստութիւնն էլ ստիպուած էր իսրայէլացիներին պաշտպանել դամասկացիների յարձակումներից, և երբ Յէուլն տեսաւ, որ միայնակ չի կարող նրանց զիմադրել, զիմեց ստորեստանցիների օգնութեան, հարուստ ընծաներ ուղարկելով Սալմանասար III-ին, խնդրեց նրան ազատել իրեն իւր թշնամիներից: Այդ ընծայաբերութիւնը Սալմանասարը փորագրել տուեց. 842 և 839-ին թուերին Գամասկոսի վրայ արշաւեց: Բայց երբ նա հեռացաւ, իսրայէլացիք, Յէուլն և նրա երկու յաջորդները դարձեալ անպաշտպան մնացին դամասկացիների առաջ: Նրանք կորցրին Գա-

դաստ, ենթարկուեցին շրջակայ ժողովուրդների մովարացիներին, ամոնացիներին և փղշտացիներին յարձակման: Եղիսէ մարգարէն իւր աշակերտ-մարգարէներին խմբերով կուուում էր Իսրայէլի անկախութիւնը փրկելու համար: Յետի թողը՝ Յովասը աւելի բախտաւոր գտնուեց. նա կարողացաւ երեք անգամ ջարդել դամասկացիներին. այնպէս որ Յովասի սրղին և յաջորդը Յերոբո-վամ Բ-ը կարող էր խաղաղ թաղաւորել և երկիրը արտաքուստ և ներքուստ զօրեղացնել: Դամասկացիք իրենց սահմանների մէջ ամփոփուեցին. մովարացիք ընկճուեցին և հարկատու դառան: Յերոբովամ Բ-ի օրով Իսրայէլի թագաւորութիւնը վերջին անգամ փայլեց մօտաւորապէս 760 թուին:

Է. Գ. Լ. ՈՒ Խ

Իսրայէլի Աստուածը եւ նրա պաշտամունքը

Իսրայէլի ժողովուրդը՝ ոչ թէ իւր արտաքին քաղաքական պատմութեամբ է նշանաւոր դարձել, այլ իւր կրօնական կեանքով և աշխարհայեացքով, որը յետագայում մարգարէներին գործունէութեան շնորհիւ և Յիսուս Քրիստոսի հանդէս զալովը՝ աւելի գտուեց փսեմացաւ և

տարածուեց միւս ժողովուրդների մէջ: Այնպէս որ մեր քրիստոնէական կրօնի սկզբնաւորութիւնը կազմում է Իսրայէլի կրօնը, որի մեծ հիմնադիրը Մովսէսն է համարուում: Իսրայէլի ժողովուրդը հաւատում էր, որ Մովսէսին Աստուած երեացել է Սինա սարի վրայ և յայտնել, որ ինքը Աբրահամի, Իսահակի և Յակոբի Աստուածը Նհովան է: Նհովան ոչ միայն բնութեան ոյժերի անձնաւորացումն էր՝ այն է՝ ամպրոպի և կայծակի, այլ նա մի զօրեղ և սուրբ էակ է, որի բացարձակ իշխանութեան տակն է գտնուում Իսրայէլի ժողովուրդը: Նա մի բարոյական ոյժ է, մի սուրբ Աստուած է, որովհետև նա մեղաւոր մարդկանց պատժում և իւր ժողովուրդին օրէնք է տալիս, ինչպիսին էր տասնաբանեայ պատուիրանները: Իսրայէլի Աստուածը Նհովան է. այս էր այդ ժողովրդի հաւատամքի առաջին և հիմնական խօսքը: Նհովան ու Իսրայէլը միմեանց են պատկանում: Ժողովուրդը նրանից էր սպասում օգնութիւն կեանքի բոլոր հանգամանքներում: Նա էր, որ ժողովրդի համար կռուում և նրան յաղթութիւն պարգևում, երկրագործին արև ու անձրև էր տալիս: Եթէ պտղաբերութիւնը յաջող էր, նշանակում է Նհովան սիրալիր է դէպի իւր ժողովուրդը և այդ բանը ներշնչում էր ոգևորութիւն: Իսկ եթէ

ժողովուրդը դժբախտութեան մէջ էր ընկնում, թշնամիներէ յարձակումներին էր ենթարկուում կամ երաշտ էր, նշանակում է Եհովան բարկացել է և ուզում է ժողովրդին նրա ունէ մեղքի համար պատժել: Իսրայէլի ժողովուրդը հաւատում էր, որ իւր Աստծու և իր մէջ Մովսէսի միջնորդութեամբ մի դաշինք է կընքուած, մի ուխտ է հաստատուած, որի յիշատակը կատարում էր մի ծիսակատարութեամբ: Երբ շնորհակալութեան զոհ էին մատուցում Աստծուն, զոհուած կենդանու արիւնը երկու մասի էին բաժանում. մի մասը ցանում էին Աստծու սեղանի վրայ, իսկ միւս մասը մի սափորի մէջ էին հաւաքում և ցանում էին ժողովրդի վրայ. այդպիսով՝ ինչպէս որ մարդկանց համայնակեցութիւնը արեւնակեցութեան վրայ էր հիմնուած, այնպէս էլ արիւնով էր վերահաստատուում Աստծու և ժողովրդի յարաբերութիւնը:

Աստծու և Իսրայէլի մէջ գոյութիւն ունեցող այս դաշնակցական յարաբերութեան գաղափարը հին կտակարանի կրօնի էական տարրն է: Այս գաղափարի էութիւնն է կազմում թուոց ԻԶ. 12-ի «Ես կամենում եմ ձեր Աստուածը լինել և զուք պէտք է իմ ժողովուրդը լինիք» խօսքը: Իսրայէլը Աստծուն իբրև իւր Աստուածը ճանաչել էր յատկապէս իւր Եգիպտոսից ազատուելու

մեծ գործում: Այս փրկութիւնը Իսրայէլի Աստ-
ծու հիմնական յայտնութիւնն էր: Այդ պատճա-
ռով տասնարանեայ պատուիրանի հէնց սկզբում
ասած է «Ես եմ քո տէր Աստուածը, որ քեզ
եզրիպտոսից, ծառայութեան տանից հանեցի».
Ելից Ի. 2: Իւր ազատած ժողովրդին Նա Սինայում
օրէնք է տուել և բերել թնակեցրել աւետեաց
երկրում՝ Քանանում և իբրև այդ ժողովրդի իսկա-
կան թագաւոր գործում է այնտեղ: Այդ ժո-
ղովրդի կեանքն ու յարաբերութիւնները, կրօնն
ու բարոյականութիւնը, ընտանիքն ու պետու-
թիւնը պիտի կառավարուէին իւր թագաւոր
Աստծու օրէնքներով, որի հիւքը կազմում են
տասն պատուիրանները: Դրանից առաջինը ար-
գելում է բազմաստուծութիւնը, երկրորդը՝
պատկերապաշտութիւնը, երրորդը՝ Աստծու ա-
նունը ի գուր գործ դնելը: Չորրորդը՝ պատուի-
րում է շարաթը սուրբ պահել, հինգերորդը՝ հօրն
ու մօրը պատուել, վեցերորդը արգելում է
մարդասպանութիւնը, եօթերորդը՝ շնութիւնը,
ութերորդը՝ գողութիւնը, իններորդը՝ սուտ վը-
կայելը, տասներորդը՝ ընկերոջ ունեցածին աչքը
դնելը:

Այս պատուիրաններով Աստուած Իսրայէ-
լի մէջ հանդէս էր գալիս իբրև օրէնստու թա-
գաւոր, նա ոչ միայն իւր օրէնքների համաձայն

դատում էր, այլ նաև նրան պատերազմում իբրև զօրավար առաջնորդում էր: Իսրայէլի պատերազմները Եհովայի պատերազմներ էին. դատերը նրա անունով էին կարում. այսպիսով Իսրայէլի պետութիւնը մի աստուածապետութիւն էր: Աստուած բնակուում էր իւր ժողովրդի մէջ: Նրա ներկայութեան խորհրդանշանն էր «Տապանակ ուխտի»-ն Ել. 25—22: Ըստ աւանդութեան Մովսէս մի արկղ էր պատրաստել տասը պատուիրանների քարեղէն տախտակների համար: Մինչև Սողոմոնի ժամանակները այդ Տապանակը գտնուում էր «վկայութեան խորան» կոչուած մի վրանի տակ, մինչև որ Սողոմոնը տաճարը շինեց, ուր և տեղաւորեցին այդ Տապանակը: Սրա երեսին գրած կափարիչը ծածկուած էր Քերովբէների քանդակներով, որոնք ամպրոպի խորհրդանշանն էին համարուում, այն ամպրոպի, որի մէջ Աստուած յաճախ յայտնուում էր ժողովրդին: Խաղաղութեան զոհն անելիս՝ քահանայապետը այս կափարիչի վերայ պիտի ցանէր զոհի արիւնի մի մասը, որով ամբողջ ժողովրդի մեղքերին թողութիւն կարուէր:

Ուխտի տապանակի համար հիմնած էր վկայութեան խորանը, որը նոյնպէս Աստուծո ժողովրդի մէջ ներկայ լինելն էր ցոյց տալիս: Սողոմոնի տաճարը բռնեց յետագայում այս

խորանի տեղը, որը նրա օրինակով էր շինած՝ 15 մետր բարձր 10 մ. լայն և 3 մետր երկար մի շէնք էր դա: Ինչպէս այն վկայութեան խորանը նոյնպէս և այս տաճարը բաղկացած էր երեք մասից 1) նախագաւթից եւ գաւթից 2) սրբաբարանից 3) Սրբութիւն սրբոցից: Սրբաբանում կային մի զոհի սեղան, մի առաջատրաց հացի սեղան և տասն ոսկեայ աշտանակներ: Ներքին գաւթում կային մի ողջակիզի սեղան և մի պղնձեայ ծով՝ մի մեծ աւազան ջրով լցրած, ուր քահանաները իրենց ոտներն ու ձեռները լւանում էին ծիսակատարութիւնը սկսելուց առաջ:

Սակայն չպիտի կարծել, որ Իսրայէլի մէջ պաշտամունքի վայրը միայն Երուսաղէմի տաճարն էր: Ելից 20—24 կարգում ենք «Ամեն տեղ, ուր որ ես իմ անունը յիշել կտամ, քեզ մօտ պիտի գամ և քեզ օրհնեմ»: Այնպէս որ հին ժամանակներից սկսած Իսրայէլը առանց այլ և այլութեան պաշտում էր իւր Աստծուն ամեն տեղ, յատկապէս բարձունքներում. օրինակ Սամուէլը զոհում էր Ռամայում, Դաւիթը՝ Բեթղէհեմում ու Քեբբոնում. Եղիան՝ Կարմեղոսի վրայ: Երուսաղէմի տաճարի հետ համեմատած սկզբում Բէթէլ և Դան սրբավայրերը հիւսիսային թաղաւորութեան մէջ աւելի մեծ հեղինակութիւն ունէին և իբրև արքունի սրբավայր

էին նկատուում: Շատ տեղ քարակոյտեր սրբավայր էին համարուում, ինչպէս Քաղզաղա: Սուրբ էին համարուում երբեմն մի կաղնի ծառ, կամ մի արմաւենի և կամ ծառերի մի խումբ. նաև Քաղէշի և Բերսարէի աղբիւրները նշանաւոր սրբատեղիներ էին: Վերջերը միայն արհեստական քարէ սրբասաշ սեղաններ շինուեցին և բնական ծառերի փոխարէն սրբավայրերի շուրջը արհեստական ծառեր տնկեցին և ուր որ բնական աղբիւր չկար, պղնձէ աւազաններ շինեցին:

Զնայած որ Մովսէսը արգելել էր Աստծուն ներկայացնող պատկերներ շինել, բայց Իսրայէլի հասարակ ժողովրդի մէջ պատկերապատութիւնը և կռապաշտութիւնը մուտ էին գործել: Օրինակ՝ Երուսաղէմում կար մի պղնձէ օձ, որը ներկայացնում էր Եհովային: Երբեմն էլ իսրայէլացիք, երևի եգիպտացիներից ազդուած, Եհովային ներկայացնում էին եզան կամ հորթի կերպարանքով, դա համարուում էր Յերոբոփամի մեղքը: Քանանացիների ազդեցութեամբ իսրայէլացիք սկսեցին տեղ տեղ նրանց արևի աստծուն Բահաղին պաշտել, որին զոհում էին ոչ միայն կենդանիներ այլ նոյնիսկ երբեմն երեխաներին: Օր. Բահաղ ճանճիկին (Դ. ԹՊ. Ա. գլ.): Այս Աստծուն էին նուիրուած լեռների կանա-

չաւէտ բարձունքները: Բահայի հետ պաշտուում էր երբեմն նաև Աստարտէն, որը լուսնի աստուած էր համարուում:

Բացի այս զլխաւոր աստուածներից սնահաւատ ժողովրդի համար գոյութիւն ունէին նաև ուրիշ աւելի երկրորդական աստուածութիւններ: Օրինակ ամեն մի տոհմ ունէր իւր տոհմային աստուածութիւն: Այդ աստուածները անուն չունէին, իսկ դրանց պատկերները Թերափներ էին կոչուում, որոնք երևի ներկայացնում էին տոհմի նախնիքների ոգիները: Ժամանակի ընթացքում կամաց կամաց այս հեթանոսական հաւատալիքներն ու պաշտամունքները մէջտեղից վերացան, անհետացան ճշմարիտ Աստուծոյ ճշովայի պաշտամունքի առաջ:

Ենովան էր Իսրայէլի իսկական Աստուածը, որը և ցանկացել էր իւր ժողովրդի մէջ բնակուել և որին նուիրուած էր իսրայէլացու աւեն մի գործ, ամբողջ կեանքը: Բայց չնայած դրան շարաթուայ մէջ մի առանձին օր նուիրուած էր Աստուծոյ: Շարաթ օրը պիտի բոլոր գործերը կանգ առնէին, որպէս զի ինչպէս անհատը՝ այնպէս էլ ամբողջ ժողովուրդը ի պատիւ Աստուծոյ հանգիստ մնալով ապացուցէր, թէ ինքը պատկանում է Ենովային՝ Աստուծոյ: Ամեն շարաթ օրը իսրայէլացին պիտի զիտակցէր, որ ինքը

կապուած է իւր Աստծոյ հետ անխզելի «Ուխտով»։ Եւս այս անխզելի դաշնակցութեան խորհրդանշանն է դառնում շարաթ օրուայ տօնելը։ Ով շարաթը սուրբ չպահէր՝ նա կ'իջէր այդ դաշինքը, որով և կարժանանար մահուան պատժի։ Շարաթ օրը իսրայէլացիք հաւաքուում էին իրենց սրբավայրերում և Տիրոջ առաջ ուրախանում էին։ Բացի շարաթ օրուանից տօնում էին իսրայէլացիք եօթներորդ և յիսուներորդ տարին, որը անուանուում էր յօրելենական տարի։ Հայրենի հողը վեց տարի մշակուելուց յետոյ եօթներորդ տարին պիտի հանգստանար, և ինչ որ այդ տարին ինքնիրեն բուսնէր, պիտի թողնուէր ազգասներին և երկնքի թռչուններին։ Ազգասներին փոխ տուած փողը եօթներորդ տարում չէր կարելի յետ պահանջել։ Եօթն անգամ եօթ տարիները անցնելուց յետոյ պէտք էր տօնել հետեւալ յիսուներորդ յօրելենական տարին, երբ ազարակները չպիտի մրշակուէին և ստրուկները ազատ պիտի թողնուէին։ Տարուայ մէջ երեք գլխաւոր տօներ կային, ա. *Չատիկը*, որը սկզբում զարնան տօնի նշանակութիւնն ունէր, երբ անասունների առաջին ծնունդը զոհում էին Աստծուն. բայց յետոյ այս գաղափարի փոխարէն *Չատիկը* իսրայէլացիների Եզրիպտոսից ազատուելու յիշատակի տօնը դար-

ձաւ: Գարնանային ամսուայ Նիսանի 14-ին ամեն մի խորայէլացի իւր տան համար մի միամեայ անարատ գառ պիտի առնէր և երեկոյեան դէմ մորթէր, և առանց նրանից մի ոսկոր անգամ կտարելու, պիտի խորովէր և ուտէր անխմոր հացով և դառն համեմուռնքներով: Կենդանու արիւնը պիտի հաշտեցնէր խորայէլացուն իւր Աստծու հետ: Այդ արիւնից պէտք էր քսել տան դռան դրանդիին: Ընդանիքի բոլոր անդամները այդ օրը միատեղ պիտի ընթրէին և ուտէին զատկական դառնից՝ առանց նրանից մի մնացորդ թողնելու: Այս երեկոյեան տօնին յաջորդում էր եօթնօրեայ անխմոր հացի՝ կամ առաջին հունձի տօնը: Երկրորդը Պենտեկոստէի տօնն էր, որը կատարուում էր Զատիկից 50 օր յետոյ: Այդ օրը երկու ցորենի հաց իբրև առաջին պտուղ նուէր էին բերում Տիրոջ: Երրորդ տարեկան տօնն էր Տաղաւարահարաց տօնը, որը տևում էր 7—8 օր: Սա էլ վերջին պտուղներին, գինու տօնն էր, երբ ժողովուրդը այգիներում վրան էր խփում և այնտեղ բացօթեայ տօնախմբութիւններ էր սարքում:

Առանձին նշանակութիւն ունէր այսպէս կոչուած հաշտութեան օրը, որը ընկնում էր եօթներորդ ամսուայ տասներորդ օրում: Այդ օրը խորայէլացիք ծոմ էին պահում ժողո-

վրդի անքաւելի մեղքերի համար: Քահանայապետը իւր և իւր ժողովրդի համար զոհ էր մատուցում և զոհի արիւնից քսում էր սրբութեան սրբոցում գտնուող Ուխտի տապանակի ծածկոցին և սեղանի քարին՝ կամենալով այդպիսով ժողովրդի ամբողջ տարուայ զործած մեղքերը քաւել: Իբրև ժողովրդի հաշտութեան զոհ բերում էին երկու նոխազներ, որոնցից մէկին մորթում էին, իսկ միւսի վրայ քահանայապետը իւր ձեռքը դրնելով ամբողջ ժողովրդի մեղքերի խոստովանութիւնն էր անում, յետոյ բաց էր թողնում այդ նոխազին դէպի անապատը: Առաջին նոխազով մեղքերն էին քաւուում, իսկ երկրորդովը հեռացուում էին: Հին հաւատալիքով այդ երկրորդ նոխազը անապատի շար ուզուն՝ Ազազէլին էր զոհուում: Բացի Չատկի տօնից մնացած բոլոր տօները երկրագործ ժողովրդի երկրագործական զբաղմունքների հետ էին կապուած:

Թ. Գ Լ Ո Ւ Խ

Խորայէլի կեանքը:

Մովսիսական կրօնի, ինչպէս ամեն մի յայտնութեան կրօնի մէջ էականն այն է՝ որ Աստուած յայտնուում է ժողովրդին և ցանկանում է յարաբերութեան մէջ մտնել նրա հետ.

բայց անհրաժեշտ է, որ ժողովուրդը ինքն էլ ընդունակ և արժանի լինի իւր Աստուծու հետ յարարերութիւն պահպանելու. սրա համար ժողովուրդը պիտի հոգ ասնէր իւր սրբութեան մասին և նուիրուէր իւր Աստծուն: Այս պատճառով իսրայէլացին նորածին երեխային ազով շփում էր, մեղր էր քսում նրա քմքին, որով նա եհովային էր նուիրուում: Ծննդից ութ օր յետոյ թլփատում էին որով նա համարուում էր ծխի անդամ: Այնուհետև ամեն մի իսրայէլացի պիտի աշխատէր ամբողջ իւր կեանքում սուրբ մնալ. բայց այդ սուրբ լինելը յաճախ արտաքին և ձևական կերպով էր ըմբռնուում: Օրինակ անսուրբ կհավարուէր մէկը, եթէ մի դիակ կամ մեռելոտի շօշափած լինէր, կամ խոզի միս ուտէր կամ պատահամար կենդանու արիւնից ուտէր, ինչ որ խիստ արգելուած էր, որովհետև իսրայէլացու հայեացքով արեան մէջ ընակուում է հոգին: Նրանք կարծում էին, որ որոշ կենդանիների փորում շար ոզիներ են բնակուում, այդ պատճառով այդ կենդանիները անսուրբ էին համարուում: Մի քանի հիւանդութիւններ՝ մանաւանդ բորոտութիւնը՝ անսրբութեան շատ յայտնի նշան էին համարուում: Ով ուէ կերպով անսուրբ էր դարձել՝ պարտաւոր էր համայնական ժողովից հեռու մնալ, մինչև որ զանազան

ծիսակատարութեամբ և լուացումներով սրբուէր: Յետագայում քահանան էր որոշում թէ ինչն է սուրբ և ինչը անսուրբ, բայց ըսկզբում նա այդ դիրքը չունէր: Ամէն մի ընտանիքի գլուխը՝ հայրը զոհաբերում էր ինքը և աղօթում իւր և իւրայինների համար. նոյն էր անում տոհմապետը իւր տոհմի համար: Շատ յաճախ խորայէլացի թագաւորները առանց քահանաների միջնորդութեանը զոհում էին, բայց հանգամանքների բերմամբ առանձնապէս դատացիները նուիրուեցին Աստուծոյ ծառայութեան: Սրանք էին ծառայում սրբավայրերում. քահանաները բազմաթիւ էին. նրանց պաշտօնը ժառանգական էր: Քահանայական դասակարգի մէջ առանձին դիրք զբաւեց մի տուն, որը իրեն Ահարոնի սերունդից էր համարում: Քահանաների ապրուստը զոյանում էր զոհի ժամանակ բարեպաշտ մարդկանց տուած նուէրներից: Նրանց պաշտօնն էր Աստուծու կամքը, օրէնքն ու արդարութիւնը յայտնել և սովորեցնել այն ժողովրդին, որի մտերիմ խորհրդականները դարձան և այդ ձևով մանաւանդ յետագայում մեծ ազդեցութիւն ձեռք բերին նրա վրայ:

Ինչպէս միւս ժողովուրդների նոյնպէս և Իսրայէլէ մէջ անհատի բարեպաշտութիւնը արտայայտուում էր աղօթքով և զոհով: Իսրայէլացին

անհատապէս կարող էր իւր տան կամ իր ուղած տեղում աղօթել և քահանայի միջնորդութեան պէտք չունէր. բայց երբ նա գալիս էր մի սեէ սրբավայրում աղօթելու, անյարմար էր համարուում դատարկածեռն ներկայանալ Տիրոջ. այսինքն նա իւր հետ զոհ պիտի բերէր կամ խոտանար բերելու: Սկզբներում զոհը անհատական բնոյթ էր կրում, բայց յետագայում դա կազմեց ժամապաշտութեան մի մասը: Գոնէ տարին երեք անգամ իսրայէլացին զոհերով պիտի երեւար ուէ սրբավայրում: Նախնական ժամանակներում այդ զոհերը նկատուում էին իբրև Աստուծոյ կերակուր, բայց յետոյ իրաւամբ այն գիտակցութիւնն առաջացաւ, թէ Աստուած կերակրի պէտք չունի, այլ Նրան հարկաւոր է զոհաբերողի ներքին մաքուր երախտագիտական ըզգացմունքը: Զոհաբերողը զոհից մի օր առաջ պիտի լուացուէր, մաքրուէր, հանդիսական շորեր հագնէր, վատ գործերից հեռու մնար և այդպէս երևար Աստուծու առաջ: Զոհի արիւնը, ինչպէս ասինք, քսում էին սեղանին, որպէսզի Աստուած հաշտուէր զոհաբերողի հետ. ապա զոհի միսը այրում էին սեղանի վրայ և երբ նրա ծուխը դէպի երկինքն էր բարձրանում, մարդը մխիթարուում էր այն յոյսով թէ իւր զոհը ընդու-

նելի է եղել: Զոհի մսից ֆնացած մասերը ուտում էին քահանաները:

Քահանաներից մի քիչ աւելի նուազ յարգ ունէին ժողովրդի աչքին նախնական մարգարէները, որոնք հանդէս էին դալիս մասնաւոր պատահական դէպքերում Աստուծու կամքը ժողովրդին յայտնելու: Նշանակալից է, որ Իսրայէլի ժողովուրդը վհուկթեան և կախարդութեան շատ չէր հաւատում, այլ ընդունում էր, որ իւր Աստուածը ընտիր մարդկանց միջոցով խօսում է իւր ժողովրդի հետ. այդ ընտիր մարդիկ մարգարէներն էին՝ Եհովային առանձնապէս նուիրուած, նրա փառքին նախանձախնդիր մարդիկ: Ոչ պակաս յարգանք էին վայելում Իսրայէլի մէջ ծերերը, որոնք տոհմի կամ ծխի ներկայացուցիչներն էին, որոնք և պիտի հսկէին ծխականների, տոհմականների և համայնքի բարի և աստուածահաճոյ կենցաղավարութեան վրայ: Ծերերի ժողովրդ քաղաքների կամ գիւղերի հրապարակներում, դռների մօտ վճռում էր համայնքի գործերն ու դատերը: Որոշ գրաւոր օրէնքներ շատ չկային, այլ առաջնորդուում էին սովորոյթով. յանցաւորին չէին դատում, եթէ բողոքող չլինէր. բողոքողը կամ ամբաստանողը կոչուում էր վկայ: Ծնողներին կամ թագաւորին հայհոյելը շատ մեծ յանցանք էր համարում և պատժուում

էր մահով. մահուան պատիժը ի դուռն էին հանում քարկոծութեամբ: Արեան վրիժառուն իրաւունք ունէր մարդասպանին հետեւելու և սպանելու: Եթէ չարագործութիւնը դիտմամբ չէր կատարուած, չարագործը կարող էր մի սրբավայր ապաստանել և ազատուել տուգանք տալով: Արեան տեղ արիւն, աչքի տեղ աչք և ատամի տեղ ատամ, ահա այս էր Իսրայէլի իրաւունքի հիմնական սկզբունքը: Վրէժով չլուծուած արիւնը կ'ըողոքէր երկնքին ու Ասածու բարկութիւնը կ'իջնէր այն աշխարհի վրայ: Եթէ դաշտում անյայտ ձևով սպանուած մի մարդ գտնուէր և մարդասպանը չյայտնուէր, այն ժամանակ այդ դաշտին մօտիկ գտնուող քաղաքը կամ գիւղը մի կով պիտի զոհ բերէր սպանողի փոխարէն, սրպէսզի նրա մեղքը չձանրանար այն երկրի վրայ: Անէժքը կրօնական ինքնապաշտպանութեան մի միջոց էր. անիծում էին մանաւանդ գողերին:

Ծխի անդամ լինել և ծխական բոլոր իրաւունքները վայելել կարող էր նա միայն, որը գէնք կրել, վրէժ լուծել և պատերազմի զնալ կարող էր: Միայն գէնք կրողը հնարաւորութիւն ունէր ժառանգութիւն ձեռք բերելու և հարստանալու: Որբերը, այրիները և օտարականները զրկուած էին ժողովներում ձայնի իրաւուն-

քից: Երբ նրանց դատը ծերերի ժողովում չէին տեսնում կամ ուղղութեամբ չէին դատում, նրանք «Ուսաննա» էին բացականչում, որով օգնութեան էին կանչում թագաւորին, որը երկրի գլխաւոր տէրն էր համարուում: Բայց թագաւորները մեծ մասամբ անկարող էին իրենց այս մեծ պարտքը ամեն տեղ լրիւ կատարել. մանաւանդ որ թագաւորական տները արագ փոխուում կամ ընկնում էին: Փամանակի ընթացքում որոշ դասակարգ սկսեց հարտանալ և ճնշել գիւղացիներին:

Ամենահաստատ բանը Իսրայէլի մէջ ընտանիքն էր, որը որչափ բազմանդամ լինէր, այնքան պատւի կարժանանար. ընտանիքի անդամները սիրտ կերպով կապուած էին միմեանց հետ. թէպէտ բազմակնութիւնը ընդունուած էր, բայց միակնութիւնը գերադասում էին: Իսրայէլացիք աւելի ընտանիքի յաջորդականութեանն ու անմահութեանն էին հաւատում: Թագաւորական տունը ամենամեծ տունն էր: Նորա եկամուտի աղբիւրներն էին ա) մուտք՝ սեփական կալուածներէից, որոնք կապալով էին տրուում, բ) թագաւորական հարկը, որը առաջին խոտի հունձն էր կազմում. դրանից զատ ուրիշ ընդհանուր պարտադիր կանոնաւոր հարկեր չկային, որովհետեւ տասանորդը պատկանում էր ոչ թէ թագաւորին՝ այլ Աստ-

ծուն. Թագաւորները միայն իբրև բացառու-
թիւն՝ օգտուում էին սրբավայրերի գանձերից
պատերազմի կարիքները հոգալու համար: 3)
պատերազմի աւարը, որը եկամուտների մէջ
փոքր տեղ չէր ըննում. քանի որ Թագաւորը
ինքը առաջին կռուողն էր: Կանոնաւոր զինւո-
րագրութիւն էլ չկար, ամբողջ ժողովուրդը և
մանաւանդ հարուստներն էին իսկական զինւոր-
ներ համարուում: Իւրաքանչիւր նշանաւոր
կռուող ունէր մի կապարճակիր և կամ վահա-
նակիր. պատերազմի մէջ յետագայում սկսեցին
գործածել ձիեր և կառքեր էլ: Սովորական գէն-
քեր էին նեաը և նիզակը: Զօրքի վրայ հակում
էր Թագաւորից գատ նաև մի ընդ հրամանա-
տար: Թագաւորական իշխանութիւնը մայրաքա-
ղաքից դուրսը շատ թոյլ էր. սահմանները լաւ
չէին պաշտպանուած:

Առ հասարակ իսրայէլացու ամբողջ կեան-
քը պարզ էր մանաւանդ սկզբնական ժամանակ-
ներում: Պաղեստին մտնելուց և հաստատուելուց
յետոյ՝ նոր նրանք իրենց թափառական կենցաղը
փոխեցին և սկսան երկրագործութեամբ պարա-
պել, որը և բաւական ծաղկեցրին: Պարտէզնե-
րի, այգիների և դաշտերի մշակութիւնը դարձաւ
նրանց զբաղման սիրելի առարկայ. բարի իսրա-
յէլացին տենչում էր իւր ձեռքով խաղողի այգի

տնկել և հասցնել և կամ իւր տնկած թղնու-
 հովանու տակ հանգչել: Տորենի, գարու մշակու-
 թիւնը նոյնպէս շատ առաջ գնաց. դորա փոխա-
 րէն արհեստները շատ ծաղկած չէին: Երկրա-
 գործ ժողովուրդ լինելով՝ խրայէլացիք չէին սի-
 բում քաղաքներում բնակուել. ընդհակառակն
 բաց տեղերում, բլուրների լանջերին, աղբիւր-
 ների գլխին ցրուած էին նրանց տները: Պատ
 կամ պարիսպ չկար նրանց բնակութիւնների
 շուրջը: Վտանգի ժամանակ միայն նրանք փախ-
 շում և ապաստանում էին մօտակայ ամրոց:
 Տները շինած էին կաւից. լոյսը թափանցում էր
 տան մէջը երդիկից: Օջախը տան մէջ շունէր
 կրօնական նշանակութիւն, ինչպիսին ունէր
 յոյների մէջ: Բարձեր, սեղաններ, մոմակալ և
 նստարան, սրանք էին սովորական կահաւորութիւ-
 նը: Հագնուում էին նոյնպէս շատ պարզ. ամ-
 բողջ հագուստը երբեմն մի վերարկուից էր բաղ-
 կացած, որը գործ էին դնում երբեմն նաև իրրև
 վերմակ: Կօշիկ հագնում էին, բայց ման էին
 գալիս մեծ մասով գլխաբաց: Ուտեստը բաղկա-
 ցած էր գլխաւորապէս արմտիքից և պտուղնե-
 րից: Հասարակ մարդը միս ուտում էր միայն
 զոհի օրերին՝ տարին երեք անգամ: Ծաշը տեղի
 էր ունենում կէս օրին, ուր ձիթապտուղը գլխ-
 աւոր տեղն էր բռնում: Կեանքը այսքան պարզ

էր. վերջերում միայն իսրայէլացիք վաճառականութեան վարժուեցին և դրա շնորհիւ յառաջ եկան նաև քաղաքներ և հարուստ վաճառական դասակարգ, որը իւր համար սկսեց քարէ կամ մարմարիոնէ մի քանի յարկանի տներ շինել և շուայլ ու շուայտ կեանք վարել. ամեն օր կերուխումով և արբեցութեամբ պարապել, անուշահատ իւղերով օծուել, իրենց կանանց չափից դուրս պճնազարդել: Պնալով հարստի և աղքատի տարաբերութիւնը մեծացաւ. առաջինները ամբարտաւանացած սկսեցին ճնշել աղքատներին և թոյլերին:

Դասակարգային այս մեծ չարիքի և անարդարութեան դէմ սկսեց դարձեալ Իսրայէլի Աստուած Եհովան կռուել. որովհետև նա չէր կարող թոյլ տալ անարդարութիւն իւր ընտրած ժողովրդի մէջ, և նա սկսեց պատժել նրան իւր այս մեծ մեղքի համար:

Ժ. ԳԼՈՒԽ

Սամարիայի թագաւորութեան անկումը

750—722.

Յերոբովամ Բ-ի թագաւորութեան երկրորդ կիսին հիւսիսային կամ Սամարիայի թագաւո-

բութիւնը արտաքուստ հզօր և փառաւոր էր երևում: Դամասկոսի արամէացիք ուժասպառ էին եղել և չէին կարող այլևս Իսրայէլի պետութեան վասնզ սպառնալ: Այնտեղ խաղաղութիւն էր թագաւորում և ժողովուրդն սկսել էր հարստանալ, բարգաւաճել և ապագայի վառ յոյսերով, ոսկի երազներով օրօրուել: Բայց այս ամենը միայն խաբուսիկ երևոյթ էր, որովհետև թէպէտ պետութիւնը արտաքուստ անվրդով և հզօր էր երևում, ներքուստ ընդհակառակն ամեն ինչ խախուտ էր և փտած: Ժողովուրդը բաժանուում էր երկու խոշոր դասակարգերի՝ հարստի և աղքատի: Երկրի հարստութիւնը կիտուել էր փոքրաթիւ ազնուական ընտանիքների ձեռքին, որոնք բնակուում էին Սամարիայում և այլ մեծ քաղաքներում. ունէին հոյակապ ապարանքներ, իրենց ձեռքն էին կենդրոնացրել պետութեան գլխաւոր պաշտօնները, բայց վարում էին փարթամ, շուայտ և դատարկապորտ կեանք: Իրենց դիրքի և պաշտօնի շնորհիւ անպատիժ կողոպտում էին ժողովրդին. չէին պաշտպանում արդարութիւնը, այլ կաշտոքներ վերցնելով՝ աղքատի դատը կամ չէին կտրում և կամ նրան զրկում էին: Օրերով և տարիներով այս կեանքով ապրելով՝ ժողովրդի վարիչները բթացել էին, ոչ երկրի ներքին աւերն էին տեսնում և ոչ էլ

հեռաւոր արևելքից մօտեցող ասորեստանցոց սպառնալից վտանգն էին կոահում:

Այս պայմաններում Ամովս մարգարէի երևան գալը հրաշալի բնաւորութիւն ունի: Յուդայի թագաւորութեան պատկանող թեկուս գիւղացի էր նա: Ինքը իւր համար վկայում է «Ես ոչ մարգարէ էի և ոչ մարգարէի որդի. այլ հովիւ էի և թութ էի հաւաքում. բայց Տէրն ինձ խլեց իմ հօտերից և ասաց, գնա և մարգարէացիր իմ Բսրայէլի ժողովրդի մասին»: Եւ այս հովիւը մի տօնախմբութեան ժամանակ Բսրայէլի նշանաւորագոյն սրբավայր Բէթէլում հանդէս եկաւ յայտարարելու հրճուող ամբօխին. «Ընկել է Բսրայէլի տունը և այլևս չի կանգնի. իւր երկրի վրայ ընկաւ Բսրայէլի կոյսը և ոչ ոք չկայ, որ բարձրացնէ նրան» (Ամովս Ե. 1-3): Եւ ի՞նչպէս կարող է ազատուել այն ժողովուրդը, որը իւր անարդար և անբարոյական կեանքով զարմացնում, ապշեցնում էր մինչև իսկ ասորեստանցիներին և եգիպտացիներին, որովհետեւ Բսրայէլի շարութիւնն ու եղևոնագործութիւնը անցել է ամեն շափ ու սահման: Այս ժողովրդի հարուստ դասակարգը առաւօտից մինչև երեկոյ նեղում, զրկում է ազբատներին: Նրանք սպասում են, որ անցնեն շարաթ և տօն օրերը, որպէսզի սկսեն իրենց

խայտառակ առևտուրը. կշեռքը խարդախեն, ապրանքը կեղծեն, շլտուած տոկոսներով պարտք տան, աղքատին մի զոյգ կօշկի գնով ծախեն, կաշառք առնեն և խեղճերին, որբերին և այլիներին մեղաւորցնեն: Ահա այսպիսի միջոցներով աշխատում են հարստանալ, ապարանքներ շինել, այգիներ տնկել, փղոսկրեայ գահաւորակների վրայ բնել, հորթի և ուլի փափուկ մասերով կերակրուել, գտուած գինին էլ վրայից խմել, անուշահոտ իւղով օծուել, քէֆ անել ու պար գալ սրինգների նուագածութեամբ: Նրանք ժամանակ շունին հոգալու ժողովրդի վրայ. շեն նկատում իրենց ազգի անկուճը: Նրանց այսպիսի շռայլ ու շուայտ կեանքի վարժեցնող և դրդողը նրանց կանայքն են, Բասանի երինջները, որոնք իրենց ամուսիններին ասում են, գնացէք, զրկեցէք աղքատին, ոտի տակ տուէք տնանկին, միայն թէ մեզ գինի տուէք, որ խմենք: Եւ այս բոլորի հանդէպ միթէ կարող է լուռ մնալ Իսրայէլի ամենակարող Աստուածը, որ զիշերն և ցերեկն է ստեղծել, որ շարժում է երկինքն ու երկիրը ու ծովի ջրերը, որ բարձունքում իրատունք է ստեղծել և արդարութիւնը երկրի վրայ: Եթէ անտառում առիւծը գոչում է, նշանակում է նա որս է արել, եթէ թռչունը երկնքից վեր է ընկնում, նշանակում

է, որսորդը նրան խփել է, և եթէ Ամովս մար-
 գարէանում է այս ժողովրդի կործանումը, նը-
 շանակում է Տէր Աստուածն է խօսել և յայտնել
 նրան իւր կամքը: Նրա սուրբ կամքն է, որ այս
 ժողովուրդը, որին ինքն է եզրկատօսից հանել և
 ամեն նեղութիւնից ազատելով բերել բնա-
 կեցրել Քանանում, ընկնի, ոչընչանայ:
 Որովհետև Աստուած բոլոր ժողովուրդներից
 Իսրայէլին է ընտրել և արտակարգ կերպով
 խնամել, զրա համար էլ աւելի վրէժխնդիր պի-
 տի լինի նրանից նրա մէջ գործուած բազմա-
 թիւ շարիքների համար: Անցեալում Աստուած
 յաճախ է խրատել այս ժողովրդին զանազան
 միջոցներով, երբեմն մարգարէներ ուղարկելով,
 որ իւր կամքը յայտնեն և դարձի բերեն, եր-
 բեմն էլ սովով և երաշտով, հիւանդութեամբ և
 բնական պատահարներով պատժելով, որ խելքի
 զան. սակայն և այնպէս ժողովուրդը չի կամե-
 ցել ուղղուել. մարգարէներին պատուիրել է
 շմարգարէանալ. իսկ պատիժներից խուսափելու
 համար նա դիմում է զանազան սրբավայրեր,
 Բէթէլ և Գազգազա ողջակէզ անելու, զոհեր
 մատուցանելու և այսպիսով Տիրոջ սիրտը շահե-
 լու: Այն ինչ Աստուած ատել մերժել է
 ամեն տեսակի տօն, չի ընդունում ոչ ողջակէզ
 և ոչ զոհ. այդ առթիւ երգած երգ ու նուագա-

ծութիւն չի ուզում լսել: Այսպիսի բան Աստուած երբէք չի ցանկացել և դրանով կարելի չէ հաճելի լինել նրան և փրկուել: Փրկուելու միակ պայմանը, ըստին որոնելը եւ շարը մերժելն է: Պէտք է իրաւունքը ջրի պէս յորդի եւ արդարութիւնը անհուն հեղեղի նման: Ուրիշ բանի վրայ յոյս դնել չի կարելի: Անմիտ և սխալ է ժողովրդի այն հաւատը, թէ Եհովան իրեն առանձնապէս ընտրել է, նա չի կարող նրան ոչընչացնել, նա նրա համար պատրաստել է փառաւոր օր. «Տիրոջ օրը», երբ Իսրայէլը կատարելապէս պիտի երջանկանայ: Վայ այսպէս կարծողներին, վայ նրան, որ ցանկանում է, որ «Տիրոջ օրը» շուտ գայ: Իսրայէլի որդիները խափշիկներ են Տէր Աստուծու համար, քանի որ նրանք չարութիւն են գործում: Սրանք չեն իմանում, որ «Տիրոջ օրը» խաւար է և ոչ լոյս, ոչ մի լուսաւոր ճառագայթ չկայ այնտեղ: Այդ օրը ժողովուրդը նման կըլինի այն մարդուն, որը կամենալով առիւծից փախչել, ճանապարհին արջի է պատահում, և եթէ նրանից էլ պրծնի և տուն հասնի պատին յենուելով՝ կամենայ շունչ քաշել, օձը պիտի կծի: Այսպէս սարսափիլի է այն օրը և ժողովրդի կորուստը անխուսափելի: Նա այն օրը առիւծի բերանը ընկած գառան կ'նմանի, որից սղջ կտորը սկանջի փլթակն է մնում միայն:

Իսրայէլը հասած թուզի է նման, որը այլես դո-
յութեան ունենալու իրաւունք չունի: Աստուած
որմնադրի նման ադամանդեայ լարազնդով չա-
փել և դտել է, որ այդ ազգի մէջ ամեն ինչ
ծուռն է, ուրեմն հիմքից պիտի բանդել.
այդ է պահանջում Աստուծու արդարութիւնը:
Պիտի կործանել Իսրայէլի քաղաքները հրով և
սրով, այնպէս որ նրանց բնակիչներին հազարից
մէկը մնայ: Պիտի քանդել Բէթէլի և Գաղգաղա-
յի սրբավայրերը, որոնք Իսրայէլի հպարտու-
թիւնն են կազմում և անբարոյականութեան
վայրեր են: Պիտի կործանել փառաւոր պա-
լատները և իշխաններին կոտորել, որոնք
ասում են, թէ մենք մեր զօրութեամբ
ենք այսպէս մեծացել: Ամեն տեղ հրապարակ-
ներում, կոծ պիտի անեն և վայ Տէր պիտի
կանչեն, սուղ անեն, բայց արդէն ուշ կ'լինի:
Այս բոլոր չարիքը Աստուած պիտի բերի ժո-
ղովրդի վրայ ասորեստանցիների ձեռքով, ո-
րոնք պիտի գան, ժողովրդի մեծ մասին կոտո-
րեն, երկիրը աւերակ պիտի դարձնեն, իսկ
մնացորդներին էլ պիտի գերի տանեն Ասորես-
տան:

Ամովս մարգարէի այս քարոզութիւնը Բէ-
թէլում մեծ յուզմունք առաջ բերեց: Այդ սրբ-
բավայրի քահանան, Ամասեան գնաց, Յերոբո-

վամ թագաւորին յայտնեց, թէ ժողովուրդը Ամովսի ճառերից յուզուած է: Թագաւորը ուղարկում է քահանային, որ դայ Ամովսին ասի. հեռացիր, տեսանող, թագաւորական սրբավայրից, զնա քո Հրէաստան և եթէ կուզես այնտեղ մարգարէացիր: Ամովս վերադառնում է իւր հայրենիքը լիովին համոզուած իւր ասածների ճշմարտութեանը, գրի է առնում իւր քարոզը, որ ասպագայ սերունդը իմանայ: Նրա մարգարէական գործունէութիւնը տեղի ունեցաւ 860—850 թուերին:

Նորա գործը շարունակեց Բերիի որդին Ովսեան: Իսրայէլի վերջին հօօր թագաւոր Յերոբովամ Բ-ի մահուանից յետոյ՝ նրա գահի շուրջը բռնկուեցին ազգամիջեան կռիւներ, որի պատճառով Յերոբովամի որդին գահից զրկուեց: Մի իշխան Մենախեմ անունով վերջապէս կարողացաւ գահը ձեռք ձգել 745-ին: Բայց այդ ժամանակ ասորեստանցոց՝ Տեկլաթ—Պալասար կամ Փուլ թագաւորը արշաւեց Պաղեստինի վրայ և Մենախեմ դարձաւ նրան հարկատու, որով կարողացաւ մի առժամանակ մնալ իւր գահի վրայ: Բայց յետոյ կամենալով հարկատուութիւնից ազատուել՝ դաշն կապեց եգիպտացիների հետ, որոնք խոստացան իսրայէլացոց օգնել, որով ուզում էին ասորեստացոց յառաջխաղացու-

Թեան ճանապարհը դէպի Միջերկրական ծովը
 և դէպի Եգիպտոսը փակել: Մենախեմի մահից
 յետոյ գահն անցաւ նրա որդուն Պեկախիային,
 բայց սրա թիկնապահը Փակէն սպանեց նրան և
 ինքը թագաւոր դարձաւ նրա տեղը 736-ին.
 ապա զաշնակցելով Դամասկոսի Ռասոն թագա-
 ւորի հետ արշաւեց Յուդայի վրայ, որպէսզի այս
 թագաւորութեանը ստիպեն իրենց հետ միանալ
 ասորեստացւոց դիմադրելու համար: Բայց Յու-
 դայի թագաւոր Աքազը զաշնակիցների սպառ-
 նալիքից ազատուելու համար դիմեց Տեկլաթ-
 Պալասարի օգնութեանը, որը 734-ին արշաւեց
 Դամասկոսի վրայ, աւերեց Ասորիքն ու Գալի-
 լեան. սամարացիներից պահանջեց հարկ և իրենց
 թագաւորի գլուխը: Սամարիայի իշխաններից
 մէկը Ովսէն կատարելով այդ պահանջները սպա-
 նեց Փակէին և ինքը դարձաւ նրա տեղը թա-
 գաւոր ասորեստանցոց հարկատու: Այս վիճա-
 կում մնաց նա մինչև Տեկլատ — Պալասարի մահը:
 Մէկ միւսին յաջորդող այս բռնակալ թագաւոր-
 ները ոյժ չունէին իրենց պետութիւնը արտա-
 քին թշնամիների յարձակմունքներից պաշտպա-
 նելու և ոչ էլ կարող էին ժողովրդի մէջ իրա-
 ւունքի և արդարութեան պաշտպան հանդիսա-
 նալ:

Այս քաղաքական խառնաշփոթութեան ժա-

մանակը մարգարէացաւ Ովսէն, որը ամուսնացել էր մի գեղեցիկ կնոջ հետ: Մարգարէն իւր կնոջը շատ էր սիրում և ամեն կերպ աշխատում էր, որ իւր կինը երջանիկ լինի. բայց հակառակ այդ բոլորին կինը դաւաճանում է իւր ամուսնուն: Ընտանեկան այս մեծ դժբախտութիւնը Ովսէին մարգարէ է դարձնում: Նա նայում է իւր ժողովրդի վրայ և այստեղ էլ նկատում է նոյն երևոյթը: Աստուած ընտրել և սիրել է այս ժողորդին և պատուիրել է նրան կրօնական բարոյական կեանքով ապրել, բայց ժողովուրդը դաւաճանում է նրան օտար աստուածների յետևից գնալով և անբարոյականութիւն ու անարդարութիւն գործելով: Չկայ այս ժողովրդի մէջ ոչ ճշմարտութիւն, ոչ ողորմութիւն և ոչ էլ աստուածաճանաչութիւն. այն ինչ անէ՞ժքն ու ստութիւնը, սպանութիւնը, գողութիւնն ու շնութիւնը հեղեղել են երկիրը: (Ով. Գ. 41): Մարգարէն ու քահանան մոռացել են Աստուծոօրէնքը և մերժել աստուածաճանօթութիւնը: Դորա փոխարէն նրանք բոլորովին հարբած՝ զոհ են անում լեռների բարձունքների վրայ հովանաւոր ծառերի տակ և կախարդութեամբ և պոստիկութեամբ են պարապում: Նրանք չեն մտածում, որ «Աստուած ողորմութիւն է կամենում՝ և ոչ զոհ»: Այդ պատճառով Աստուած պիտի կո-

տորի քահանաներին և մարգարէներին, իշխաններին և թագաւորներին, որովհետեւ բոլորն էլ հարբած են և իրենց զօրութեամբ են պարծենում. և չնայած որ նրանց թագաւորները մէկ միւսի յետևից ընկնում են, օտարները նրանց ընկճում են, բայց նրանք անմիտ ազաւնու նրման իրենց յոյսը երբեմն Եգիպտոսի և երբեմն ասորեստանցոց վրայ են դնում և դէպի իրենց Տէր Աստուածը չեն դառնում (զլ. Ե.): Այս բոլորի պատճառով Սամարիան պիտի ապականուի. երիգասարդներին պիտի սուրը լափի, սանտուները քարի պիտի խփուեն, ամբողջ երկիրը սուգ պիտի անի: Այս բոլոր դժբախտութիւնների ժամանակ Իսրայէլին ձմ պիտի օգնի, ձւր է նրա թագաւորը, որ փրկի նրան և իրաւունք պաշտպանի (ԺԳ. գլ. 7—11):

Ովսէն իրաւունք ունէր. այդ ընկած դրութեան մէջ գտնուող Իսրայէլի պետութիւնը շուտով պիտի կործանուէր ընդմիշտ: Տեկլաթ—Պալասարի մահից յետոյ Ովսէ թագաւորը յոյս դնելով Եգիպտացիների օգնութեան վրայ Ասորիքի միւս մանր պետութիւնների հետ ապստամբեց ասորեստանցիներէից: Տեկլաթի յաջորդը Սալմանասար IV-ը յարձակուեց Իսրայէլի վրայ: Եգիպտացիք օգնութեան չեկան. Ովսէն մի պատերազմում գերի ընկաւ. Սամարիան պաշարուեց,

բայց զիմացաւ 3 տարի և միայն Սալմանա-
սարի յաջորդ Սարկոնի օրով անձնատուր եղաւ
721 թուին: Այսպէս կործանուեցաւ Իորայէլի թա-
գաւորութիւնը. ժողովուրդը գերի գնաց Ասս-
րեստան, ուր նրանք խառնուեցին հեթանոսնե-
րի հետ և անհետացան:

ԺԸ. ԳԼՈՒԽ

Յուդայի թագատրութիւնը և Եսայի մարգարէն

Յայտնի է, որ 980 թուին Սողոմոնի մա-
հուանից յետոյ Իսրայէլի թագաւորութիւնը եր-
կու մասի բաժանուեց: Դրանցից առաջինն էր
Սամարիայի թագաւորութիւնը, որը կործանուեց
721-ին, իսկ երկրորդը Յուդայի կամ Երուսաղէմի
թագաւորութիւնը, որը թէպէտ աւելի թոյլ էր,
բայց աւելի երկար պահեց իւր գոյութիւնը:
Այստեղ թագաւորական տունը Դաւթի տունն էր:
Թէպէտ Երուսաղէմումն էլ խռովութրւններ գա-
հի շուրջը պակաս չէին, բայց որովհետև Դաւթի
անունը հեղինակաւոր էր, այդ պատճառով գա-
հը միշտ էլ մնաց նրա սերունդներին:

Ռորովամին յաջորդող մի շարք թագաւոր-
ներ, ինչպէս Ասա, Յովսափատ և ուրիշներ, Իս-
րայէլի թագաւորներից կախումն ունէին: Սա-
մարիայի Յերոբոամ Բ. թագաւորի ժամանակ

Երուսաղէմում թագաւորում էր Ոզիան. նորա երկարատե իշխանութեան ժամանակ Յուդայի թագաւորութիւնը սկսեց ծաղկել: Նորա որդին և յաջորդը Եօթամը շուտ մեռաւ, իսկ թոռ Աքազը աւելի երկար իշխեց: Իսրայէլի նկատմամբ Յուդան մի առաւելութիւն ունէր: Նախ՝ այստեղ Երուսաղէմում թագաւորող Դաւթի տունը հաստատուն էր: Այստեղի ազնուականութիւնը շատ ուժեղ չէր և շատ ճնշում չէր կարող գործել թագաւորների վրայ, որոնք իրենց ապահովութեան համար պահում էին վարձկան զինւորներից մի անձնապահակախումբ: Յետոյ պիտի ասել, որ այս թագաւորութեան մայրաքաղաք Երուսաղէմը Յուդայի քաղաքական և կրօնական միակ կենտրոնն էր. Տաճարը և թագաւորական պալատը տպաւորութիւն էին թողնում ժողովրդի վրայ:

Ոզիայի թագաւորութեան ժամանակ հանդէս եկաւ Եսայի մարգարէն, որը Ամովսից և Ովսէից տարբերուում էր իւր ազնուական ծագումով և այդ դիրքի պատճառով էլ կարողանում էր ազդել կառավարութեան վրա: Մարգարէական կոչումը նա ձեռք է բերում մի տեսիլքի միջոցով Ոզիայ թագաւորութեան մահուան տարում՝ 740-ին: Նա տեսնում է Իսրայէլի Տէր Աստծուն մի բարձր աթոռի վրայ նստած, սե-

բովրէններով շրջապատուած, որոնք իրենց երկու
 գոյգ թևերով ծածկուած էին իրենց ոտներն ու
 դէմքերը, իսկ երրորդ գոյգով թռչում էին եր-
 գելով «Սուրբ, սուրբ, սուրբ, աշխարհը լի է Տիրոջ
 փառքով»: Այս վեհ և սրբազան տեսարանի ա-
 ուաջ մարդկային մեղանշականութեան գիտակ-
 ցութեամբ լի մարգարէն Տիրոջ այրող, ոչընչաց-
 նող սրբութեան աուաջ իրեն կորած է համա-
 րում. բայց սերովրէններից մէկը նրա շրթունքնե-
 րին աստուածային կրակ է մօտեցնում և այդ-
 պիսով սրբում է մարգարէին ու արժանի կա-
 ցուցանում նրան Տիրոջ առաքեալ և մարգարէ
 լինելու: Այսպէս աստուածային կրակով սրբուած
 նսային պիտի դուրս գար ժողովրդին յայանելու
 իւր Տէր Աստծու կամօքը: Այդ նշանակում է,
 որ նա դարձաւ մարգարէ (Ես. 2. 1--13):

Եսայու մարգարէական գործունէութիւնը
 սկսուում է 740-ից և վերջանում 701-ին, որը
 կարելի է բաժանել չորս շրջանի.

Ա. 740—734 մինչև դաշնակիցների ար-
 շաւանքը Յուդայի վրայ:

Բ. մինչև Սամարիայի անկումը 734—721 թ.

Գ. մինչև Յուդայի դաշնադրութիւնը. Եգիպտոսի
 նկատմամբ 721—704.

Դ. Եգիպտական դաշնադրութիւնը Սենեքե-
 րի մի արշաւանքը 704—701.

Ա. Եսայիին իւր հրապարակական գործունէութիւնը սկսում է իւր բարեկամի այն երգը երգելով, որ նա նուիրել է իւր սիրելի այգուն: Հաւանօրէն տօնական մի մեծ բազմութեան առաջ երգում է նա այն պարարտ այգու մասին, որին տէրը ցանկով պատել, ձողերով զարդարել, սորեկ որթ է տնկել. մէջը աշտարակ է շինել և հնձան փորել և սպասել է, որ քաղցը խաղող բերի, իսկ նա ազոխ է բերել. թող Յուդայի և Երուսաղէմի բնակիչները դատ անեն, թէ ի՞նչ կարող էր այգու տէրը անել և չի արել. իսկ եթէ ամեն բանը արուած է, ինչո՞ւ փուշ բերեց: Այսպիսի ապերախտ այգու ցանկերը պէտք է քանդել, պարխապները կործանել, որպէսզի ոտնահախ լինի և խոպան դառնայ. պէտք է պատուիրել նոյնիսկ ամպերին, որ անձրև չթափեն նրա վրայ: Այսպէս պիտի խոպան, աւերակ դառնայ Աստծու այգին՝ Իսրայէլի ժողովուրդն ու երկիրը, որի վրայ Աստուած այնքան հոգս է քաշել և սպասել է, որ այնաեղ իրաւունք և արդարութիւն աճի, բայց դորա փոխարէն խռովութիւնն՝ անիրաւութիւնն է արմատացել (Ե. 1—7): Որովհետև այնտեղ մարդիկ ազան են, աշխատում են տուն տան մօտեցնել և ազարակ ազարակի կպցնել, որպէսզի ընկերին տեղահան անեն: Կարծում են, մենակ պիտի

բնակուեն այս երկրի վրայ: Չեն իմանում, որ Տէրը վերեւից տեսնում է և վճռել է երկիրը աւերակ դարձնել: Ինչքան էլ նրանք աշխատեն մեծամեծ և գեղեցիկ տներ շինել, այնուամենայնիւ անբնակ պիտի մնան, իսկ արտերը և ազարակները անպտուղ պիտի լինեն: Վսյ նրանց, որոնք առաւօտից մինչև երեկոյ զինի և օղի են խմում, իրենց աչքերը չեն բաց անում Տիրոջ գործը տեսնելու համար: Վսյ, որ ասում են, թող Իսրայէլի Աստուածը իւր անելիքը շուտ անի, որ տեսնենք. նրանք չեն հաւատում Տիրոջ դատաստանին. նրանք չարին բարի են ասում, բարիին չար, քաղցրին դառն, իսկ դառը քաղցր. որովհետև իրենք իրենց աւելի իմաստուն են համարում. բայց վսյ այս ժողովրդի իմաստուններին, հօրներին և իշխաններին, որոնք զինի և օղի են խմում, ամբարշտից կաշառք առնելով՝ արդարացնում են, արդարի իրաւունքը գողանում: Ինչպէս կրակն այրում է եղէգն, այն էլ նրանց արմատը մղեղ պիտի դառնայ, իսկ ծաղիկը փոշի. որովհետև Աստուծու կամքը չկատարելով՝ բարկացրին նրան, որը իւր ձեռքը բարձրացրել ու հարուածում է. և չնայած որ այս ժողովրդից ընկածները դիակները ճանապարհի աղբ դարձան, բայց այնուամենայնիւ նրա բարկութիւնը չի իջել և նրա ձեռքը դեռ

բարձրացած է: Ինչքան հարստացաւ Յակոբի տունը՝ Իսրայէլի ժողովուրդը, այնքան ապականուեց, այնքան հպարտացաւ. այդ պատճառով Զօրութեանց Տէրը մի օր պիտի բերի Սամարիայի վրայ, երբ այնտեղի ամեն բարձրութիւն խոնարհուի: Ո՛ւմ հետ են ուզում չափուել նրանք: Ահա հեռաւոր երկրից նա մի ազգ է վերկացրել և բերում է, որոնք արագ և թեթև թռչում հասնում են, շեն քաղցում, շեն յոգնում, շեն քնում, իրենց մէջքի գօտին և կօշկի կապերը շեն արձակում. նրանց նետերը սրուած են աղեղները լարուած: Առիւծի պէս են զիմելու, գազանաբար գոչելու, ծովի ալիքների պէս գոռայու, և երբ նրանք հասնեն, այս ժողովրդի գլխին երկինքն ու երկիրը պիտի սեանայ: Ինքը մահն է յարձակուել Յակոբի տան՝ Իսրայէլի վրայ, և թո՛ղ զգան Եփրեմի և Սամարիայի ամբարտաւանները, որոնք ասում էին. ոչինչ, եթէ ազիւս է դուրս ընկել մեր շէնքից, մենք տեղը սրբատաշ քարեր կղնենք, եղևնափայտերով և մայրիներով մեզ համար պաշտպանութիւն աշտարակ կշինենք և այս ասողները նրանք էին, որոնք ժողովրդին ուսում, կուլ են տալիս՝ բերանը արշին բաց արած: Այս բոլորի համար Աստծու զայրոյթը չի շիջել, և բա՛ ձեռքը դեռ երկարացած է: Նա դեռ պիտի

հարուածի անխնայ փոքրին և մեծին, ծերին և երիտասարդին: Նոյնիսկ որբին, այրուն չպիտի ողորմի. որովհետև բոլորեքեան անիրաւ են և սոււա են խօսում: Նրա բարկութեան առաջը ամբողջ երկիրը կրակի պիտի մատնուի. եղբայր եղբօրը չի ողորմելու. քաղցից պիտի կամենայ աջ ու ձախ կրծել, բայց իւր բազկի միսը ուտելուց յետոյ էլ չպիտի յագեհայ: Եփրեմ Մանասէին է ուտում, Մանասէն Եփրեմին, երկուսը միատեղ Յուդային. Բնշ պիտի անեն Աստուծու այցելութեան օրում. ում մօտ պիտի փախչեն օգնութիւն գտնելու: Այս բոլոր դժբախտութեան հանդէպ Աստու բարկութիւնը զեռ չի իջել և նրա ձեռքը զեռ բարձրացել է հարուածելու:

Այն հիւսիսային ժողովուրդը, որոնց մասին խօսում է Եսային, ասորեստանցիքն են, որոնք ութերորդ դարու երկրորդ կիսին սպառնում էին կործանել Դամասկոսի և Սամարիայի թագաւորութիւնը: Եւ Եսային մարգարէանում է, որ Դամասկոսը պիտի կործանուի, աւերակ դառնայ. որովհետև նա լաւ չէ Ամարիայի թագաւորութիւնից, որի փառքը նոյնպէս պիտի նուազի և պիտի նմանուի այն ձիթենու ծառին, որի բազմաթիւ պտուղներից միայն մի երկուսն են մնացել ճիւղերի զլխին: Սամարիայի թագաւո-

բութեան քաղաքները աւերակը պիտի լինեն, որովհետև անհաւատութեան տունկ տնկեց և սերմեր ցանեց, դատարկաձեռն և քաղցած մընաց (Բ. 6—22 Թ. 7—4 Ե. 26—30 Ժկ. 1—11):

Չնայած որ ասորեստանցիք իրենց թաթը պարզել էին դէպի արևմուտքը և սպառնում էին Դամասկոսն ու Սամարիան իրենց ճանկերի մէջ ճմլել, այնուամենայնիւ այս վերջինները իրենց խղճալի դրութիւնը շտեմնելով՝ դաշնակցել էին միմեանց հետ, ուզում էին ընդդիմանալ նրանց, և որպէսզի աւելի յաջողութիւն գտնեն, կամենում էին, որ Յուդան էլ իրենց հետ միանայ. և երբ Յուդայի թագաւորը չէր ցանկանում նրանց ապստամբութեանը մասնակցել, դաշնակիցները՝ Դամասկոսի Ռասիմ և Սամարիայի Փակէ թագաւորները՝ արշաւեցին 734-ին Յուդայի վրայ՝ Աքազին էլ ստիպելու, որ իրենց հետ միանայ: Դաշնակիցների այս արշաւանքի լուրը շփոթեցրեց թագաւորին, և նա նրանից ազատուելու ուրիշ հնարք չգտնելով՝ մտադրուեց ասորեստանցոց Տեկլիաթ Պալասարից օգնութիւնը խնդրելու:

Ահա այս միջոցին Եսային պատուէր է ստանում Աստծուց՝ դուրս գալ Աքազի առաջ իւր որդու հետ և յայտնել նրան իւր կամքը: Այս քաղաքական դէպքով սկսուում է Եսայու երկրորդ շրջանը:

Բ. Զգոյշ եղիր, հանդարտուիր և մի վախենա, ասում է Նսային թագաւորին. զաշնակից թագաւորները փայտի երկու ծխացող խանձողներ են, ոչ աւելի: Զէ՛ որ արամայեցոց զլուխը Դամասկոսն է, իսկ Սամարիայի տէրը՝ Փակէն: Սրանք ի՞նչ են, որ մարդ նրանցից վախենայ, եթէ չես հաւատում, մի նշան խնդրիր Ասածուց: Եւ երբ թագաւորը շհաւատալով Նսայու խօսքին, նշան էլ չի խնդրում, որպէս թէ շուզենալով Ասածուն փորձել, զայրանում է մարգարէն և ասում, որ իւր խօսքերի հաստատութեան համար՝ ինքը մի նշան պիտի տայ. այն է՝ շուտով մի երեխայ է ծնուելու՝ անունը էմմանուէլ. այդ երեխան դեռ չարն ու բարին չճանաչած, այսինքն մօտաւորապէս 3 տարեկան չեղած, Յուդան կանգատուի՝ այդ երկու թագաւորներից (է 1—16):

Ինչպէս երևում է, մարգարէի այս խօսքերի վրայ թագաւորն ուշադրութիւն չդարձրեց. այն ինչ Նսային իւր ասածի ճշմարտութեանը խիստ համոզուած էր. այդ պատճառով նա մի տոմս է վերցնում և վրան դիւրընթեռնելի կերպով գրում է «Արագ արագ աւար վերցնել և շտապով կողոպուտ հաւաքել»: Այս տոմսը, այլ և ուրիշ հաւատարիմ մարդիկ, ինչպէս Ուրիա քահանան և Բարեոքի որդին Զաքարիան, պիտի

վկայեն, որ Դամասկոսի և Սամարիայի վերջը հասել է: Բացի այս նշաններից մարգարէն մի որդի է ունենում և անունը դնում է «Մահէլ Շալալ Սաշ Բագ» այսինքն՝ «Արագ արագ կողոպտիր և շուտ շուտ աւար վերցրո՛ւ» և այս երեխայի հայրիկ, մայրիկ ասել կարողանալուց առաջ՝ ասորեստանցոց ձեռքով Դամասկոսը պիտի կործանուի և Սամարիան պիտի աւերուի: Բայց մարգարէն դէմ էր ասորեստանցոց օգնութեան դիմելուն. նա խորհուրդ էր տալիս հաւատալ և հանդարտուել: Յոյսդ դիր, ասում էր նա թագաւորին, Սելովի գետակի վրայ. իսկ եթէ Եփրատի և Տիգրիսի ջրերիցն ես ախորժում, Աստուած այդ մեծ գետերի ջրերը—ասորեստանցոց, —բաց՝ կթողնի այս երկրի վրայ, և յորդացած ջրերը կկեցնեն ձեր երկրի տարածութիւնն ու կաւերեն: Այն ինչ դամասկոսցիք, այդ հեթանոսները, ոչինչ չեն կարող անել, որովհետեւ Աստուած մեզ հետ է: Սրանց կազմած խորհուրդը գլուխ չի գայ. սրբանք կպարտուեն, որովհետեւ մեզ հետ է Աստուած: Միայն Աստուծոց պիտի վախենալ և նրան հաւատալ: Զպէտք է դիմել վճուկներին և կախարհներին, որոնք կենդանի մարդկանց վիճակի մասին մեռելներին են հարցնում. ես և իմ երեխաները, ասում է Եսային, վկայ կլլինենք Զօ-

բութեաց տէր Իսրայէլի Աստուծու գործերին, որ նա անելու է Սիօնում:

Եսային խորհուրդ չէր տալիս Աքազին դիմել ասորեստանցոց օգնութեան նրա համար, որ կարծում էր, թէ նրանց գալով թերևս դաշնակիցներից առաջ գալիք վտանգը վերանայ, բայց զրա փոխարէն նա վախենում էր, որ ասորեստանցիների երևալը և Պաղեստինի գործերին խառնուելը պիտի գրգռի Եգիպտացիներին, որոնք պիտի մրցեն իրենց հօր Բաբելոնի՝ հետ. իսկ այս երկու հօր պետութիւնների մրցման մէջ Յուդան կուլախնձոր կրդառնայ, կաւերուի: Եւ նա իրաւունք ունէր:

Աքազը նրան շլտեց և դիմեց Տեկլաթ Պալասարի օգնութեան: Ասորեստանցիք եկան 732-ին: Կործանեցին Դամասկոսը, իսկ տաս տարի յետոյ ընկան նաև Սամարիան 721-ին: Յուդան էլ արժան չպրծաւ. նա էլ դարձաւ ասորեստանցոց հարկատու:

721 թուից յետոյ Եսայու մարգարէութիւնը վերաբերում է միմիայն Յուդային և Երուսաղէմին: Հիւսիսային թագաւորութիւնը՝ Սամարիան կամ կորսուում է աշքից և կամ բերուում է իբրև օրինակ. որովհետև Երուսաղէմն ու Յուդան Սամարիայի վիճակից չխրատուեցին, ընդհակառակն սկսեցին գոռոզանալ: Այն հանդա-

մանքը, որ Յուդան համեմատաբար թեթիւ պըր-
 ծաւ վտանգից, երես տուեց Երուսաղէմի տի-
 րապետոյ դասակարգին և նոքա իրենց հալ-
 ստութեամբ յղփացած՝ վարում էին այն անհոգ
 և անբարոյական կեանքը, որը առաջ իշխում էր
 Սամարիայում: Այս անմիտ կեանքի հան-
 դէպ վրդովուած մարգարէն գուշակում է, որ
 Երուսաղէմն ու Յուդան էլ պիտի պատժուին,
 որ Աստծու արդարութիւնը չի կարող համբե-
 րել և չպատժել այս անպատկառ ժողովրդին,
 որը փոխանակ իւր փրկութեան համար շնորհա-
 կալ լինելու իւր Աստծուց, կամենում է Եզիպ-
 տոսի հետ դաշնակցել և այդ ձևով իրեն ապա-
 հովել: Այսպիսով սկսում է Եսայու մարգարէու-
 թեան երրորդ շրջանը:

Գ. Զօրութեանց Տէրը, ասում է Եսային,
 չրէաստանում և Երուսաղէմում չպիտի թողնի
 դօրաւոր և խելօք մարդ, ո՛չ պատերազմող, ո՛չ
 դատաւոր, ո՛չ մարգարէ, ո՛չ սքանչելի խորհրդա-
 կան, ո՛չ իմաստուն ճարտարասպետ և ո՛չ հան-
 ճարեղ ունկնդիր: Մանուկներն ու խաբերաներն
 այս ազգին իշխան պիտի լինեն, անիշխանութիւն
 պիտի տիրի: Ընկերը ընկերոջ դէմ, մանուկը
 ծերի դէմ, անարգը պատուականի դէմ պիտի
 դառնայ: Մարդիկ պիտի ման գան և մի ձեռք հա-
 գուստ ունեցողին բռնեն և ասեն. արի, մեզ իշ-

խան եղիր, իսկ նա պիտի ասի. տանս հաց չունեմ, այս ժողովրդի վրայ իշխան չեմ կարող լինել: Այսպէս պիտի աղքատանայ Երուսաղէմը, որովհետեւ անօրէն է ժողովուրդը. արդարին կապում են ասելով՝ թէ անտանելի է դարձել: Հարկահանները ճռաքաղ են անում, բռնաւորներն տիրում են: Զօրութեանց Տէրը դատաստան պիտի անի այս ժողովրդի, նրա ծերերի և իշխանների վրայ. ի՛նչպէս էք հրկէզ արել իմ այգին. ձեր տներումն է տնանկից կողոպտածը. ի՛նչպէս էք զրկում իմ ժողովուրդին և աղքատին ամօթով թողնում: Երուսաղէմի կանայք, ինչպէս երբեմն Սամարիայում, ամենից աւելի են հպարտացել, վզները բարձր բռնած ձեմում են, աչքով ունքով են անում. գնալիս իրենց շրջագգեստի փէշերը բարձրացնում, կարծես պարել են ուզում: Աստուած այդ բարձրացած կանանց պիտի խոնարհեցնի և պիտի զրկի այն շորերից, որով պարծենում են: Պէտք է քուրձ հագնեն, պարան կապեն մէջքից, պիտի կորցնեն իրենց սիրելի զաւակներին և իշխաններին: Այն օրի պիտի հասնեն, որ եօթն կին մի մարդու պիտի բռնեն և ասեն. հացը մեզնից, շորը մեզնից, միայն թէ արի, եղիր մեր մարդը, որպէսզի բառնաս մեր այրիութեան նախատինքը (Գ. 1 Դ. 1): Այս դրութեան մէջ գտնուող ժողովրդին

հարուստ Եգիպտոսի հետ դաշնակցելը չի փրկի: Եգիպտոսի թագաւորական տունը այն ժամանակ եթովպական ցեղից էր, որ զգալով՝ թէ ասորեստանցոց զերիշխանութիւնը Պաղեստինի վրայ վտանգ կարող է լինել Եգիպտոսի համար, ուղարկել էր զեսպաններ Երուսաղէմ, որպէսզի Յուդայի հետ դաշինք կապէին ընդդէմ ասորեստանցոց: Եսային դէմ էր այսպիսի դաշնադրութեան. և հեգնանքով ասում է. այդ երկիրը երևելի երկիր է. ունի մեծամեծ գետեր. նրա նաւերը ծովերն են շափում: Բայց լաւ կանեն, յետ դառնան այդ պատգամաւորները իրենց բարձրահասակ, անժօրուս ժողովրդի մօտ, դէպի իրենց սարսափ ազդող, հսկայ բայց անյոյս ժողովուրդը: Աստուած ինքը ամառուայ անձրևաբեր ամպի նման պիտի Սիօնի զէնիթի վրայ կանգնի և անշարժ նայի, տեսնի, ի՞նչ են անում անմիտ երուսաղէմացիք: Չեն իմանում, թէ Տէրը ի՞նչ է որոշել Եգիպտոսի համար: Ասորեստանցիք եգիպտացիներին և եթովպացիներին զերի պիտի տանեն, պիտի մերկացնեն և անպատուեն նրանց, այնպէս որ եգիպտացին եթովպացուն նայելով՝ պիտի ամաշի (ԺԸ. 1—4 Ի. 1—6):

Այսպէս եռանդուն և ոգևորուած քարոզում էր Եսային Երուսաղէմում, որպէսզի կարողա-

նայ Հրէաստանը հետու պահել մեծ պետութիւն-
ների քաղաքականութիւնից. և անշուշտ Երու-
սաղէմը Եսայու գործունէութեան էր պարտա-
կան, որ Յուդան Աքազի, նրա որդու Եօթամի
և Եզեկիայի առաջին տասն տարում, ընդամեն 30
տարի շարունակ խաղաղութիւն վայելեց. այն ինչ
ասորեստանցոց աշխարհակալները Տեկլաթ-Պա-
լասարի Գ. 745—727, Սալմանասար Գ. 726—722
և Սարկոն 721—705 ճմլում էին Յուդայի շր-
ջակայ ազգերին, որոնք միշտ փորձում էին աս-
որեստանցոց լուծը թօթափել: Օրինակ փղշտա-
ցոց Ասասո քաղաքը, որը իւր յոյսը դնելով Ե-
զիպտոսի վրայ՝ ապստամբել էր, 711-ին ընկաւ
Սարկանի ձեռքը և կործանուեց. Եսային էր
պատճառը, որ Երուսաղէմի թագաւոր Եզիկիան Ե-
զիպտացիների խաբէութեան գոհ չգնաց և շապ-
ստամբելով Սարգոնից՝ պահպանեց իւր կիսան-
կախութիւնը:

Բայց այս դէպքերը ժողովրդին չըզգաս-
տացրին. նա իւր քաղաքական լաւ դրութիւնից
չօգտուեց, իւր կեանքը չբարենորոգեց: Ընդհա-
կառակն քաղաքական ապահովութիւնը բար-
ձրացրեց երկրի տնտեսականը: Ժողովուրդը ան-
ձնատուր եղաւ զելութեան, անարդար և անբա-
րոյական կեանքի: Հարուստ և ազնուական դա-
սակարգերը արդարութեան ու բարոյականու-

թեան սկզբունքներին ուշադրութիւն չէին դարձ-
 նում. կարծում էին, թէ իրենց քաղաքական
 իմաստութիւնն է փրկել Երուսաղէմը. յոյս ու-
 նէին թէ կը կարողանան շատ շուտով ազատել Յու-
 դայի պետութիւնը հարկատութեան անվայել դը-
 րութիւնից: Շուտով մի առիթ ներկայացաւ, ո-
 րը նիւթ տուեց նրանց այս սնտոի յոյսերին:
 Ասորեստանցոց մեծ թագաւոր Սարկոնը Նի-
 նուէում սպանուեց գաւաճանութեամբ 705:
 Նրա հպատակ ազգերը գլուխ բարցրացրին և
 կամեցան ապստամբել ասորեստանցիներէից, կար-
 ծելով թէ Սարկոնի տեղը մի ուրիշը չի անցնի
 և նրա պէս չի կարողանայ բոլոր երկրները հը-
 պատակութեան մէջ պահել: Եզիպտացիքն էլ
 ձեռքի տակից զրզռում էին Պաղեստինի ժո-
 դովրդներին իրենց ղեկավարութեամբ դաշնակ-
 ցել միմեանց հետ և ապստամբել: Յուդայի Ե-
 զեկիա թագաւորն էլ նոյն հովերով էր տարուած՝
 հարկատութիւնից ազատուելու յոյսով: Եսային
 դարձեալ տարբեր հայեացքի էր. այդ պատճա-
 ռով նա 704 թուից սկսում է իւր ազգու քա-
 ռոզներով ժողովրդական անմիտ հոսանքի զէմ
 զնալ և ցոյց տալ, որ հարկատու մնալը մեծ
 դժբախտութիւն չէ, այլ մեծագոյն չարիքը մի
 ժողովրդի և պետութեան համար նրա ներքին
 սոցիալական անարդարութիւնն է, որը ամեն մի

ազգի կործանման հիմնական պատճառն է դառնում: Մարգարէի այս ուղղութեամբ գործունէութիւնը տևեց 704—701 թ. և եղաւ վերջինը բայց ամենից զօրեղը:

Գ. Հաւատարիմ Սիօն քաղաքը ինչպէս է փչացել. ասում էր նա. այն քաղաքը, ուր երբեմն հաւատով լի արդարութիւնն էր բոյն դրել: Չեր իշխանները ապստամբ են, զողերին զողակից. վրէժխնդիր, կաշառակեր. որբերի և այրիների իրաւունքը ոտնակոխ. վաճառականները անող խարդախ են, արծաթը կեղծում են, զինու մէջ ջուր են խառնում: Այս պատճառով Տէրը դատաստան պիտի անէ հզօրների վրայ, և ապստամբել ցանկացողներին պիտի ոչընչացնի. գոռոզներին խոնարհեցնի: Նրանք բոլորը գինովցել, օղիով հարբել են: Նոյն օղին է յիմարացրել քահանաներին և մարգարէներին. հարբելուց դանդաջում են և ասում. Ո՞ւմ է պատմում սա չարիքների մասին կամ ռւմ է գուժում. մի՞թէ մենք կաթից նոր կտրուած ծծկեր երախաներ ենք, որ մեզ նոր այր, բեն, զիմ է սովորեցնում: Այս զինեմուրների անզգամ լեզուի պատճառով Աստուած սրանց հետ օտար՝ այսինքն ասորեստանցոց լեզուով պիտի խօսի: Աստուած պահանջում է հանգիստ տալ ժողովրդին և ապստամբելու մասին չմտածել,

այլ հանդարտ մնալ դէպի Աստուած ունեցած
 վստահութեամբ և հաւատալ: Բայց փոխանակ
 այդ հաւատի՝ Երուսաղէմի իշխանները ասում
 են ժողովրդին. ապահով եղէք. մենք մահուան
 և դժոխքի այսինքն եզիպտացոց հետ բարեկա-
 մական դաշն ենք կապել. մրրիկն ան-
 գամ մեզ չի կարող հասնել, որովհետեւ մեր
 ապաստարանը ստութիւնն է և խարէութիւնն
 է մեզ քողարկում: Դրա փոխարէն այս-
 պէս է ասում Եհովան. Սիօնում մի հիմնաքար-
 փորձաքար եմ դրել. ով հաւատայ, նա չի սայ-
 թաքի: Այդ քարն իրաւունքն ու արդարութիւնն
 է. այն ինչ կարկուտը ձեր ստութիւնը պիտի
 խորտակի, իսկ հեղեղը ձեր խարէութեան բեր-
 դը պիտի սրբի, տանի: Չեր դաշինքը մահուան և
 դժոխքի հետ արժէք պիտի չունենայ. մրրիկը
 նրան պիտի քանդի: Վեր է կացել Աստուած
 դառնութեամբ և բարկութեամբ լեցուած. ձեզ
 սաստիկ պիտի դատի: Վայ քեզ, Աստծու քաղաք,
 կանչում է մարգարէն, Երուսաղէմի համար,
 որովհետեւ քեզ պիտի պաշարեն և կործանեն,
 պիտի ընկնես գետին և քո տկար ձայնը, մրր-
 մընջիւնը կարծես հողի տակից, ղերեզմանից
 պիտի լսուի: Կարծես, երազի մէջ ես. ու-
 տում ես կամ խմում, յետոյ արթնանում, տես-
 նում, թէ քաղցած ես թէ ծարաւ: Այդ նրանից է

որ առանց Աստծու խոր խորհուրդներ էք անում
 և այն էլ ծածկում, ասելով՝ ո՞վ կարող է ի-
 մանալ, թէ մենք ի՞նչ ենք անում: Վայ ձեզ
 ասպտամբների որդիներ, որ առանց Աստծուց
 խորհուրդ հարցնելով՝ դաշինք էք կռուի, որ իջնում
 էք Եգիպտոս փարաւոնից օգնութիւն խնդրում
 և ձեր Աստծուն չէք հարցնում: Ձէք իմանում, որ
 փարաւոնը ամօթի և նախատինքի առարկայ կը-
 լինի նրանց համար, որոնք նրա վրայ են յոյս
 դրել: Ի դուր ջանք, անօգուտ վաստակ՝ դիմել
 առիւծներով և օձերով լի Եգիպտոսի օգնութեա-
 նը. դուր է ձեր մխիթարութիւնը: Մարգարէն
 պատուէր է ստանում Աստծուց՝ նստել, և յաւի-
 տենաւիան յիշատակի համար դրել մի տախտա-
 կի վրայ, որ այդ ժողովուրդը անհաւատ է և
 սուտ. մարգարէներին ասում է նա, ճշմար-
 տութիւնը մի պատմէք մեզ, այլ մեզ
 մեր ճանապարհից դուրս հանէք. Աստծու օրէն-
 քը մեր միջից հեռացրէք: Որովհետեւ այս
 տեսակ ժողովուրդ էք, հաւատ չունիք, այլ սը-
 տութեան վրայ էք յոյս դրել, կործանուած
 պարսպի պիտի նմանիք և ջարդուած խեցեղէն
 անօթի: Միայն զգժման և հանդարտ մնալու մէջ
 է ձեր փրկութիւնը. ձեր ոյժը ձեր անվրդով
 վստահութեան մէջն է: Բայց դուք ասում էք.
 ո՛չ, ձրերով ուզում ենք թռչենք և կառքերով

արշաւենք. յիրաւի, ձեր թշնամին ձեզ արագագոյն ձիերով պիտի հալածի և կառքերով պիտի հասնի. նրանցից մէկը ձեզնից հազարին պիտի փախցնի, իսկ հինգը՝ բոլորիդ. և դուք կրմնաք մենակ լերան գլխին ցցուած ձողի և բլրի գլխին կանգնած կոթողի պէս: Վայ է կանչում մարգարէն նրանց, որոնք Իսրայէլի Սուրբին անարգելով եզիպտոսի ձիերի, կառքերի, հետեակիների վրայ են յոյսը դրել: Բայց Աստուած իմաստուն է. նա իւր խօսքը յետ շի առնի, այլ շարիք է բերելու նրանց և նրանց օգնութիւն խոստացողների գլխին: Չէ՞ որ եզիպտացիք մարդ են և ոչ Աստուած. նրանց ձիերը մսից են շինած և ոչ հողուց: Բաւական է, որ Աստուած իւր ձեռքը պարզի, և ահա օգնութիւն խնդրողները և օգնել խոստացողները կընկնեն և կըկործանուեն: Որովհետեւ, ինչպէս որ հովիւները իրենց աղաղակներով ոչինչ չեն կարող անել այն առիւծին, որը աւարը իւր թաթի մէջ բռնած մոմուում է, այնպէս էլ Եհովայի գէմ ոչ մի ժողովուրդ ոչինչ չի կարող անել. նրանք կյաղթուեն, կհալեն, կոչնչանան: Ի՞նչ պատրաստութիւն էք տեսնում. հին ջրմուղը քանդում էք և նոր ջրմուղով ջուր էք բերում Երուսաղէմի պարսպի ներսը. դրա վրայ ուրախանում և ցնծում էք. ոչխարներ էք մորթում, միսն ու-

տում, գինին խմում և անհոգ նստում, և չէք նայում, թէ տիեզերքի ստեղծողը, Արարիչն ի՞նչ է անում: Նա երկինքն ու երկիրը վկայ է կանչում, թէ ինչպէս իւր որդիները՝ իսրայէլացիք՝ իրեն մոռացել են. եզն իւր տիրոջն է ճանաչում, էշն իւր տիրոջ մ'սուրը, այն ինչ այս ժողովուրդը իւր Աստծուն չի ճանաչում: Վայ այս մեղաւոր ազգին. շարագործների ծնունդներ են, վատերի սերունդ, որոնք իրենց Աստծուն թողել են: Հարուածելու տեղ էլ չի մնացել. որովհետեւ այս ժողովուրդը գլխով վիրաւոր է, սրտով թոյլ, ոտից գլուխ առողջ տեղ չունի իւր վրան. վէրքերը բոլորը թարմ են և ոչ ոք չկայ սպեղանի դնող: Նրանց երկիրը անապատ է, քաղաքները հրձիգ, նրբանց ազարակները ուրիշն է ուտում: Միօնը մենակ է մնացել այգու խրճիթի նման: Եթէ Աստուած չխղճայ և մի մնացորդ չթողնի, այն ժամանակ նա Սողոմի նման կլինի և Գոմորի պէս ընդմիշտ կանհետանայ աշխարհիս երեսից: Այս անհաւատ ժողովուրդը այնուամենայնիւ ուզում է զոհեր շատացնելով փրկութիւն ձեռք բերել, բայց Աստուած նրանց զոհին չի նայի: Խոյի ողջակէզը, հորթի ճարպերը, ցուլի և նոխազի արիւնը չի կամենում նա: Ի զո՛ւր է կոխում այս ժողովուրդը տաճարի դաւիթները. նրանց զոհը, շաքաթը, ամսագլուխը և այլ տօները պիղծ

են. Աստուած ձեր աղօթելուն չպիտի նայի և չպիտի լսի: Ի՞նչ է, եթէ ձեր մեղքերը ծիրանն-գոյն են, ձիւնի նման սպիտակ պիտի լինեն, կամ եթէ որդանկարմիր են, սպիտակ ըուրդի պէս պիտի փայլեն: Միայն եթէ դադարէք շարութիւն գործելուց, իրաւունք փնտոէք, փրկէք զրկուածին, որրի դատը կտրէք և այրուն իրաւունք տաք, լուացուէք, սրբուէք, անա այն ժամանակ կփրկուէք (Ա. 19—26, ԻԸ. 7—22, ԻԹ. 1—8, Լ. 1—17, ԼԱ. 1—4 ԻԲ. 15—18 Ա. 2—17):

Անհունապէս վրդովուած մարգարէի խօսքերը այս անգամ ի զուր անցան: Եզեկիան ըսկզբում Բաբելոնի Մարդոխ-բալադան թագաւորից դրդուած դաշնակցեց նրա և փղշտացոց մի քանի քաղաքների հետ և ապստամբեց ասորեստանցիներից դադարեցնելով հարկը: Սարգոնի յաջորդ Սենեքերիմը (704—681) զբաղուած էր Բաբելոնը ճնշելով (Տես ԼԹ.): Այդ միջոցին Եզեկիան շտապեց եգիպտացոց հետ դաշն կապել, աշխատելով ծածկել այդ Եսայուց: Ահա թէ ի՞նչու մարգարէն այդպէս զայրացած է թագաւորի այս անմիտ քաղաքականութեան վրայ և ի՞նչպէս տեղին ուղղում է նա իւր վերոյիշեալ ճառերը թագաւորի և նրա անխորհուրդ, անհաւատ և թեթեամիտ խորհրդականների դէմ:

Մարգարէի ասածը այնուամենայնիւ իրա-

կանացաւ: Այդ միջոցին Սենեքերիմը մի մեծ բանակի գլուխ անցած՝ եկաւ փիւնեկիական ամրով Պաղեստինի և Յուդայի վրայ 701-ին: Փղշտացոց Ասկադոն քաղաքը զբաւեց և պաշարեց Աբրոն, որին օգնութեան եկող եգիպտական բանակը ջախջախուեց: Կարգը եկաւ Յուդային. ասորեստանցիք մտան և աւերեցին Երուսաղէմի շրջակայքը զբրաւելով մի քանի բերդեր: Ջարգերից սարսափահար ժողովուրդը փախչում և ապաստան է գտնում մայրաքաղաքի պարիսպների յետև: Ահա այս տազնապալից բոպէին նորից հանդէս է դալիս Եսային: Ի՞նչ կայ, ի՞նչ է պատահել ուրախ, ազմկալից քաղաքին, կանչում է նա կծու ծաղրով ժողովրդին, որը սարսափահար կտուրն էր բարձրացել հաւանօրէն թշնամի բանակի շարժումները գիտելու: Քո քաջ որդիները իսկի սրով շեն ընկել պատերազմում. քո առաջնորդներն առանց մի նետ ձգելու կամ գերի են ընկել կամ փախել են: Այլևս ինձ մի նայէք. թողէք որ ես դառնագին ողբամ. իմ հայրենակիցների կորստի վրայ էլ մի փորձէք ինձ մխիթարել: Սիօնի վրայ ուղարկել է զօրութեանց Տէրը զարմացումի, շփոթութեան և անկման օրը (ԻՒ. 1—5):

Սարսափած թագաւորը՝ Եգեկիան իսկոյն ընդունեց Սենեքերիմի պահանջած հարկատուութեան ծանր պայմանը, որով առ ժամանակ Ե-

բուսաղէմը ազատ մնաց: Այնուհետև Սենեքերիմը անցաւ դէպի հարաւ՝ եգիպտացիներին պատժելու. բայց վախենալով, թէ մի գուցէ ազատուած Երուսաղէմը իւր վերադարձի ճանապարհը յանկարծ յետևից փակի, պահանջեց Եգեկիայից՝ այդ քաղաքն իրեն յանձնել: Գլուխը կորցրած փոքրոգի թագաւորը պատրաստ էր այդ անել, եթէ չլինէր Նաային, որը վախկոտ թագաւորին Ենովայի անուշով սիրտ տուաւ: Իւր խօսքը ուղղոււմ է Սենեքերիմին և ասում. քո վրայ ծիծաղում է Իսրայէլի կոյսը. ո՛ւմն ես հայնոյում, ո՛ւմ դէմն ես բարկացնում ձայնդ և աչքերդ սլորում. Իսրայէլի Սուրբի՞ վրայ: Նա քո թիկն մի օղ կանցկացնի և սանձ կղնի քո բերնին և յետ կղարձնի այն ճանապարհով, որով եկել ես: Ապա դառնալով Եգեկիային սիրտ է աւլիս ասելով՝ նա նա չպիտի կարողանայ մտնել այս քաղաքը և ոչ էլ մի նետ ձգել քաղաքի մէջ (ԼԸ. ԳԼ.):

Այդպէս էլ եղաւ. յայտնի չէ, թէ ինչ պատճառով ասորեստանցոց բանակը ոչընչացաւ Եգիպտոսի սահմանի վրայ. Սենեքերիմը ստիպուեց աճապարելով նինուէ վերադառնալ: Երուսաղէմը ազատուած էր. բայց չպէտք է կարծել, որ ասորեստանցոց պետութիւնն իսկոյն ընկաւ: Ճիշտ է, Սենեքերիմը քիչ յետոյ սպանուեց իւր երկու դաւաճան որդիներից, որոնք փախան Ա-

բարատեան աշխարհը, բայց դոցա փոխարէն, նրա երրորդ որդին Ասուրհաղոսն ասորեստանցոց պետութիւնը հասցրեց իւր փառքի գագաթնակէտին: Նա 681-ին տիրեց Եգիպտոսին և հալածեց այնտեղից Եթովպացի թագաւորներին: Պաղեստինի բոլոր իշխանութիւնները ենթարկուեցին նրան: Քաղաքական այս սարսափելի փոթորիկների ժամանակ Երուսաղէմը համեմատաբար հեշտ պրծաւ. նա մնաց կիսանկախ պետութիւն. այն ինչ Իսրայէլի միւս աւելի մեծ պետութիւնը, Սամարիան, հիմնադրատակ վաղուց կործանուած էր: Այս հանդամանքը ժամանակակիցների վրայ մեծ ազդեցութիւն թողեց: Երուսաղէմ քաղաքը և նրա տաճարը ստացաւ կենդրոնական և բացառիկ նշանակութիւն, որովհետև ժողովրդի մէջ այն հաւատն առաջ եկաւ, որ Եհովան այդ տաճարի պատճառով խնայեց Երուսաղէմին:

ՃԳ. ԳԼՈՒԽ

Մարգարէական եկեղեցական ըարենտրոզութիւնը, Երուսաղէմի անկումը եւ Երեմիա մարգարէն.

Եսային Յուդայի պետութեան կործանումը անհրաժեշտ էր համարոււմ, բայց հաւատոււմ էր, որ այս ժողովրդից մի մնացորդ

պիտի մնայ, որը պիտի կազմի նոր Իսրայէլը նոր հիմքերի վրայ: Նրա մէջ պիտի թագաւորեն յաւիտենական խաղաղութիւնը, եղբայրութիւնը և արդարութիւնը, մի խօսքով իւր քարոզած բոլոր կրօնաբարոյական գաղափարները: Նա սպասում էր, թէ շուտով Գաւթի ցեղից աստուածային գերագանց կարողութեամբ և շնորհքով օժտուած մի էակ պիտի ծնուի, որը խորտակելով բոլոր հեթանոս թագաւորութիւնները և ամբարիշտ բռնակալներին՝ մի այնպիսի թագաւորութիւն պիտի հիմնի, որի մէջ թոյլերն ու ճշշուածները իրաւունք գտնեն, ուր իշխի անմեղութիւնը (Թ. 1—6 ԺԱ.):

Այս գաղափարներով տոգորուած՝ նա կազմել էր մի մարգարէական կուսակցութիւն, որը մեծ մարգարէի մահուանից յետոյ, ցանկանում էր նրա ջանքերն արգիւնաւորել:

Այդ կուսակցութեան ղէմ էր եզեկիայի որդին Մանասէ թագաւորը, որը իշխեց 50 տարի. նա մինչև իսկ բարենորոգիչ մարգարէներէից շատերին կոտորել տուեց: Ասորեստանցոց ու Բաբելոնի ազգեցութեան տակ նա իւր պետութեան մէջը մտցրեց երկնքի և երկրի աստուածունու պաշտամունքը: Բանն այնտեղ հասաւ, որ իսրայէլացիք չէին քաշուում այդ աստուածներին զոհելու ոչ միայն իրենց անասունների

անդրանիկ ծնունդները, այլ նաև իրենց անդրա-
նիկ զաւակներին: Երուսաղեմի մօտ Գեհէնի ձո-
րում կանգնեցրել էին մի սեղան, որի վրայ դո-
հարերում էին իրենց երեխաներին: Մանասէի
որդին Ամմոնը հօր ճանապարհով գնաց, բայց
շուտ մեռաւ: Սրա յաջորդ Ովսէն ութ տարեկան
էր, երբ դահ բարձրացաւ: Սրա օրով Յուդայի
համար մի նոր ժամանակաշրջան սկսուեց:

Յայտնի է որ սկիւթացիք եօթերորդ դարում
մտան Փոքր-Ասիա և հարուածելով ասորեստան-
ցոց և առհասարակ սեմական արևելեան պետու-
թիւններին՝ նախապատրաստեցին արիական ցե-
ղերի գերիշխանութիւնը սեմական ցեղերի վրայ:
Նրանց արշաւանքների պատճառով Ասորեստանը
մաս մաս բաժանուեց, թուլացաւ և միայն Նին-
ուէի շրջանով սահմանափակուեց: Սկիւթացիների
մուտքը Ասորիք առիթ տուեց Յուդայի մէջ
նոր մարգարէների երևան գալուն:

626 թուին Երեմիա և Սեփոնիա մարգա-
րէները մատնացոյց էին անում այդ հիւսիսից
եկող, ա՛ն ու սարսափ տարածող, բարբարոս ժո-
ղովուրդների վրա, որոնք գալիս են Ենովայի
հրամանով կոտորելու, ոչնչացնելու Յուդային
ու բոլոր ամբարիշտ ժողովուրդներին: Յիրաւի
սկիւթացիք մտան Պաղեստին և զիմեցին մինչև
Եգիպտոս, բայց նոքա ծովի ափով գնացին այ-

րելով ու աւերելով ամեն ինչ, իսկ Յուդայի երկիրը չմտան: Այս հանգամանքը ազդեց Ուսէ երիտասարդ թագաւորի վրայ, որով սա բարեկամացաւ վերանորոգիչ կուսակցութեան հետ: 621-ին, գատիկ տօնից առաջ յանկարծ յայտնեցին թագաւորին, թէ տաճարում մի նոր զիրք է գտնուած, որի մէջ գրուած է, թէ իսրայէլացիք միայն այն ժամանակ լիովին կարող են փրկուել, եթէ Նհովայի պատուէրները պահեն: Թագաւորը իսկոյն ժողովի կանչեց բոլոր մեծամեծներին, կարգալ տուեց այդ նոր զիրքը և պարտաւորեցրեց, որ բոլորը այդ զրքի համաձայն վարուեն. այսինքն՝ ոչնչացնեն բոլոր հեթանոսական տաճարներն ու սեղանները, արգելեն հեթանոս պաշտամունքները, Նրուսաղեմի տաճարը միակ կրօնական կենդրոնը համարեն (Դ. ԹԳ. 22 զլ.):

Այս բարեփոխութիւնը տեղի ունեցաւ մարգարէներէի գործունէութեան շնորհիւ. բայց փոխուեց միայն արտաքինը, ձեր, և ոչ թէ ժողովուրդի սիրտն ու զգացմունքը: Մարգարէներէի կրօնաբարոյական և հասարակական գաղափարները չբարձրագրուեցին, ահա այս բանի դէմ է բողոքում Նրեմիան:

Սա Նրուսաղեմի մօտ գտնուած Անաթովթ քաղաքից էր, մի քահանայի որդի: Նա իւր մար-

գարէական կոչում ստանալը նկարագրում է իւր գործի Ա. գլխում: Աստուած ընտրել է նրան մարգարէ լինելու դեռ ևս չծնուած ժամանակից, և դեռ ևս մանուկ հասակում Աստուծոց պատուէր է ստանում քարոզել իւր կամքը ժողովրդեան շվախենալով ոչ ոքից: Նա Հրէաստանի թագաւորների ու իշխանների, քահանաների և ազնուականների առաջ անդրդուելի պիտի մնայ ինչպէս անառիկ բերդ, երկաթէ սիւն և պղնձէ պարիսպ: Ամենքը պիտի կոուեն նրա դէմ, բայց ոչինչ չպիտի կարողանան անել: Յիրաւի կէս դար շարունակ (626—586) գործեց այս մեծ մարդը հաւատարիմ իւր կոչման:

Նա հանդէս եկաւ այն ժամանակ, երբ սկիւթացիք տակնուվրայ էին անում ամբողջ արեւմտեան Ասիան այնպէս՝ ինչպէս կրակի ոյժից կաթսայի ջուրն է վերուվայր լինում (Ա. 13—17): Այս խառն ժամանակին Յուդայում մարգարէանում էին նաև Սոփոնեան, Ամբակուժը, և ուրիշները, բայց ոչ մէկը չի կարող համեմատուել երեմիայի հետ, որը Յուդայի մէջ մխիթարական ոչինչ չէր տեսնում:

Զնայած Ովսէի առաջ բերած եկեղեցական վերանորոգութեանը՝ մարգարէն գտնում է, որ ժողովրդի ներքին կեանքը ոչնչով չի բարեփոխուած. նա ոչնչով լաւ չի կործանուած Սամա-

րիաւից: Երեք բան՝ կռապաշտութիւնը, բարքերի անկումը և սուտ մարգարէների բազմութիւնը Երուսաղէմում, ահա սրանք են վրդովում մարգարէին և համոզում նրան, որ այս թագաւորութեան կործանումը Աստծու բացարձակ արգարութիւնից բղխող անմիջական հետևանք պիտի լինի:

Ի՞նչ վնաս են գտել Իսրայէլի Աստծուց քո հայրերը, հարցնում է նա ժողովրդին, որ թողիք նրան և զնացիք օտար աստուածների յետևից: Նա էր, որ ձեզ հանեց Եգիպտոսից և առաջնորդեց մի անապատով, որով ոչ մի հողի չէր անցել: Անշունչ երկինքն անգամ զարմանում է Իսրայէլի յիմարութեան վրայ, որովհետև սա թողեց կենդանութիւն պարզեող ջրի աղբիւրը և դիմեց Եգիպտոսի ու Ասորեստանի գետերին: Ինչքան էլ նա լուացուի և սապոնուի, այնուամենայնիւ ապերախտութեամբ և անիրաւութեամբ ապականուած կմնայ: Այս ժողովրդի քահանաներն ու մարգարէները պիտի զողի պէս բռնուեն իրենց անիրաւութիւնների մէջ, որովհետև դիմում են քարին ասելով իմ հայրն ես, փայտին՝ իմ ծնողն ես: Չարիքի ժամանակը այդ քարն ու փայտը կարճը կլինենն օգնել նրանց: Իսրայէլը՝ Սամարիան ելնում էր բարձունքները և սաուերախիա ծառերի տակ ուրիշ աստուածներին պաշտում. նոյն ուխտադրութիւնն ա-

նում է Յուզան. նա շխրատուեց նրա կրած պատիժներից. ինչքան ասում են, դարձիր, բայց նա չի դառնում իւր վատ ճանապարհից: Նա հերկել է ուզում քարքարոտ տեղերը և սերմել փշերի մէջ: Այս պատճառով ինչպէս առիւծը իւր մուտքից դուրս է գալիս, այնպէս դուրս է գալիս Նիւսիսից մի ազգ, որն Երուսաղէմն և Յուզան աւերակ պիտի դարձնի: Այդ ժամանակ թագաւոր և իշխան պիտի վհատուեն, քահանան ու մարգարէն հիացած մնան ասելով, ուրեմն Եհովան մեզ խաբել է. նա ասել էր խաղաղութիւն կլինի, այն ինչ սուրբ մեր օսկորին է հասել: Չեն իմանում. քանի ժողովուրդն անսուրբ է, այնքան նա պիտի պատժուի: Նիւսիսից գալիք պատուհասը ժողովրդին կորստեան պիտի մատնի. այդ բանը հայրենասէր մարգարէի սրտին ծանր վիշտ է պատճառում:

Այս ընդհանուր շփոթութեան և սարսափի մէջ, մարգարէն վեր է նայում և լուսոյու յուսոյ մի ճաճանչ անգամ չի գտնում, վայր է նայում և ահա ամեն ինչ թափուր է. նայում է լեռներին և բլուրներին, նրանք էլ սարսուում, տատանում են: Տիրոջ բարկութեան առաջ ամեն ինչ խռոված, ապականուած է երևում: Երուսաղէմի փողոցներում և հրապարակներում ման կեղզը չի գտնի մէկին, որ իրաւունք գործի և ճշմարիտ հա-

ւատք փնտոխ: Նրանք իրենց երեսը քարի պէս
 պնդացրել են և չեն կամենում յետ դառնալ: Չկարծէք թէ՛ աղքատ են, դրա համար այդ մի-
 ջոցներին են դիմում. հարուստն էլ այդ նոյն
 դրութեան մէջն է. նրանք բոլորն էլ անհնազանդ
 եզան են նմանում, որոնք իրենց սամեաները
 ջարդում են, որպէսզի առիւծի կամ ինձի կուլ
 գնան: Այդ առիւծն ու ինձը այն հիւսիսային
 ժողովուրդն է, որի ծագումը անյայտ է, որի
 լեզուն անլսելի և անհասականալի է, և որոնք
 պիտի ուտեն այս ժողովրդին և նրա հարստու-
 թիւնը՝ արջառն ու ոչխարը, նրա արտն ու այ-
 գին. և այս բոլորը նրա համար, որ այս յիմար
 և անմիտ ժողովուրդը իւր ամենակալ Աստծուն
 թողած՝ օտար աստուածների է ծառայում: Այն
 Աստծուց չեն վախենում, որ ծովին սահման է
 դրել. ինչքան էլ ազմկեն նրա ակիքները չեն
 կարող իրենց աւազէ սահմանն անցնել: Ահա
 նա հիւսիսից բերում է թշուառութիւն և թա-
 փում զեղեցկացած, փափկացած երուսաղէմի
 վրայ. պիտի գան պատերազմեն նրա հետ. այն
 ժամանակ օրը կկարճանայ և կխաւարի, իսկ
 զիշերը կերկարի, որովհետեւ այս ստութեամբ և
 բռնութեամբ լի քաղաքը պիտի կործանուի:

Մարգարէական բարենորոգութիւնից յետոյ,
 երբ երուսաղէմի տաճարը միակ սրբավայր ճա-

նաչուեց Յուդայի մէջ, ժողովրդի մէջ այն սնո-
 տի հաւատքն առաջացաւ, թէ այդ տաճարը
 կփրկի իրենն ամեն շարիքից: Այն ինչ երեմիան
 տարբեր հայեացք ունէր: Նա Եհովայից պատ-
 ուէր է ստանում՝ գնալ, կանգնել տաճարի դռան
 և երկրպագութեան եկողներին ասել. մի լի-
 նիք սնոտիապաշտ, որովհետև ամեն օր «Տիրոջ
 տաճարը, Տիրոջ տաճարը» աղաղակելը չի փրկի
 ձեզ. բայց ուղղութիւն գործէք, արդարութեամբ
 վարուէք ձեր ընկերների հետ, օտարականին, որ-
 րին եւ այրուն ոտնատակ շտաք, անսպաս արին
 չթափէք, օտար աստուածների յետեւից չերթաք,
 այն ժամանակ յաւիտեանս յաւիտենից կրնակուիք
 այս երկրում: Բայց դուք գողանում, սպանում,
 շնանում, ստում էք, Բահադին խուճկ էք ծխում
 և յետոյ գալիս էք այս տունը աղօթելու: Միթէ
 աւագակների այր է իմ տունը, ասում է Աստուած:
 Այս տաճարը Սելովի պէս մի սրբավայր է, բայց
 տեսէք, Իսրայէլի ժողովրդի շարութեան երեսից
 այդ սրբավայրը ինչպէս աւերակ դարձրի: Ո-
 րովհետև իմ ձայնին չէք լսում և իմ պատուէր-
 ները չէք պահում, ես էլ այդ տաճարը Սելովի
 օրը կձգեմ: Աստուած պատուիրում է երեմիա-
 յին աղօթք շանել և չբարեխօսել այս անօրէն
 ժողովրդի համար, որովհետև նրա հայրերն ու-
 դարկում են իրենց որդիներին փայտ հաւաքե-

լու, իրանք էլ վառում են, նրանց կանայք խմոր են հունցում, որպէսզի զոհ մատուցանեն, կարկանդակներ նուիրեն երկնային ոգիներին, օտար աստուածներին: Նրանք իրենց արածի համար պիտի ամաչեն, որովհետեւ Եհովան կրակ պիտի թափի այս երկրի վրայ: Ո՞վ է սովորեցրել նրանց ողջակէզներ մատուցանել. Իսրայէլի Աստուածը այդպիսի պատուէր չի տուել: Նա ասել է, լսեցէք իմ ձայնին և ես կլինեմ ձեր Աստուածը, դուք կլինէք իմ ժողովուրդը. բայց նրանք չլսեցին: Նրանց մօտ ուղարկեցի մարգարէներ, իսկ նոքա նրանց ձայնին արձագանգ չտուին: Սա մի ազգ էր, որ իւր տիրոջ պատուիրանը չլսեց, դրա համար պակասեց հաւատը, հեռացաւ ճշմարտութիւնը: Տափեթի ձորում զարշելի կուռքեր կանգնեցրեց, իւր տղաներին ու աղջիկներին զոհեց՝ կրակի մէջ այրելով: Այս բոլորի պատճառով այս երկիրը պիտի քանդուի: Յուդայի թագաւորների և իշխանների, քահանաների և մարգարէների ոսկորները պիտի հանեն գերեզմանից և փռեն այն կուռքերի և երկնային ոգիների՝ այն է արևի և աստղերի առաջ, որոնց պաշտում էին, որպէսզի ծաղրի առարկայ դառնան:

Բայց ժողովրդի վրայ գալիք դժբախտութիւնը հայրենասէր մարգարէին անհուն վիշտ է

պատճառում՝ նա կսկծայի ազադակով դիմում է Աստուծուն ասելով՝ «Մ՛վ կտար ինձ, որ զլուխ ջուր դառնար եւ աչքերս արտասուքի ակունքներ, եւ ես լաց լինէի որ ու զիշեր իմ՝ ժողովրդի վրայ, իմ՝ ժողովրդի վիրատրուածների վրայ: Մ՛վ կտար ինձ անապատում՝ մի անշուք օթեան եւ ես թողնէի իմ՝ ժողովրդին եւ նեոանայի դրանցից»։ որովհետեւ բոլորը շնանում են, շարիք շարիքի վրայ են աւելացնում, ընկեր ընկերօջից պիտի կասկածի, եղբայր եղբօր վրայ յոյս չպիտի ունենայ, որովհետեւ ամենքը խաբում են, ամենքը նենգութիւն են դործում, բարեկամին ծաղրում են, ճշմարտութիւն չեն խօսում, զրկում են, տոկոս տոկոսի վրայ են բարդում: Այս բոլորից յետոյ իհարկէ այս ազգը պիտի կորչի. և թող այժմեանից կանչեն ողբասաց և ճարտար կանայք, որ ճշան և արցունք թափեցնեն ձեր աչքերից: Թող իմաստունն իւր իմաստութեամբ շղարծենայ եւ ոչ էլ հօրն իւր գօրութեամբ, այլ միայն նրանով պարծենայ, որ Տիրոջն իսկապէս աննաչում է, որ իրաւունք, արդարութիւն եւ ողորմութիւն է ստեղծել: Եւ երեմիան, որ լաւ էր ճանաչում իւր Աստուծուն, համեմատելով փայտից քարից կամ սկուզ շինած աստուածների հետ՝ մասնացոյց է անում նրանց ոչնչութիւնը, իսկ իւր Աստուծուն փառատրական խօսքեր է նուիրում, որոնք

աղօթքի բնաւորութիւն են կրում, «Մեր Տէր Աստուածը ճշմարիտ, կենդանի Աստուած է, ասում է նա, յաւիտենական թագաւոր, որի բարկութեան առաջ երկիրն է դողում և ազգերը շնն կարող հանդարդուել»: Այս այն Աստուածն է, որը տիեզերքն իւր զօրութեամբ և իմաստութեամբ ստեղծեց, երկրի ծայրից ամպեր է բերում և կայծակներն անձրևի է փոխում (Ա. Ժ. Գլ.):

Երեմիան այսպէս էր խօսում ժողովրդեան առաջ դեռ ևս այն ժամանակ, երբ Յուդան համեմատաբար լաւ վիճակի մէջ էր (626—608), որովհետև, ինչպէս յայտնի է, սկիւթական վտանգն անցաւ, առանց Երուսաղէմին մի շօշափելի փաս հասցնելու. մինչև իսկ այդ սկիւթացիներն ատորեստանցիների ոյժն էին ջլատել, այնպէս որ նա այլ ևս չէր կարող առաջուայ նման հարկ պահանջել Յուդայից: Կարելի է ասել, հրճուանքի մէջ էր Հրէաստանի ժողովուրդը, որովհետև Ուսէի թագաւորութեան վերջին տարիներում նա մի առժամանակ ազատ շունչ քաշել կարող էր: Թու՛մ էր, թէ Երեմիայի գուշակածները Յուդայի պետութեան անկման մասին չէին ճշտուում: Ընդհակառակն այդ պետութիւնը տեսնելով՝ թէ մարերն ու բարելացիք միացել են Նինուէն կործանելու, սկսեց յոյսեր տածել կատարեալ անկախութիւն ձեռք բերելու: Բայց այս

յոյսերն ու հրճուանքը շատ կարճատև եղան: Եգիպտոսի Նեխո Բ. թագաւորը՝ կամենալով օգտուել իւր թշնամու՝ ասորեստանցիների անկեալ դրութիւնից, դուրս եկաւ մի բանակով իւր գերիշխանութեան ենթարկելու Պաղեստինի ժողովրդներին: Բայց Ովսէն տրամադիր չէր իւր նոր ձեռք բերած անկախութիւնը եգիպտացիներին զօնելու. այդ պատճառով շտապեց խանդարելու Նեխոյի մտադրութիւնները: Եգիպտոսի սահմանի վրայ, Մեկիդոյի մօտ 608-ին տեղի ունեցաւ մի ճակատամարտ, որտեղ Ովսէն յաղթուեց ու սպանուեց: Ովսէի որդին Սալլումը բռնուեց և գերի տարուեց. Նեխո փարաւսնը Ովսէի երրորդ որդուն՝ Յովակիմին հարկատու թագաւոր նշանակեց Երուսաղէմում:

Ժողովուրդը այս աղէտներից գլուխ կորցրած՝ տաճար թափուեց՝ իւր թագաւորի կորուստը ողբալու: Նա չէր հասկանում, թէ ինչպէս Եհովան կարող էր պատժել բարենորոգիչ թագաւորին. միայն Երեմիան գլուխը բարձր բռնած բացատրում էր ժողովուրդին, որ այս զժբախտութիւնը հետևանք է իւր անարդարութեան և Աստծուն դաւաճանելուն: Նա խորհուրդ էր տալիս՝ սպանուածի վրայ չսպալ, այլ ողբալ Սալլումի վրայ, որովհետև նա գերութեան մէջ պիտի մեռնի: Միևնոյն է, ինչքան էլ ողբան, ե-

Թէ նոյն իսկ Մովսէսն ու Սամուէլը յարութիւն
 առնեն և բարեխօսեն, Տէրը չպիտի լսի և ներքի
 կամ հաշտուի այս ժողովուրդի հետ: Երբ Երե-
 միային հարցնում էին, հապա ի՞նչ անենք կամ
 ուր երթանք, նա նրանց պատասխանում էր,
 ոմանք ժանտախտով պիտի մեռնեն, ոմանք սո-
 վով, և ոմանք գերութեան մէջ: «Ո՞վ կխղճայ
 քեզ, Երուսաղէմ, քո լաւն ու վատը ո՞վ կհարցնի.
 չէ՞ որ քո չարութիւնը աւազից շատ է»: Այս
 խօսքերը գայրոյթ առաջ բերին. ժողովուրդը
 դաւադրութիւն սարքեց նրա դէմ, և ինչպէս Երե-
 միան ինքն է վկայում, անմեղ գառան պէս ու-
 զել են մորթել և անուներ երկրի երեսից
 ջնջել. նրանք ասում են. մի մարգարէանար,
 թէ չէ՞ քեզ կսպանենք: Այս սպառնալիքի հան-
 դէպ մարգարէն աղաղակում է. «Վա՛յ ինձ, վա՛յ
 ինձ, մայր իմ. ի՞նչու ինձ վէճի և կռուի մարդ
 ծնար: Ոչ որի պարտք չեմ, ոչ էլ ուրիշն է ինձ
 պարտ, բայց ամենքն ինձ անիծում են: Տէր, Դու
 գիտես, յիշիր ինձ, փրկիր ինձ իմ հալածիչնե-
 րից... յիշիր, որ ես Քո պատճառով եմ նախա-
 արկնք կրում: Դու ինձ տուիր քո պատգամը, Քո
 խօսքերն ինձ ուրախութիւն ու ցնծութիւն են
 պատճառում... Ես չնստայ ուրախացողների շրջա-
 նում, ընդհակառակն Քո պատճառով մենակ նըս-
 տեցի ու գառնութեամբ լցուեցի... ի՞նչու իմ

ցաւը տեւական է, իմ վերքերը վատ տեսակի, որոնք չեն առողջանում. չլինի՞ դու ինձ համար խարոզ առուակի ես նման, կամ ջրի. որի վրայ վստահել կարելի չէ»։ Իւր հալածանքներից և վըշտերից յուսահատուած մարգարէն՝ միայնակ խօսելով այսպէս իւր Աստու հետ՝ դարձեալ այն հաւաստիացումն է ձեռք բերում, որ Աստուած իրեն սղոնձէ ամուր պարիսպ է դարձրել, որի դէմ ինչքան ուզենան կռուել, ոչինչ չպիտի կարողանան անել. որովհետեւ Աստուած իւր հետն է՝ օգնելու և շարերի ձեռքից փրկելու համար։

Յամենայն դէպս մարգարէն թող չբարեխօսի այս ժողովրդի համար, որովհետեւ ոչ նրանց ծով պահելն է հարկաւոր, ոչ նրանց ողջակէզը, այլ նրանց սուրը պիտի ուտէ։ Եթէ երեմիան շարիք չգուշակէր, այն ժամանակ ժողովուրդը կսիրէր նրան այնպէս, ինչպէս սիրում և լսում էր այն մարգարէներին, որոնք ասում էին, թէ ոչ, այլևս ոչ սուր և ոչ սով պիտի տեսնի ժողովուրդը, այլ խաղաղութիւն պիտի թագաւորի։ Բայց երեմիան ասում է, թէ այդ մարգարէները սուտ են մարգարէանում. Աստուած չէ ուղարկել նրանց. նրանք տեսիլ են տեսնում և կախարդութիւն են անում. հէնց այդ սուտ մարգարէներն էլ նրանց լսող ժողովրդի հետ պիտի կոտորուեն սրով և սովով, և ոչ ոք չի լինի նրանց թաղող։ Նրանց

դիակներն երկնքի թռչունների և զազանների կերակուր պիտի դառնան. Աստուած իւր ողորմութիւնն ու գթութիւնն իսպառ հեռացրել է. այդ պատճառով մարգարէն պատուէր է ստանում շամուսնանալ, և որդիներ չունենալ այս վտանգի օրերում. մեռելի տունը շմտնել հօրն մօրը մխիթարելու համար. իսկ եթէ հարցնեն, թէ ի՞նչու համար է այս բոլորը, թող մարգարէն պատասխանի, նրա համար, որ թողիք մեր Աստծուն և ուրիշ աստուածների յեակից գնացիք: Յուդայի մեղքերը երկաթեայ գրչով, ազամանդեայ եղէգնով են գրուած, ուրեմն անջրնջելի են: Փառք տուէք Աստծուն, քանի օրը չի խաւարել. լոյսի էք սպասում, մահուան ստուերներն են ձեզ պատում:

Երեմիան առանձին պատճառ ունէր Յովակիմի ժամանակ այսպէս վրդովուած և խիստ խօսելու, քանի որ սա իբրև Եգիպտոսի փարաւոնի վասակ՝ օտար աստուածների պաշտամունքը բաջալերեց, որովհետև նրա կարծիքով Միկեղդոյի ճակատամարտը ապացուցանում էր, որ ճշմարիտ Եհովայի պաշտամունքից էլ շատ օգուտ չկար: Նա իբրև թեթեամիտ իշխան՝ իւր հպատակների գոյքն ու կեանքն էլ չէր խնայում: Այս պատճառով Երեմիան պատուէր է ստանում՝ գնալ նրա մօտ, արքունիքը մտնել և ասել. դու՛ որ քո

տունը շինում ես անիրաւարար և վերնայարկեր ես կառուցանում անարդարութեամբ, քո մերձաւորներին ձրի ես աշխատեցնում և նրանց վարձքը կտրում ես, դու որ ասում ես, թէ ես մի լայնարձակ տուն պիտի շինեմ լաւ պատուհաններով, մայրի փայտով տախտակեմ և նկարել տամ. մի՞թէ դրա համար թագաւոր դարձար: Գո հայրն էլ կերաւ, խմեց, բայց նա արդարութիւն էր գործում, ճնշուածներին և խեղճերին օգնում էր: Այն ինչ քո աչքն ու միտքն ուղղուած են ազահութիւն անելու, անմեղի արիւնք թափելու, ճնշելու և կողոպտելու վրայ: Այս պատճառով այս թագաւորի վրայ ոչ ոք սուղ չպիտի անի՝ ասելով, ախ տէր իմ, վա՛յ քո բախտին, այլ իշի պէս պիտի թաղեն, այսինքն՝ բաշտան և Երուսաղէմի դռների մօտ ձգեն (ԻՖ.):

Սրանից յետոյ, երբ Երեմիան մի անգամ էլ տաճարի դրան կանգնած քարոզում էր, թէ Յուդան պիտի գերի գնայ և Երուսաղէմն էլ Սելովի պէս պիտի աւերուի, քահանաներն ու սուտ մարգարէնները բռնեցին նրան և կանչեցին իշխաններին՝ դատելու և մահուան պատիժ տալու Երեմիային: Իսկ Երեմիան զիմելով իշխաններին՝ հաստատում է, որ, այո՛, ինքը չարիք է նախագուշակում այս քաղաքի, և այս տաճարի վրայ և թէ ինքը հիմա նրանց ձեռքին է. ի՞նչ

կուզեն, թող անեն, միայն իմանան, որ եթէ սպանելու լինեն՝ անմեղ արիւն թափած կլինեն։ Բայց դատող ձերերից մի քանիսը պաշտպանեցին մարգարէին և նորա խօսքը մահուան արժանի չհամարեցին. թէպէտ այդ նոյն թագաւորի օրով մի ուրիշ մարգարէ՝ Ուրիա անունով, որը նոյնպէս շարիք էր գուշակել Երուսաղէմի վրայ և փախել էր Եգիպտոս, Յովակիմի ջանքերով սպանուել էր։ Երեմիան ազատուեց մահուանից մի ազդեցիկ պալատականի՝ Սափանի պաշտպանութեան շնորհիւ, բայց բանտարկուեց։

Քաղաքական պայմանները նորից այնպէս էին դասաւորուել, որ թագաւորը և ժողովուրդը կարծես իրաւունք էին համարում Երեմիայի քարոզութիւնների վրայ ուշադրութիւն չդարձնելու։ Բանն այն էր, որ Երեմիայի գուշակութիւնը, թէ հիւսիսային մի ժողովուրդ պիտի կործանի Երուսաղէմի պետութիւնը՝ չիրագործուեց։ Դորա փոխարէն Եգիպտացիների տուած հարուածից նրանք շուտ բժշկուեցին։ Նեխօ փարաւոնը իւր արշաւանքը շարունակելով՝ հասաւ Ասորիք և օգտուելով այն հանգամանքից, որ մարերն ու պարսիկները նինուէի պաշարումով և առումով են զրադուած, ուզեց ամբողջ Ասորիքին տիրել, բայց բարեկացոց նարօնէտ թագաւորի ժառանգը նարուգողոնոսորը, եկաւ նրա

դէմ: Եփրատի վրայ Կարկեմիշի մօտ տեղի ունեցաւ մի ճակատամարտ, ուր եգիպտացիք շարաշար յաղթուեցին և յետ նահանջեցին դէպի Եգիպտոս 604-ին: Նինուէի անկումը հրճուանքով լցրել էր արդէն Երուսաղէմ. եգիպտացոց պարտութեան պատճառած ուրախութիւնն անշափ էր: Թագաւորն ու ժողովուրդը կարծում էին, թէ եգիպտացիների յաղթուելովն իրենք ազատուում են հարկատուութիւնից. այն ինչ Երեմիան բոլորի յոյսը ծաղրում էր ասելով, որ բարելացոց լուծը աւելի ծանր կլինի: Բարելացոց թագաւորը պիտի գայ և պիտի ջնջի մարդ և անասուն այս երկրից: Նոյնն էր ասում նաև Նաում մարգարէն: (Տ. Նաում Ա.—Գ.):

Երեմիան բանտարկուելուց առաջ, 604-ին կանչել էր իւր աշակերտ Բարուքին և թելադրել էր նրան իւր 23 տարուայ մարգարէութիւնները, և նա գրի էր առել: Այժմս բանտից մարդ է ուղարկում իւր աշակերտին ասելու. ես բանտարկուած եմ, չեմ կարող քարոզել ժողովրդին. վերցրու դու իմ մարգարէութեան գիրքը և կարգա տաճարում հաւաքուող ժողովրդեան առաջ, թերևս լսի և դարձի գայ: Բարուքը կատարում է իւր մեծ վարդապետի պատուէրը:

Ժողովուրդն ու իշխանները լսելով Երեմիայի ամբողջ մարգարէութիւնը՝ մանաւանդ վեր-

ջին մասը՝ շփոթուում և զայրանում են. իմաց են տալիս թագաւորին, որն և հրամայում է բերել իւր առաջ էլ կարգալ այդ գիրքը, բայց նրա ընթերցումը թագաւորի մէջ առաջ չի բերում զզջման զգացմունքը. ընդհակառակն ամենայն հանդարդութեամբ նա ձգում է այդ մատեանը իւր առաջ զրուած կրակարանի մէջ և վառում է: Երեմիան լսելով այդ՝ կանչում է Բարուքին և յանձնարարում է նրան՝ նորից գրի առնել իւր առաջին մարգարէութիւնները և այդ բոլորի վրայ աւելացնել. — որովհետեւ Յովակիմը շուգեց լսել իմ մարգարէութիւնը, այդ պատճառով նա յաջորդ չպիտի ունենայ Երուսաղէմի գահի վրայ. նորա դիակը պիտի ընկնի օրուայ տօթի և գիշերուայ ցրտի առաջ:

Երեմիայի գուշակութիւններն այս անգամ արագութեամբ կատարուում էին: Կարկեմիշի ճակատամարտում բարելացիներն Ասորիքից դուրս քշեցին փարաւոնին, այնպէս որ Յովակիմը 602-ին ստիպուեց հարկ տալ յաղթողներին, բայց երեք տարի վճարելուց յետոյ՝ կտրեց: Կրօնական մոլեռանդութեամբ բռնկուած ազատասէրները՝ ազդելով քահանաների, մարգարէների և նոյնիսկ արքունիքի վրայ, ապստամբութեան գիմեցին: Նարուզոզոնտսորը բաւականացաւ առժամանակ պատժիչ զօրախմբեր ուղարկելով Երուսաղէմի

դէմ, այլ և գրգռեց շրջակայ մանր ցեղերին, յատկապէս եղովամացիներին՝ աւերելու Յուդայի պետութիւնը: (Տ. երեմ. ԽԹ. 7—22 եղեկ. ԻԵ. 8—11):

Վերջապէս 597 թուին Նաբուգոդոնոսորը մի մեծ քանակով անձամբ եկաւ Երուսաղէմի վրայ և պաշարեց: Պաշարման ժամանակը մեռաւ Յովակիմ և նրա գահը ժառանգեց Յեքոնիան՝ նորա որդին: Երեմիան, որն այս ընդհանուր տաղնապի ժամանակն ազատուած էր բանտից, ցաւած սրտով տեսաւ իւր գուշակութիւններէ կատարումը: Յովակիմը մեռաւ և ոչ ոք նրա վրայ սուգ անելու կամ կոծելու ժամանակ չունէր. թշնամին պաշարել էր քաղաքը և ժամանակ չէր տալիս մտածելու: «Քանի խաղաղութեան մէջ էիր, ասում է Երեմիան Յեքոնիային դառնալով, ես խօսեցի քեզ հետ, բայց դու չկամեցար լսել. մանկութիւնից ի վեր այս էր քո վարմունքը: Դու լսում էիր քո հովիւներին, որ հողմարածներ են. քո սիրելիները գերի պիտի գնան. դու ինքդ ամօթով և խայտառակութեամբ պիտի ծածկուես. ծննդականի պէս ցաւ քաշես: Կենդանի է Իսրայէլի Աստուածը, Որը քեզ պիտի մասնի Նաբուգոդոնոսորին քո մօր հետ և ձեզ պիտի շարտի մի օտար աշխարհ, ուր և պիտի մեռնէք, ինչպէս արհամարուած, ա-

Նարգուած մի պատկեր կամ մի աման: Ո՛վ երկիր, երկիր, լսիր Նհովայի խօսքը և զրիր Յեֆոնիային քո ցուցակում իբրև անգաւակ, իբրև անբախտ մէկը, որին իւր ամբողջ կեանքում, ոչինչ չի յաջողուել, որովհետև նրա յաջորդներից ոչ մէկին չպիտի յաջողուի Դաւթի աթոռ վրայ նստել և Յուզայի վրայ իշխել: (ԻՖ. 20—30)

Յիրաւի անբախտ թագաւորը չորս ամսից յետոյ անձնատուր եղաւ և իւր հօր մեղքերը քաւեց Բաբելոնի բանտում, գերութեան մէջ: Նարուզողոնոսորը Յեֆոնիայի հետ գերի տարաւ Երուսաղէմի ազգաբնակութեան ընտիր մասը, հարուստներին և ազնուականներին, ընդամենն 10000 մարդ, իսկ մնացած աղքատ ժողովրդեան վերայ կարգեց Ովսէի միւս որդուն Սեղեկիային իբրև հարկատու թագաւոր:

Սա մի սարսափելի հարուած էր Յուզայի փոքրիկ պետութեան համար. այնուամենայնիւ ապատամբութեան կրակը չմարեց: Նհովայի տաճարը դեռ կանգուն էր նրանում: Գերի գնացողները յոյս ունէին, որ Նհովան կկործանի հեթանոսների պետութիւնը և իրենց յետ կղարձնի. այդ պատճառով աշխատում էին Երուսաղէմում ապատամբութեան կրակը վառ պահել: Քաղաքում յետ մնացողներն ամեն ինչ զէպի լաւն էին բացատրում. իրենք իրենց համարում էին զը-

տուած ցորեն, իսկ գերի գնացողներին՝ դարձան. բողոքովին հակառակ կարծիք է յայտնում Երեմիան (Տ. ԻԳ. գլ.) Նա երկու կողով թուզ է տեսնում, մէկի մէջ լաւ ու քաղցր թուզեր ածած, իսկ միւսի մէջ վատ ու դառն: Այդ լաւ թուզերը գերի գնացողներն են, որոնց վրայ Ենոփան պիտի ողորմի, իսկ վատերը Երուսաղէմում մնացողներն են. սրանց թագաւորն է Սեղեկիան. սրանք պիտի կործանուեն, ամօթի և նախատինքի առարկայ դառնան:

Արդէն իսկ Սեղեկիայի թագաւորութեան առաջին տարիներում սկսուեց բարեկացոց դէմ ապստամբական շարժումը: Եղովմից, Տիրոսից Ամմոնից, Մովարից ղեսպաններ եկան Երուսաղէմ՝ միացեալ ոյժով ապստամբութիւնը գլուխ բերելու համար: Երեմիան դուրս եկաւ նրանց առաջ և տուեց նրանց մի մի կապ, մի մի լուծ յայտնելով, որ լաւ կանեն հպատակուեն Նաբուզոդոնոսորին՝ ընդունելով բարեկացոց լուծը. և թող չլսեն իրենց ձերբերին, մարգարէներին, հաւահամաներին, կախարդներին, որոնք խորհուրդ են տալիս նրանց՝ հարկ չտալ Նաբուզոդոնոսորին: Նոյն բանը ասում է նա Սեղեկիային՝ խնդրելով նրան, որ նա չլսի այն մարգարէներին և քահանաներին, որոնք ասում են, թէ շուտով Բաբելոն գերի տարուած Տիրոջ

տաճարի սպասները ու անօթները յետ պիտի դառնան Երուսաղէմ: Իսրայէլի ամենակալ Աստուածն ասում է, որ եթէ չլսէք ու չհնազանդուէք, այն ժամանակ մնացած սպասներն ու անօթները նոյնպէս պիտի ընկնեն բարեւացոց ձեռքը. քաղաքն ու տաճարը աւելի ևս կաւերուեն: Սրան հակառակ՝ դարաւոնացի Անանիա մարգարէն դուրս է գալիս և ժողովրդին ասում, թէ երկու տարուց յետոյ Ենօվան պիտի կործանի Բաբելոնը և յետ պիտի դարձնի գերիններն ու տաճարի սպասները: Այդ միջոցին Երեմիան իր վիզը մի փայտեայ լուծ ձգած՝ գրնում է տաճար ընդդիմաբանելու Անանիային, բայց վերջինս վերցնելով Երեմիայի վզի լուծը՝ ջարդում է բոլոր ժողովրդեան առջ, ասելով՝ թէ այսպէս պիտի ջարդի Տէրը բարեւացոց լուծը երկու տարուց յետոյ: Հետևեալ օրը Երեմիան իւր վիզը երկաթէ լուծ ձգած գալիս է, Անանիային ասում. դու ջարդեցիր փայտեայ լուծը, իսկ բարեւացոց թագաւորը այս ժողովուրդների վզին երկաթէ լուծ պիտի գնի: Երեմիան նկատելով՝ որ ապստամբութեան կայծը Երուսաղէմում Բաբելոն գերի գնացածներն են բորբոք պահում, մի նամակ է գրում նրանց, որի մէջ նա խորհուրդ է տալիս նրանց հանազարդուել, տներ շինել, այգիներ տնկել և առժամանակ

վերադարձի յոյս չունենալ. չխարուել սուտ մար-
գարէների մանաւանդ Սամէա ելիմացու խօս-
քերից, որոնք գրգռում են ժողովրդին ապստամ-
բելու և Երեմիային էլ պատժելու:

Ինչպէս երևում է, Սեղեկիան ինքն այն-
քան էլ տրամադիր չէր ապստամբելու. նա յոյս
չունէր, թէ այդ մանր իշխանութիւնների օգ-
նութեամբ մի որևէ բան գլուխ գայ. այս
պատճառով նա մինչև իսկ Բաբելոն զնաց՝ նա-
բուզողոնոսորի կասկածանքը փարատելու և դէ-
պի իրեն լաւ տրամադրելու: Սակայն վերջը,
երբ 588-ին Եգիպտացոց Ապրիէս կամ Հօֆրա
փարաւոնն ապստամբել ցանկացողներին իւր
օգնութիւնը խոստացաւ, այն ժամանակ Երու-
սաղէմում այլևս հնար չեղաւ յետ պահել ժո-
ղովրդին ապստամբութիւնից: Մի տարի յետոյ
բարելաւան մի բանակ Երուսաղէմի վրայ ար-
շաւեց: Սեղեկիան ուղարկեց Պասքովր անունով
մի իշխանի Երեմիայի մօտ, որպէսզի նրանից
իմանայ, թէ Աստուած ի՞նչ է որոշել այս քա-
ղաքի համար: Երեմիան պատուիրում է Պաս-
քովրին՝ յետ դառնալ և ասել թագաւորին, մի
աշխատէք պաշտպանուել բարելացոց դէմ, ո-
րովհետև Աստուած ձեր ձեռքի զէնքը ձեր դէմ
կղարձնի: Պէտք է շուտով անձնատուր լինել և
այդպէս փրկուել. Աստուած չպիտի ողորմի և

զթայ այս քաղաքին, որի բնակիչները սովով և սրով պիտի ընկնեն, իսկ քաղաքը պիտի այրուի:

Մի առժամանակ այնպէս թուաց, որ Երեմիայի ասածներն այս անգամ էլ չպիտի ճշտուէին, որովհետև քաղաքում ընդհանուր ոգևորութիւն էր իշխում և քաջութեամբ էին կռուում. նրանք ազատ արձակեցին իրենց հրէայ ստրուկներին, որպէսզի բոլորը կարողանան սուրբ պատերազմին մասնակցել. բացի սրանից յիրաւի երևաց մի եգիպտական բանակ՝ օգնելու պաշարուած Երուսաղէմին: Բարեկացիք առժամանակ պաշարումը վերցրին՝ փարաւոնի ղէմ կռուելու համար: Սրանից քաջալերուած և իրենց ապահով զգալով՝ նորից բռնեցին իրենց ազատ թողած ստրուկներին և ծառայեցրին: Այս բոլոր երևոյթների հանդէպ Երեմիան միշտ մնաց յոռետես քաղաքի ապագայի նկատմամբ. մահաւանդ այս վերջին ստոր վարժունքը ստրուկների վերաբերմամբ, լցրեց նրան գայրոյթով: Նա գնաց թագաւորի մօտ ասելու նրան, թէ չլինի կարծի, թէ քաղաքէացիները ընդմիշտ հեռացան և էլ չեն գալու, եթէ նոյնիսկ ամբողջ բարեկական զօրքը կոտորուի և միայն մի երկու վիրաւոր մնայ, զրանք էլ բաւական կլինեն Երուսաղէմն առնելու և հրդեհելու: Չէ՞ որ օրէնքը պատուիրում է իս-

բայէլացի ստրուկներին վեց տարի ծառայեցնելուց յետոյ եօթերորդ տարին արձակել, ինչունորից բռնելու ծառայեցնում են: Դուք՝ որ ձեր եղբայրներին ազատ չէք արձակում, խեղճի դասը չէք տեսնում, զրկուածին չէք վերադարձնում նրանից կողոպտածը, ահա այդ պատճառով Աստուած կարձակի ձեզ վերայ սուր, սով և մահ. թագաւորին և իշխաններին և բոլոր քաղաքը կմամնի բարեկացոց ձեռքը:

Այն ժամանակ՝ երբ բարեկացիք պաշարուածը վերցրել էին, Անաթովթից զալիս է նրեմիայի մօտ իւր հօրեղբորորդին և յայանում է, որ նրան մի ազարակ է հասել իբրև ժառանգութիւն. այս բանում նրեմիան նկատում է Աստուծոյ մի ցուցում այն մասին, թէ սպազայում Պաղեստինը նորից պիտի վերաշինուի, այդ պատճառով նա սիրով ընդունում է իրեն հասանելիք ժառանգութիւնը և ճանապարհ է ընկնում Անաթովթ՝ ստանալու համար իրեն ընկած բաժինը. բայց քաղաքի դռան մօտ պահապանը նրան կալանաւորում է, կարծելով՝ որ նա ուզում է իբրև դասալիք բարեկացոց մօտ գնալ: Մարգարէին տանում են իշխանների մօտ, որոնք և նրանց զանակոծել են տալիս և բանտարկում մահապարտների բանտում: Սեղեկիան նորից մարդ է ուղարկում, կանչում նրեմիա-

յին, որ իմանայ, թէ Աստուած ի՞նչ է յայտնել մարգարէին քաղաքի մասին: «Այո, ասում է Երեմիան թագաւորին, Աստուած որոշել է, որ դու բարեկացոց թագաւորի ձեռքը պիտի մատնուես: Բայց ուր են կորել ձեր մարգարէները, որոնք ասում էին, թէ Բաբելոնի թագաւորն այս երկիրը չի գայ: Ես ի՞նչով եմ մեղաւոր քո և ժողովրդեան առաջ, որ Աստուծո պատգամը ճշտութեամբ եմ հաղորդում. ազատիր ինձ ուրեմն մահապարտների բանտից, որ չմեռնեմ: Թագաւորը հրամայում է ձգել Երեմիային բանտի գաւիթը և օրական մի մի հաց տալ նրան:

Մինչ այդ բարեկացիք արդէն յետ էին մըղել եգիպտացիներին և վերադառնալով՝ նորից վերսկսել էին քաղաքի պաշարումը: Երուսաղէմացիք որոշել էին մինչև վերջին շունչը պաշտպանել քաղաքը. այնպէս որ Երեմիայի խորհուրդները՝ դոնէ վերջին բոպէին անձնատուր լինել, անցան անհետեանք: Սեղեկիան, որը ծածկաբար մարգարէին պաշտպանում էր, վախենալով հայրենասէրների կատաղութիւնից՝ չէր համարձակուում նրանց դէմ մի բան ձեռնարկել: 586-ին վերջապէս կարողացան բարեկացիք պարիսպը ճեղքել և մտնել քաղաքը, ուր որ սովը արդէն ուժասպառ էր արել բնակչութիւնը: Սեղեկիան սկզբում փորձեց քաղաքի միւս կողմից

փախչելով ազատել իւր անձը, բայց բռնուեց և իւր իշխանների հետ բերուեց Նաբուզոդոնոսորի առաջ, որը նրանց վրայ խիստ դատաստան արաւ: Սեղեկիայի որդիներին իրենց հօր աչքի առաջ սպանել տուեց, ապա հանել տուեց թագաւորի աչքերը: Ապստամբ քաղաքի պարիսպները հրամայեց քանդել, տաճարը այրել և ժողովրդի մի խոշոր մասին՝ կուրացած թագաւորի և իշխանների հետ զերի տանել: Երեմիային բանտից ազատելով՝ յանձնեց իւր Նաբուզարդան դահճապետին, որ ամեն կերպ խնամք տանի նրա վրայ: Նրան թողնուեց ընտրութիւն անել՝ կամ միւսների հետ Բաբելոն գնալ և կամ մնալ Հրէաստանում: Երեմիան մնաց իւր հայրենիքում, ուր Նաբուզոդոնոսորը տեղապահ նշանակեց Գետալիա անունով մի հրէայի, որովհետև մարգարէն յոյս ունէր թէ՛ այս բոլոր դժբախտութիւններից յետոյ Եհովան կգթայ և յետ կրերի զերիներին 70 տարուց յետոյ: Բայց երբ Գեդալիան սպանուեց Իսմայիլ անունով հարիւրապետի ձեռքով, ժողովուրդը բարելական նոր վրէժխնդրութիւնից վախեցած՝ գաղթեց Եգիպտոս: Երեմիան հակառակ էր այդ գաղթին, բայց նրան բռնութեամբ տարան իրենց հետ: Մերացած և տանջուած մարգարէն ցաւած սրտով նկատեց, որ այս գաղթական ժողովուրդը՝ թողնելով իւր հայ-

րերի Աստծուն՝ պաշտում է «Երկնքի Տիկնոջը»,
կշտամբեց նրանց և գուշակեց, որ այդ տեղի
հրէաները բոլորը պիտի ոչնչանան և Եգիպտոսն
էլ բարեկացոց ձեռքը պիտի ընկնի: Գաղթական
հրէաների կանայք, որոնք ամենից աւելի ջեր-
մեռանդութեամբ պաշտում էին երկքի աստուա-
ծունհուն, ըստ աւանդութեան բռնում են մար-
գարէին և նրա բերանը աւազով խցելով՝ նահա-
տակում են:

ԺԳ. ԳԼՈՒԽ

Հրէաները քարելոնեան գերութեան մէջ Եգիպտէի
ու Եսայի մարգարէները 586—538.

Ասորեստանցիներից գերի տարուած Սա-
մարիայի հրէութիւնը ձուլուեց հեթանոսների
հետ. նոյնպէս ձուլուեցին և անհետացան այն
հրէաները, որոնք Եգիպտոս էին գաղթել: Ան-
շուշտ նոյնը կպատահէր Բաբելոն գերի գնացող
երուսաղէմացի հրէաների հետ, եթէ իրենց
կրօնին հաւատարիմ կապուած չմնային: Յիրաւի
սրանք աւելի աւանդապահ գտնուեցին. մանա-
ւանդ սրանց օգնեց այն հանգամանքը, որ խրմ-
բուած մի տեղ էին բնակուում և ոչ թէ հեթա-
նոսների մէջ ցրուած: Նրանք աները շինեցին,

այգիներ տնկեցին և որոշ բարեկեցութեան հասան: Նրանց քաղաքական կեանքը կործանուած էր, բայց ցեղակցական կապերը պահպանուեցին: Ազնւական և իշխանական տները պինդ պահեցին իրենց ներքին ինքնուրոյն կեանքը և կապուելով միմեանց հետ՝ կազմեցին եկեղեցական համայնքներ:

Օտարութեան մէջ շէր կարելի գոհեր կամ ողջակէզներ մատուցանել Աստծուն, և ոչ էլ տօները տօնել, բայց կարելի էր շարաթօրը սուրբ պահել, ոչ թէ գոհեր մատուցանելու, այլ միատեղ հաւաքուելու համար: Այսպիսով առաջացան գերութեան մէջ ժողովարաններ (սինագոգա), ուր գոհ շէր կարելի անել. սա մի հիմնական փոփոխութիւն էր հրէայ ժողովուրդի աստուածապաշտութեան մէջ: Հրէաները ժողովարաններում Աստուծոյ խօսքն էին լսում, ուր մասամբ զրի էր առնուած և մասամբ էլ բերանացի քարոզում էր: Բայց որովհետև հազիւ թէ ամեն մի ժողովարանի կամ սինագոգայի համար մի մի մարգարէ կարելի լինէր գտնել, որ Աստծու կենդանի խօսքը քարոզէր, այդ պատճառով կամաց կամաց սկսեց ս. զրքի ընթերցանութիւնը զլիսաւոր տեղ բռնել: Շարաթօրերի սուրբ պահելը ստացաւ կրկնակի նշանակութիւն. արտաքուտ նա բաժանում էր հրէութիւնը հեթանո-

սութիւնից, իսկ ներքուստ կապում էր հրէաներին միմեանց հետ և զօրեղացնում էր հրէութեան մէջ նրա ազգային և կրօնական կողմերը: Նոյն ձևով թլպատութեանը տրուեց այս շրջանում ազգային կրօնական անհրաժեշտ սովորոյթի նշանակութիւնը: Տաճարի կործանումից յետոյ անպաշտօն մնացած քահանայութիւնը գերութեան մէջ նորից իւր պաշտօնի մէջ մտաւ՝ սովորեցնելու ժողովրդին, թէ ինչն է սուրբ և ինչը ոչ սուրբ:

Ազգային ինքնապահպանութեան այս զօրեղ բնազդին օգնութեան էր դալիս այն յոյսը, թէ շուտով Աստուած պիտի վերադարձնի իրենց հայրենիք: Այս յոյսը բորբոք էր 597 թուականին տարուած գերիների մէջ, քանի որ Երուսաղէմը զեռ բոլորովին չէր կործանուել: Ի դժուր էր աշխատում Յեբոնիա թագաւորի հետ գերի գնացող Եզեկիէլ մարգարէն, որն իւր մարգարէական կոչումն ստացել էր 592 թուին, իւր նոր բնակավայր թէլ-արիբում՝ համոզել ժողովրդին, որ Երուսաղէմը հիմնայատակ պիտի կործանուի (Տես. Եզեկիէլ 2. է. Ը. 91.): 586 թուից յետոյ, երբ այդ քաղաքը բոլորովին կործանուեց, նոր սկսեցին ուշք դարձնել Եզեկիէլի քարոզութեան վրայ: Շարունակ սրա մօտ են հաւաքուում հրէայ ձերերն ու իմաս-

տունները, և նա նրանց խրատներ է տալիս և ապագայի յոյսերով ոգևորում: Միօնի և տաճարի կործանումը. գաղթականների վրայ թողեց յուսահատեցնող տպաւորութիւն: Թէ ինչ տրամադրութիւն էր իշխում յուսահատ ժողովուրդի մէջ՝ երևում է Երեմիային վերագրուած ողբերից աւերակ Միօնի վրայ և ՃԶ. սաղմոսից, ուր ասած է. «բարելացոց զետի մօտ նստած լաց ենք լինում, երբ Միօնն ենք յիշում: Մեր կիթառները կախում ենք նրանց ուռենիներից. մեզ գերոյնները ստիպում են մեզ և ասում, երգեցէք մեզ Ենօվայի օրհնութեան երգերից, բայց ի՞նչպէս պիտի կարողանանք օտարութեան մէջը Տիրոջ օրհներգը երգել»...

Այս խուլ յուսահատութիւնից զարձեալ մարգարէութիւնն էր, որ պիտի փրկէր ժողովրդին: Գերութիւնից և Միօնի վերջնական կործանումից յետոյ մարգարէութիւնն ուրիշ ուղղութիւն բռնեց: Մինչև կործանումը ժողովուրդն էր հաւատամ իւր պետութեան յաւիտենական գոյութեանը, իսկ մարգարէներն անհրաժեշտ էին համարում նորա շուտափայթ կործանումը. գերութիւնից յետոյ ժողովուրդը յուսահատութեան մէջ է ընկնում, իսկ մարգարէները մէկ միւսի յետևից վերարժարծում են նրա մէջ գեղեցիկ և փառաւոր ապագայի վառ յոյսերը: Ա-

ուաջուայ սպառնալիքների փոխարէն մարգարէ-
ների բերանից լսուում են խոստումներ՝ Մե-
սիայի գալստեան մասին:

Առաջինը Եզեկիէլն է գուշակում, որ քաղ-
ղէացիներինց ոտնահարուած, գիականացած ժո-
ղովուրդն Աստու շնչով պիտի վերակենդա-
նանայ. նա յետ պիտի դառնայ սուրբ երկիրը և
Գաւթի ցեղինց առաջ եկող մի թագաւորի գա-
ւազանի հովանու ներքոյ միանայ, մի հօտ և
մի հովիւ դառնայ (Եզ. ԼԲ.): Պաղեստինի շրջա-
կայ բոլոր ժողովուրդները պիտի պատժուեն, մի-
այն իսրայէլացիք փառաւորուեն ապագայում:
Իսրայէլի Աստուածն իւր անուան, իւր պատուի
համար շի թողնի Սիօնն ու Պաղեստինն աւեր և
Իսրայէլը գերութեան մէջ: Աստուածարանական
այս գաղափարներով տողարուած՝ Եզեկիէլը գու-
շակութիւններ է անում ապագայի մասին, ո-
րոնք ոչ թէ եղած պատմական փաստերից եզ-
րակացութիւններ են, ինչպէս էին գերութիւ-
նից առաջ ապրած մարգարէների գուշակութիւն-
ները, այլ հեռաւոր ապագայում իրականանալիք
երազներ: Այսպէս ԼԸ. գլխում Եզեկիէլը նկարա-
գրում է, թէ ինչպէս Գոգ և Մագովգ կոչուած
մի հիւսիսային վայրենի ժողովուրդ մնացած հե-
թանոս աշխարհի հետ գրոհ պիտի տայ Սիօնի
վրայ. բայց դա արդէն վերջինը կլինի: Սիօնի

Աստուածը բնական արհաւիրքներով անձրևի հեղեղներով, քարէ կարկուտներով, կրակով ու ծծումբով կոշնչացնի նրանց. այն ժամանակ բոլորը կիմանան, թէ ով է միակ, սուրբ Աստուած:

Այս բոլորի միակ պայմանը եզեկիէլը համարում է այն, որ իւրաքանչիւր հրէայ առանձին առանձին արդար լինի, որպէսզի ամբողջ հրէութիւնը վերածնուի (Տես. ԺԸ.): Յուսանատ ժողովուրդը յաճախ ասում էր. մեր մեղքերը ծանրանում են մեր վրայ և մենք փտում ենք նրանց մէջ, ինչպէս կարող ենք առողջանալ, այն ինչ Աստուած եզեկիէլի բերանով ասում է. յիրաւի, ես շեմ կամենում մեղաւորի մահը, այլ որ նա դառնայ եւ ապրի. դարձէք, դարձէք, ինչու էք ուզում մեռնել: Իսկ այսպէս զղջացած և արդարացած անհատի և ժողովրդի համար Եհովան կործանուած Երուսաղէմի փոխարէն մի նոր Երուսաղէմ կըլինի, որը ոչ թէ մի աշխարհական պետութեան մայրաքաղաք կը դառնայ, այլ իւր մէջ կամփոփի մի սուրբ տաճար, որի մանրամասնութիւնները եզեկիէլը հոգու աչքերով տեսնում և նկարագրում է, և որի հետ կապուած կլինի մի սրբազան եկեղեցական պաշտօնէութիւն, իսկ սրա մէջ կենդրոնացած կլինի ճշմարիտ աստուածապաշտութիւն և ծիսապաշտութիւն: Այստեղ քաղաքական կեանքը

մտացուում է. գլխաւորն այն է, որ ծիսապաշտութիւնն իւր իսկական տեղում, նախորոշուած ձևով և որոշ մարդկանց ձեռով կատարուի: Այն քահանաները, որոնք երուսաղէմից դուրս զոհում են, իբրև պատիժ պիտի զրկուեն իրենց քահանայական կոչումից և ենթարկուեն Սաղովկի ցեղի քահանաներին. նրանք պիտի վարձատրուեն աստուածապաշտութիւնը՝ միայն երուսաղէմի տաճարում կատարած լինելուն համար:

Արդէն տեսանք, որ վաղ ժամանակուանից Սիօնի սարը գլխաւոր սրբավայրերից մէկն էր համարուում: Սամարիայի կործանումը և երուսաղէմի անսպասելի փրկութիւնը Սենեքերիմի ժամանակը՝ էլ աւելի բարձրացրին երուսաղէմի տաճարի նշանակութիւնը, այնպէս որ 621 թուին՝ Ովսէ թագաւորի բարենորոգութեան շնորհիւ երուսաղէմը համարուեց միակ սրբավայր: Հրէաստանի քաղաքական կեանքի կատարեալ անկումը և օտարների տիրապետութիւնը, որը միայն աստուածապաշտութեանն ազատութիւն էր տալիս, նպաստեցին այն բանին՝ որ հրէութիւնը մի եկեղեցական համայնք դառնայ և կազմակերպուելով կապուի Սիօնի հետ: Ահա այս էլ էր եղեկիէլի մարգարէական գործունէութեան նպատակը:

Մինչև նաբուզոդոնոսի մահը, որն ուժեղ և

իմաստուն կերպով կառավարեց երկիրը, հրէաները յոյս չէին կարող ունենալ հայրենիք վերադառնալու. բայց 562-ից յետոյ Բաբելոնի պետութիւնն սկսեց ընկնել: Նրա յաջորդը Էվիլմարգոսը 2 տարուց յետոյ զահագուրկ եղաւ իւր փեսի ձեռքով, որը 4 տարի կառավարելուց յետոյ թողեց մի անշափահաս յաջորդ, որին դաւադրութեամբ սպանեց Նաբօնէտ անունով մի իշխան և նորա գահը բարձրացաւ 556-ին: Սրա օրով մարաց Աժգահակ թագաւորը յաղթուեց իւր վասալ պարսից Կիւրոս թագաւորից և գերի բռնուեց 550-ին, այնպէս որ մարերի փոխարէն առաջաւոր Ասիայում մի մեծ պետութիւն կազմեցին պարսիկները Կիւրոսի առաջնորդութեամբ: Լիւտիայի Կրէսոս թագաւորը երկիւղ կրելով պարսիկներից՝ զաշն կապեց Եգիպտոսի Ամազիս փարաւոնի և Սպարտայի հետ. այս զաշնակիցներին միացաւ նաև Նաբօնէտը 547-ին: Բայց Կրէսոսը, առանց իւր զաշնակիցների աջակցութեանն սպասելու՝ պատերազմ սկսեց պարսից զէմ: Կիւրոսը յաղթեց Կրէսոսին Ալիւս գետի ափին. տիրեց նրա մայրաքաղաք Սարդիկային և Կրէսոսին էլ գերի բռնեց՝ տէր դառնալով նրա անբաւ գանձերին: Այս յաղթութեամբ պարսից պետութիւնն իւր սահմանները տարածեց մինչև Եգէական ծովը 546-ին:

Ամենքի համար պարզ էր, որ կարգն եկել է Բարեկոնին, որ Կիւրոսի և Նարօնէտի ընդհարումն անխուսափելի է: Հրէայ ժողովուրդը, որն արդէն մօտ 50 տարի կրում էր բարեկացոց լուծը, հաշտուել էր իւր զրութեան հետ և Բարեկոնի անկումից առանձին օգուտ չէր սպասում: միակ բանը, որը նրանց մխիթարել կարող էր, այդ այն կլինէր, որ իրենց միջից մի հերոս դուրս գար, բոլոր հեթանոսների լուծը խորտակէր և Դաւթի թագաւորութիւնը Սիօնում վերանորոգէր: Ոչ ոք չէր մտածի՝ թէ պարսիկներն և Կիւրոսը Սիօնը պիտի վերականգնեն:

Ժողովրդական այս ընդհանուր վհատութեան դէմ է դուրս գալիս մի ուրիշ մարգարէ որի գրուածները սխալմամբ կցուած են Եսայու մարգարէութեան: Այս ժամանակում գործող մարգարէին են պատկանում Եսայու մարգարէութեան Խ.—ԿԶ. գլուխները: Այս շրջանի արդիւնք են նաև Եսայու ԺԱ. 11 — ԺԲ. 6. ԺԳ. 1 — ԺԴ. 23. ԻԴ.—ԻԷ. 1Բ. 1Գ. 1Ե. գլուխները:

Մխիթարեցէք, մխիթարեցէք իմ ժողովրդին, կանչում է այս Եսային. ասէք, որ նրա մեղքերը թողնուած են: Անապատում մի ձայն է նշում, թէ պատրաստեցէ՛ք Տիրոջ նանապարհը, թող ըլլաները խոնարհուն, ձորերը լեցուն, որովհետև Իսրայէլի Աստուածն իւր ժողովրդին

գերութիւնից ազատած բերում է: Մարդը խոս է, եւ նրա փառքը ծաղկի է նման, թառամում է խոտը, թօթափում է ծաղիկը մ'ի ակնթարթում, միայն Աստու խօսքն է, որ մնում է յաւիտեան»: Ո՛վ աւետարեք, բարձրացի՛ր Սիօնի վրայ կանչի՛ր, որ Իսրայէլի ամենակալ Աստուածը ժողովրդին իւր առաջն արած՝ բերում է այնպէս խնամքով, ինչպէս հովիւը իւր հօտը: Ո՛վ կարող է չափել նրա իմաստութիւնը և բացատրել տիեզերքի ստեղծագործութեան գաղափարը. Ո՛ւմ հետ կարելի է համեմատել նրան. ի՞նչ արժէք ունի նրա համար ողջակէզը. ոչ մի պատկեր կամ արձան չի կարող նրան ներկայացնել: Մարդիկ և ամբողջ աշխարհ նրա իշխանութեան տակ են, և այդ յաւիտեանական Աստուածը միակ մխիթարութիւնն է և ոյժը նրանց համար, որոնք իրենց յոյսը նրա վրայ են դրել:

Թող հաւաքուեն կղզիաբնակ յոյները և ժողովով որոշեն, թէ ո՞վ է զարթեցրել արևելքից արդարութեան պաշտպան Կիրոսին: Եհովան է բերել նրան, նա է կանչել և շնորհել նրան յաղթութիւն. նրա առաջ թագաւորներն են փախչում, պարիսպներ են խորտակուում, պղնձէ դռներն են բացուում և կրէսոսի ստորերկրեայ գանձերը նրա աւարն են դառնում: Աստուած է

օծել կիւրոսին, նա նրան բնտրել է, որպէսզի իւր ժողովրդի փրկութիւնը գլուխ բերի: Նա եհովայի կամքով պիտի պատժի և ոչնչացնի բարեկացիներին, իսկ հրէաներին պիտի վերադարձնի իւր երկիրը (ԽԱ. 1—20, ԽԳ. 1—24, ԽԵ. 1—25, ԽԸ. 1—22):

Բարեւոնի կործանումն անհրաժեշտ է. այդ բանը գլուխ պիտի բերի կիւրոսը: Բարեւոնի կուռքերն արդէն սարսափի մէջ են, նրանք շուտով պիտի ծանրութիւն դառնան բեռնակիրներին և գերի գնան: Փափկացած և քնքշացած Բարեւոնի աղջիկները փէշերը քշտած, ոտները մերկացրած գետեր պիտի անցնեն և օտարութեան մէջ գետնի վրայ նստեն, երկայնք ազան: (ԽԷ. 1—13.): Աստուած բարկացել էր Իսրայէլի վրայ, այդ պատճառով էր մատնել իւր ժողովրդին բարեւոցոց ձեռքը, բայց Բարեւոնը այդպէս չէր մտածում. կարծում էր թէ իր զօրութեան շնորհիւ է, որ այդքան երկիրներ է նուաճել: Նա կարծում է՝ թէ ինքն է, ուրիշ ոչ ոք չկայ: Նա իւր յոյսը դրել է իւր կախարհութիւնների և հմայութիւնների վրայ. չի իմանում թէ թշուառութիւնն ու կորուստն ինչպէս անսպասելի և յանկարծակի են դալու: Թող Բարեւոնի աստղագէտները երկնքի աստղերը դիտեն,

տեսնենք, կարող են գուշակել ապագան ու փրկուել փորձանքից:

Ոչ. Բարելոնը չի կարող փրկուել, այդ է Եհովայի կամքը: Նա երկար ժամանակ լռելուց յետոյ՝ պատրաստուում է նոր, չլսուած գործեր կատարելու: Նա պիտի կործանի Բարելոնը և Իսրայէլին ազատի, որն աւելի մեծ հրաշք է, քան Իսրայէլացիների ազատուելը եգիպտական ծառայութիւնից: Եթէ Իսրայէլի մեղքերը քաւուել են: եթէ այդ ժողովուրդը նորից պիտի վերակենդանանայ, այդ բանը նա պարտական է Եհովային և Նրա գթութեանը, որն այդ բոլորն անում է ցոյց տալու համար Իւր մի, յաւիտեանական լինելը հեթանոսական անմիտ աստուծութիւնների հանդէպ: Արդ առանց վարանելու «ելէք Բարելոնից, կանչում է մարգարէն, ուրախութեան ճիշ բարձրացրէք, պատմեցէք և լսելի արէք աշխարհի մի ծայրից մինչև միւսը, թէ Տէրփրկել է իւր ծառայ Յակոբին», եթէ անապատում չորութիւն լինի, նա լեռները կը պատռի, ժայռից ջուր կհանի, որ ժողովուրդը խմի և ապահով վերադառնալով իւր հայրենիքը՝ վերաշինի Երուսաղեմի աւերակները, որոնք դրախտ պիտի դառնան. ցնծութեան և ուրախութեան, օրհնութեան և գոհարանութեան ձայնը նրանից անպակաս պիտի լինի: *Չարթիւր, զարթիւր Երուսաղէմ*

Եւ զգեցիր քո նախկին զօրութիւնը, ասում է մար-
 գարէն, որ Տիրոջ ձեռքից՝ Նրա բարկութեան և
 զայրոյթի բաժակը մինչև յատակը քամեցիր,
 անմխիթար և անօգնական նստար և տառապանք-
 ներովդ զինովցար. այժմս զարթիր, վեր կաց,
 քո փառքը զգեցիր. Սիօնի զերի դուստր, վեր
 դիր քո պարանոցի լուծը, որովհետև երուսաղէ-
 մի աւերակներն ու Պաղեստինի լեռները ցնծու-
 թեան ձայն են բարձրացրել. աշխարհի բոլոր ծայ-
 րերն իմացան, որ Իսրայէլի Սուրբը փրկել է իւր
 ժողովրդին: (ԽԳ. 22 ԽԴ. 23 ԽԹ. 17 Ծ. 13
 ԾԱ. 14 ԾԲ. 13 և ԾԵ):

Այսպէս Իսրայէլի Աստուածն ամենակարող է,
 տիեզերքի արարիչը, առաջինը և վերջինը: Նա իւր
 ժողովրդին հողի է հաւասարեցրել նրա մեղքերի
 պատճառով, բայց հիմա ներելով և զթալով՝ բար-
 ձրացնում է նրան, նախ՝ որպէսզի Իւր անունն
 ու պատիւը փրկի, որ կապուած է այդ Իւր ընտ-
 րած ժողովրդի բախտի հետ, և յետոյ, որպէսզի
 այդ ժողովուրդը կարողանայ ազգերի պատմու-
 թեան մէջ իւր դերը խաղալ՝ հեթանոս ազգերի
 մէջ իւր գոյութեան նպատակին ծառայել: Չէ
 որ Եհովան միայն Իսրայէլին էր յայանուել, որն
 այդպիսով տէր էր զարձել մի կրօնի, որը բա-
 ցարձակ արդարութիւն ու ճշմարտութիւն է:
 Այս գիտակցութեամբ լի Իսրայէլի ժողովուրդը

մի մեծ պարտք ունի կատարելու, որով ծառայած կլինի իւր գոյութեան նպատակին. դա հեթանոս աշխարհին ճշմարիտ կրօնի քարոզիչ լինելն է: Ենովան որոշել է, որ իւր ծառան՝ Յակորբ կամ Իսրայէլի ժողովուրդը տիեզերական ճշմարիտ կրօնի առաքեալը դառնայ և այսպիսով աշխարհին յաղթի, ոչ թէ սրով, այլ Աստու խօսքով: «Նա հեթանոսներին իրաւունք պիտի սուրբացնի առանց աղաղակելու և վիճելու: Նա արդէն իսկ ջախջախուած եղէզը չի կտորի և առկայծող պատրոյգը չի մ'արի, այնքան անմեղ պիտի լինի. այնուամենայնիւ իրաւունք և արդարութիւն պիտի հաստատի այս երկրի վրայ հեթանոսներն ակնկառոյց նրան են սպասում: Ենովայի ծառան է Իսրայէլը և այդ նրան սատիւ պիտի բերի, որովհետեւ Նա նրան փրկել է, որպէսզի նրա միջոցով հեթանոսների հետ էլ ուխտ դնի և նրանց էլ լուսաւորի: Տէրը նրա լեզուին խրատելու ոյժ պիտի տայ և ուղարկի քարոզելու, առանց բարկանալու նա իւր մէջքը հարուածների դէմ կանի և ծնօտը՝ ապտակի, որովհետեւ գիտէ որ Տէրը այնուամենայնիւ չի ամաչեցնելու իրեն, այլ իւր նպատակին կհասցնի: Անշուր կլինի նրա տեսիլը և անխառունակ, բայց բոլորը պիտի զարմանան, թէ նա ո՞րտեղից բուսաւ: Ոչ որ չի հաւատայ սկզբում, որ այդ շորացած ոտը,

նիհար մանուկը, այդ անարգուած եւ նուազած
 դէմքը մի մեծ կոշման պիտի ծառայի: Ոչ ոք չի
 հաւատայ, որ նա, այսինքն Իսրայէլի ժողովուրդը,
 ծեծուած, իւր ցաւերին համբերատար, մեզ համար
 է շարչարուում, մեր՝ այսինքն ընդհանուր մարդ-
 կութեան մեղքերը քաւելու համար: Մենք կար-
 ծում էինք, որ նրան Աստուած է հարուածում,
 շարչարում, տանջում, այն ինչ նա մեր մեղքերի և
 անօրէնութիւնների համար է պատժուում: Նորա
 վէրքերով մենք՝ մոլորուած ոչխարներս, պիտի
 բժշկուենք: Նա վշտից իւր քերամը քաց անել չի
 կարողանում, ոչխարի նման սպանդանոց է տա-
 րուում եւ անմտնջ կանգնում է իւր սպանողի
 առաջ: Որովհետեւ հեզ է, խոնարհ ծագում ունի,
 այդ պատճառով ոչ ոք չի ուզում նրա դատը
 պաշտպանել. այն ինչ բոլորովին անմեղ է նա և
 բարի, բայց և այնպէս անօրէն է համարուում,
 մահուամբ պատժուում և անօրէնների հետ թա-
 դուում: «Այս բոլորի նպատակն այն է, որ Եհովայի
 արդար ծառան ճշմարիտ աստուածածանօթու-
 թիւնն ու արդարութիւնը տարածի երկրի վրայ: Նա
 պիտի հաւատի մարտիրոս դառնայ և իւր ա-
 րիւնով ճշմարտութեանը պիտի յաղթել տայ
 (ԽՖ. 1—9, ԽԹ. 4—13, Ծ. 4—11, ԾԲ. 13,
 ԾԳ. 12)

Այսպէս ուրեմն այս մարգարէի կարծիքով

Իսրայէլը իբրև քաղաքական կեանքով ապրող ազգ՝ մեռնում է բարեկրօնեան զերութեան մէջ, բայց հանդէս է գալիս նոր ոյժով՝ ճշմարիտ կրօնի քարոզիչ, առաքեալ, մարտիրոս և վկայ դառնալու: Եւ հրէայ ժողովուրդը յանձին Յիսուս Քրիստոսի իւր այս մեծ պարտքը պատուով կատարեց:

ՃԵ. ԳԼՈՒԽ

Հրէութեան վերանորոգութիւնը պարսկական տիրապետութեան ներքոյ 539 — 330.

Սարգէսի անկումից յետոյ՝ 538-ին պարսիկները կիւրոսի զօրավար Կոբրիասի առաջնորդութեամբ յաղթեցին Նաբօնէտին և առան Բաբելոնը: Մի քանի ժամանակ յետոյ՝ այստեղ եկաւ նաև կիւրոսը՝ պետութեան գործերը կարգի դնելու: Այս միջոցին էլ նա թոյլ տուաւ հրէաներին հայրենիք դերագառնալու: Բայց բոլոր հրէաները չօգտուեցին այս իրաւունքից, որովհետև շատերն այնպէս էին բնակալել Բաբելոնում, որ դժուար էր նրանց համար ամենինչ սայլերի կամ բեռնակիրների վրայ բարձած՝ տանել Պաղեստին: Յատկապէս հարուստ հրէաներից շատերը մնացին Բաբելոնում: Այս քաղաքը սրանից յետոյ դարձաւ հրէութեան երկրորդ

հայրենիք, որը չկորցնելով իւր կրօնն ու ազգութիւնը՝ օգնում էր վերագարձողներին:

Կիւրոսի առաջին տեղապահը լինում է Պաղեստինում Շէշրազար անունով մէկը, իսկ նորան իբրև օգնական տրուում է Զօրաբարէլը՝ Դաւթի ցեղից: Պաղեստինի դրութիւնն այս տարում այնքան էլ մխիթարական չէր: Հիւսիսային մասում ապրում էին այսպէս կոչուած Սամաբացիք, որոնք կէս հրէայ, կէս ասորի, մի խառնուրդ ժողովուրդ էին. նրանց կրօնն էլ կէս հրէական, կէս հեթանոսական էր: Արևմուտքում ապրում էին Աստօտի փղշտացիները, որոնք գէպի արևելք էին տարածուել, իսկ արևելքում ամմոնացիներն էին հաստատուել: Բայց հրէաներից ամենից աւելի ատուած ժողովուրդ էին եղովմացիները, որոնք օգտուելով հրէաների դժբախտութիւնից՝ նրա հարաւային գաւառներն իրանց էին ենթարկել: Այս բազմաթիւ ժողովրդների մէջ կային հնուց մնացած հրէաներ, որոնք ոչ միայն ոյժ չունէին հեթանոսներին դիմադրելու, այլ նոյնիսկ արդէն ենթարկուել էին նրանց ազդեցութեանը, այնպէս որ այդ երկրում իշխող լեզուն դարձել էր արամայերէնը: Վերագարձող հրէաները բնակուեցին երուսաղէմի մէջը և շուրջը, և անմիջապէս շտապեցին Սիօնի վրայ մի սեղան շինել: Հրէաների դժբախ-

տութիւնից Պաղեստինի եղանակները այդ տարի երաշտ էին, որով և հունձքը շատ վատ արդիւնք տուեց. և առհասարակ հանդէս եկան բազմաթիւ արգելքներ: Օրինակ՝ ճանապարհների անապահովութեան պատճառով չէր կարելի վաճառականութեամբ պարապել, որին սովբել էին նրանք Բարելոնում: Պարսիկները բնաւ հոգս չէին քաշում երկրի վրայ, բայց հարկերն ամենայն ճշտութեամբ վերցնում էին: Տխուր և ճնշուած տրամադրութեամբ հրէայ ազգաբնակչութիւնն իրեն հարց էր տալիս. մի՞թէ այս էր մեր սպասած այդքան ցանկալի փրկութիւնը:

Գարեհի թագաւորութեան երկրորդ տարին (520) դրութիւնը մի քիչ դէպի լաւն է փոխուում: Միաժամանակը հանդէս են դալիս երկումարգարէներ՝ Անգէ և Զաքարիա, որոնք պահանջում են՝ իսկոյն տաճարի շինութեան ձեռնարկել: Անգէն դիմում է ժողովրդին և նրա մեծամեծներին, յատկապէս Զօրարարէլին և Յեսուբահանայապետին, որը Սաղոմիկի ցեղիցն էր, և ասում. ինչպէս է, որ դուք բնակում էք բարեշէն տներում և ուտում խմում էք, իսկ Տիրոջ տունը աւերակ էք թողել. այդ է պատճառը, որ Աստուած ձեր երկրին անձրև չի տալիս և ձեզ հարուածում է անպտղաբերութեամբ: Սկսեցէք տաճարը շինել և այն ժամանակ Տէրը

երկինքն ու երկիրը շարժման մէջ կզնի, ձեզ օրհնելու և մեծացնելու, ձեզ ոսկով և արծաթով լեցնելու: Նա կկործանի հեթանոսների թագաւորութիւնները և Զօրաբարէլին կբարձրացնի: Այս խոստումով վերջանում է Անգէլի իննամսեայ մարգարէական գործունէութիւնը, որի շարունակողը լինում է Զաքարիան: Սա աւետում է ժողովրդին, թէ Տէրը ողորմել է Երուսաղէմին, որը նորից պիտի ձոխութեամբ և աշխարհի բարութեամբ լեցուի, հրեղէն պարխսպներով պիտի պաշտպանուի, Աստուած ինքը նորից նրա մէջ պիտի բնակուի: Յետուն պիտի դառնայ նրա սուրբ քահանայապետը, իսկ Զօրաբարէլը պիտի Աստու հոգով զինուած տիրի աշխարհին:

516-ին Տիրոջ տաճարը գլուխ եկաւ, բայց մարգարէների տուած յոյսերը շիրականացան: Օտարի լուծը ճնշում էր նրանց ինչպէս առաջ: Միակ ուրախալին այն էր, որ Բաբելոնից ուրիշ հրէաներ էլ յետ դարձան և հաստատուեցին Երուսաղէմի շուրջը, այնպէս որ հրէութիւնը պահպանուեց ու ամբացաւ Երուսաղէմի և Երիքովի շրջաններում, որն այսուհետև Հրէաստան անունով է յայտնի դառնում: Երուսաղէմի տաճարն ստացաւ իւր բացառիկ նշանակութիւնն այնտեղ ժողովուած բազմաթիւ քահանաների

շնորհիւ: Հրէութեան այս աճող ազգեցութեան շնորհիւ շատ հեթանոսներ հրէական կրօն էին ընդունում: Սամարացիները, ամմոնոցիներն և ուրիշները բարեկամական յարաբերութեան մէջ մտան հրէաների հետ. խառն ամուսնութիւններ յաճախ էին տեղի ունենում, բայց հէնց այս հանգամանքն սկսեց վտանգ սպառնալ հրէական կրօնին, որովհետև օտարուհիներն անզգալի կերպով հրէական միաստուածեան կրօնին խառնում էին հեթանոսական կրօնի տարրեր:

Այս վտանգի դէմ հանդէս եկան մաքառողներ, որոնք հրէական համայնքի կրօնական սրբութիւնն ամեն բանից բարձր էին դասում: Այսպիսով կազմուեց հրէութեան մէջ երկու կուսակցութիւն, մէկը նախանձայոյզ բարեպաշտների, իսկ միւսը անտարբերների: Քահանաները թէպէտ մեծ մասով պատկանում էին առաջին կուսակցութեանը, բայց նրանց մէջ կային նաև անտարբերներ: Ահա սրանց պախարակելու և յանդիմանալու համար է գրուած Մաղաքիայի անունով մնացած մարգարէութիւնը, որից երեւում է, որ բարեպաշտների թիւը փոքր էր և նրանց տրամադրութիւնը ճշշուած. բայց մարգարէն մխիթարում, յոյս է տալիս, որ շուտով դատաստան պիտի լինի, համայնքի մէջ եղած դարմանը ցորենից պիտի գատուի: Անտարբերները

բոլորը պիտի ոչնչանան, բայց որպէսզի կոտորածը շատ մեծ չլինի, առաջ պիտի գայ մէկը, որը վերջին անգամ նախազգուշացնի նրանց:

Այդ մէկը եզրաս զպիլն էր, որը 458 թուին պարսից Արտաշէս Երկայնարագուկ թագաւորից (464—424) իրաւունք ստացաւ 1496 մարդով Բաբելոնից Պաղեստին վերադառնալու, որոնց միացան 38 զևտացիներ և 220 եկեղեցական ստորին պաշտօնեաներ: Եփրատի ափին՝ Անալա կոչուած տեղում խմբուեց այս զաղթողների մեծ կարաւանը. Եզրասի պատուէրի համաձայն ծումապահութեամբ խնդրեց Աստուծոց յաջողութիւն իրենց ղժուար ճանապարհորդութեան ժամանակը: 12 քահանաներ և 12 զևտացիներ տանում էին Բաբելոնի հարուստ հրէաներից տաճարին տուած նուէրները: Ապրիլին ճանապարհ են ընկնում. օգոստոսին հասնում են Երուսաղէմ և մատուցանում են շնորհակալութեան զահեր (Տ. եզր. Ը. զլ.):

Եզրասը տեսաւ, որ պարսից տեղապահը բռնակուում է Սամարիայում և առհասարակ այնտեղի ազնւականներն են զլիսաւոր դերը խաղում կառավարութեան մէջ, իսկ նրանք պատկանում էին անտարբերների կուսակցութեանը: Իւր հասնելուց 4 ամիս յետոյ՝ ղեկտեմբերին նա մի ժողով է գումարել տալիս Երուսաղէմում, որտեղ

ընդունել է տալիս այն միտքը, թէ խառն ամուսնութիւնները պղծում են Իսրայէլի սրբութիւնը, ուրեմն անհրաժեշտ է, որ հրէաներն այլ ևս օտարուհիների հետ չամուսնան, իսկ այն հրէաները, որոնք հեթանոս աղջիկների հետ են ամուսնացել, պարտաւորուում են արձակել իրենց կանանց. բայց այս վերջին որոշումը հեշտ չեղաւ իրականացնել, մանաւանդ որ շուտով քաղաքական միջնալորտը նորից խառնուեց:

Եգիպտոսում Մեկարուզոս անունով մի բրոնաւոր ապստամբեց պարսիկներից: Արտաշէս թագաւորը երկար ժամանակ ստիպուեց կռիւ մղել այս ապստամբութիւնն ընկճելու համար: Հրէաները կամենալով օգտուել պարսիկների այս նեղ գրութիւնից՝ սկսեցին երուսաղէմի շուրջը պարիսպ շինել, որով կարող էին աւելի հեշտ պաշտպանուել արտաքին ազդեցութիւններից: Բարեպաշտները շատ էին ցանկանում այս գործը գլուխ բերել (տ. սաղմ. Ծ. 20), բայց Սամարիայում նստող փոխարքան գործը չվերջացրած արգելեց: Պարիսպը մի քանի տեղից ճեղքել և դարպասներն էլ այրել տուեց:

Երկար շտեկեց այս տխրութիւնը. Արտաշէս՝ պարսից թագաւորի հրէայ մատուակը՝ Նեեմիան այս տխուր լուրերն ստանալով երուսաղէմից, խնդրեց իւր բարերար թագաւորից՝ իրաւունք

տալ՝ վերադառնալու և իւր հայրենի քաղաքը վերաշինելու: Թագաւորը յանձնարարական թրդթեր է գրում Եփրատից դէպի արևմուտքը գրանուած իւր պաշտօնեաներին, որ աջակցեն Նեեմիային իւր ձեռնարկութեան մէջը և անտառապահներին, որ փայտ մատակարարեն նորա շինութիւնների համար: Այսպէս մեծ իրաւունքներով լիազօրուած՝ նա եկաւ Երուսաղէմ 445-ին և սկսեց կարգադրութիւններ անել, առանց պարսից պաշտօնեաների կամ հրէայ ծերերի խորհուրդը հարցնելու: Իսկոյն ձեռնարկեց միահամառ ոյժով պարսպի շինութեանը. միայն երեք օտարազգի ազնւական ընտանիքներ, որոնք Երուսաղէմի հարուստ հրէաների՝ մինչև իսկ քահանայապետի հետ խնամիացել էին, շատ արգելքներ յարուցին: Աշխատում էին սամարացիներին զրգուել նրա դէմ. պատրաստուեցին մինչև իսկ զիշերային յարձակմամբ քանդել կիսաշէն պարիսպները, բայց այս բոլորն անցան ապարդիւն (Տ. Նեեմի Դ. 41.):

Մի ուրիշ հանգամանք, քիչ էր մնացել, խանգարէր իւր վաղճանին հասնելու մօտ գործը: Երուսաղէմի ազգաբնակչութեան մէջ կար խիստ մեծ դասակարգային տարբերութիւն: Ժողովրդի մի խոշոր տոկոսն աղքատ էր. մի քանի հարուստների ձեռքն էին անցել քաղաքացիների աղքատ

դասակարգի կայքը և գոյքը, մինչև իսկ շատերը դարձել էին նրանց ստրուկ իրենց պարտքի փոխարէն: Պարիսպների շինութիւնը խանգարում էր սրանց՝ աշխատանք անել և իրենց պարտքերը տալ: Նրանք բացարձակ մի աղմկալի ցոյց արին և գանգատուեցին Նեեմեային, որն իսկոյն այդ հարուստներին ժողովի կանչեց և ստիպեց, որ նրանք իրենց գրաւականներից և պարտքի տոկոսներից հրաժարուեն:

Երբ այս խնդիրն էլ կարգադրուեց, Նեեմիայի թշնամիները մտածեցին ուրիշ կերպ ոչնչացնել նրան: Նրանք կազմեցին մի դաւադրութիւն, որի համաձայն ուզում էին Նեեմիային խաբել և քաղաքից դուրս տանելով՝ սպանել: Երբ այս էլ չյաջողուեց, ուզեցին պարսպի տակը փորելով՝ քաղաքի մէջ խռովութիւն յարուցանելով կամ պարսից թագաւորի մօտ նրան իբրև ապստամբ յայտարարելով՝ նրա գործը կանգնեցնել: Բայց այս բոլորը չօգնեց. պարիսպները շինուեցին և նրանց վրայ պահապաններ կարգուեցին, որոնց հրամանատար դարձաւ Նեեմիայի եղբայրը՝ Անանիան: Քաղաքի ազգաբնակիւնը շատացնելու համար, նա պատուիրում է, որ շրջակայքից ամեն տաս հոգուց մէկը քաղաքը տեղափոխուի:

Այս բոլորը կարգադրելուց յետոյ, նա վե-

բաղաճնում է Շօշ իւր թագաւորի մօտ, բայց 12 տարի յետոյ 432-ին նորից է գալիս Պաղեստին, որովհետև Երուսաղէմում կարգերն աստուածահաճոյ լինելուց շատ հեռու էին: Շաբաթը սուրբ չէր պահուում, աւելի շուտ այդ օրերում Տիւրոսից գալիս էին մանրավաճառներ և քաղաքում տօնավաճառ էին սարքում: Սառն ամուսնութիւններին նոյնպէս վերջ չէր տրուած: Շաբաթ օրերի համար նա կարգադրում է, որ Երուսաղէմի դարպասներն ուրբաթ երեկոյեանից մինչև շաբաթ երեկոյ փակ պահեն, իսկ երկրորդի համար՝ նա թէ աղքատներին և թէ ազնւականներին երզուեցրեց, որ խառն ամուսնութիւններ չկատարեն: Յետոյ տաճարի տասանորդը կանոնաւորելու համար կազմեց մի յանձնաժողով, որը տուրքերը հաւաքէր և արդարութեամբ բաժանէր քահանաների և տաճարի այլ պաշտօնեաների վրայ: Աւտայիներին և տաճարի երգիչներին նա հաստատուն ոտճիկ կապեց, որ պէսզի նրանք ապահովուեն և այլևս ստիպուած չլինեն երկրագործութեամբ պարապելու: Առհասարակ տաճարի պաշտօնէութեան զբութիւնը կանոնաւորեց:

Այս բոլորից յետոյ՝ նա աշնան կողմը մի ժողով գումարեց Երուսաղէմում, որպէսզի նրա առաջ Եզրասը կարգայ Բարեկոնից իւր հետը բե-

րած Մովսէսի օրինաց զիրքը, ինչ որ անյապաղ կատարուում է: Գրքի ընթերցումը առաջ է բերում մեծ յուզում ժողովրդի մէջ. նոքա մեծ սուգ են անում, նրա համար որ մինչ այդ նրանք չեն պահել այդ օրէնքները: Բոլոր հոգևորական և աշխարհական աւագները՝ թուով 95 հոգի՝ երդմամբ և անէծքով պարտաւորուում են Եզրասի կարգացած օրինաց զրքի համաձայն վարուել: Այդ օրինաց զիրքը պատրաստուած էր Բաբելոնում գտնուող զիտուն քահանաների ձեռքով, որը և պաշտօնապէս ընդունուելով՝ միացաւ հրէից ս. գրքին (Տես. Նեեմի Ը. Թ.):

Այս նոր կարգացած օրէնսզիրքը, որն Աստուածաշնչի մէջ «Ղևտական» է կոչուում, մեծ ուշադրութիւն է դարձնում պաշտամունքի, ծէսերի և այլ կրօնական սովորութիւնների վրայ, որոնց կրողն ու ներկայացուցիչն է տաճարի պաշտօնէութիւնը՝ քահանայապետը:

Այսպէս կազմակերպուեց հրէութիւնը մովսիսական օրէնքի հիման վրայ Եզրասի և Նեեմիայի ջանքերով և փրկեց իւր ազգութիւնն ու կրօնը, որոնց գոյութեանը բաբելոնական գերութիւնը այնպէս մեծ հարուած էր հասցրել: Կրօնական եկեղեցական կարգերով զօրեղացած նա այնուհետև կարողացաւ զիմազրաւել բոլոր հարուածներին:

Այսպիսի մի հարուած էր ասորական այն ապստամբութիւնը, որը տեղի ունեցաւ Արտաշէս Օխոս պարսից թագաւորի ժամանակ, որին միացան շատ հրէաներ: Արտաշէսի զօրավար Բագոսը՝ ճնշեց այդ ապստամբութիւնը և շատ հրէաների գաղթեցրեց Վրկանաց աշխարհը: Աւելի ծանր էր այն երկպառակութիւնը, որն ընկաւ Երուսաղէմի և Սամարիայի մէջ: Վերջինս տեսնելով, որ Եզրասի և Նեեմիայի շնորհիւ Երուսաղէմն առաջ է գնում և ձգտում է իրեն իւր կարգերին ենթարկել, վերջնականապէս բաժանուեց նրանից: Սամարիայի մի ազնւական ընտանիք՝ Սանրալոտը Սիւքեմի մօտ Գերաղիմ սարի վրայ շինում է մի տաճար՝ և Երուսաղէմի օրինակով կարգում է մի պաշտօնէութիւն, որով կրօնապէս Սամարիան ընդմիշտ բաժանուում է բուն հրէութիւնից:

Չնայած այս աննպաստ հանգամանքներին՝ հրէութիւնը Երուսաղէմում և շրջակայքում գրնալով զօրեղանում էր: Շրջակայ ժողովուրդներն՝ ինչպէս և տիրապետող պարսիկներն սկսեցին Երուսաղէմի քահանայապետի վրայ նայել իբրև հրէութեան թէ՛ կրօնական և թէ՛ քաղաքական ներկայացուցչի վրայ: Նա ժամանակի ընթացքում դարձաւ էթնարխ-ազգապետ, որն իրաւունք ունէր ծիրանի և «աստղանիշ» կրե-

լու: Քահանայապետը նախագահում էր Երուսաղէմի ծերակոյտին, որը կազմուած էր այդ քաղաքի ազնւական դասակարգի ներկայացուցիչներէց: Մի անգամ որ քահանայապետը ծերակոյտում տեղ բռնեց, հասկանալի է, որ ժամանակի ընթացքում այդ քահանայապետի ընտանիքի անդամները, իբրև ազնւական քահանաներ, նոյնպէս պիտի դառնային անգամ այդ ժողովի: Այսպէս առաջ եկաւ ազնւական և ստորին դասակարգի քահանայութիւնը հինգերորդ դարի վերջում: Բարձր ազնւականութեան դասակարգին պատկանող քահանաները կոչուում էին Սաղովկի որդիներ. միջին տեղը բռնողները՝ Ահարոնի որդիներ էին անուանուում, իսկ ստորինները, որոնք ծագում էին հին դաւառական քահանայական տներէց, կոչուում էին դետացիներ: Տաճարում կային դեռ աւելի ստորին կարգի ծառայողներ, որոնք մասամբ նախնացիներ և մասամբ էլ երգիչներ էին անուանուում:

Տաճարի պաշտամունքի մէջ երաժշտութիւնը՝ թէ՛ երգեցողութիւնը և թէ՛ նուագածութիւնը՝ շատ կարևոր տեղ բռնեց: Առաջ երգում կամ նուագում էր ամբողջ համայնքը, իսկ յետոյ այդ բանը վերապահուեց երգեցիկ խմբին, այն ինչ համայնքը որոշ տեղերում «ամէն»

կամ «Ալէլուայ» երգելով՝ միանում էր նրան: Գլխաւորապէս երգում էին Սաղմոսներ, որոնք միայն ծիսական բովանդակութիւն չունէին, յաճախ անհատական սրտի գեղումներ էին, որոնց վրայ յետոյ եղանակ էին դնում և աստուածապաշտութեան յարմարեցնում. այս են ցոյց տալիս շատ սաղմոսների վերնագիրները:

Բայց Տաճարը միայն չէր կարող բաւականութիւն տալ նրէութեան հոգևոր պէտքերին, մանաւանդ դաւառի ժողովրդին: Այս պատճառով առաջ եկան նին դաւառական սրբավայրերի փոխարէն՝ ժողովարաններ, որոնք ծագումն էին առել Բաբելոնում: Պաղեստինի ժողովարանները նոյնպէս կրօնական մխիթարութեան յատկացուած հիմնարկութիւններ էին, առանց զօհերի և առհասարակ ծէսի: Շարաթ օրերը հաւաքուում էր այնտեղ ժողովուրդը. նրա համար կարգում էին դաւառի գիտունները և օրէնսդէտները, որոնք ընդհանուր անունով դպիր էին կոչուում, մովսիսական օրէնքից կամ մարգարէութիւնից որոշ կտորներ և բացատրում էին, ապա համայնքը մի ընդհանուր աղօթք էր երգում և դրանով վերջանում էր ժամապաշտութիւնը:

Բաբելոնեան գերութեան մէջ օրէնքի և մարգարէութեան ընթերցանութիւնն ու մեկնութիւնը վերապահուած էր քահանաներին, բայց

Պաղեստինում քահանայութիւնը խմբուեց տաճարի շուրջը, իսկ քահանաների դասակարգից ծագած այն մարդիկ, որոնք մնացին գաւառում և հետևաբար իրաւունք չունէին այն տեղերում ունէ ծեսի կամ արարողութեան մասնակցել տաճարից հեռու գտնուելու պատճառով, ստիպուեցին բաւականանալ ժողովարարներում օրէնքի և մարգարէութեան ընթերցանութեամբ և բացատրութեամբ, այդ պատճառով էլ կոչուեցին դրպիրներ: Գրանք իւր ժամանակի գրականագէտները, գիտուններն և ուսուցիչներն էին: Գերութիւնից առաջ իսրայէլացին կրօնը ոչ թէ գրքի վրայ էր սովորում, այլ բերանացի, կենդանի խօսքի կամ քարոզի միջոցով: Գերութիւնից յետոյ էր, որ հրէութիւնը սովորում էր իւր կրօնը նախկին մարգարէների գրուածքների վրայ: Այս շրջանում մարգարէութիւնը չէր կարող առաջ գնալ, որովհետև մարգարէն միշտ էլ եղել է Աստծուց և խղճից ինքնաբուղիս կերպով թելադրուած ազատ խօսքի ներկայացուցիչն ու քարոզիչը: Գերութիւնից յետոյ հաւաքուեցին Իսրայէլին տրուած օրէնքի և մարգարէութեան վերաբերեալ գրքերը, որոնց ընթերցանութիւնը և ուղիղ բացատրութիւնը հրէայ համայնչի համար անհրաժեշտ պահանջ դարձաւ: Հրէան այժմս կարող էր Աստծու օրէնքի և մարգարէական

պատգամների հետ ծանօթանալ, եթէ նա գրա-
ճանաչ լինէր: Այսպիսով կրօնական պահանջն
ստիպեց, որ իւրաքանչիւր հրէայ գրել, կարդալ
սովորի և ապա թէ կրօնը սովորի: Կրթութիւնն ու
բարեպաշտութիւնն անբաժան ընկերներ դարձան,
որոնք միացած էին յատկապէս դպիրի անձի մէջ:

Պարսից տիրապետութեան ներքոյ կամաց
կամաց հրէաների տնտեսական գրութիւնն էլ
բարւոքուեց: Նրանց զլիսաւոր զբաղմունքն էլի
երկրագործութիւնն էր. վաճառականութիւնը
այնքան չէր կարող զարգանալ, որովհետև պար-
սից պետութիւնը՝ մանաւանդ վերջին շրջանում
չէր կարող ճանապարհների ապահովութեան վրայ
հոգալ, այդ պատճառով աւագակութիւնն Ասորի-
քում խիստ զարգացել էր: Հրէայ երկրագործ ժո-
ղովուրդը Պաղեստինի արգաւանդ հողի վրայ շատ
արագ աճեց և բազմացաւ: Որդիաշատ ընտանիքը
պատիւ էր բերում ընտանիքի հօրն ու մօրը: Բա-
ցի դրանից հրէութիւնն աճում էր շատ օտա-
րազգիներ իւր մէջ ձուլելով. այնպէս որ սրանց
պատճառով աննկատելի կերպով ընտանիքներում
խօսակցական լեզուն դարձաւ արամերէնը. իսկ
երբայեցիրէնը դարձաւ գրոց լեզու՝ գրաբար:
Ժողովարաններում դպիրներն ստիպուեցին կար-
դալ ս. գիրքը երբայեցէրէն, յետոյ թարգմանել
և բացատրել այդ արամերէնով. ահա ս. գրքի

կէս թարգմանութիւնն ու կէս բացատրութիւնն է, որ յետագայում կոչուում է թարգում:

ԺԶ. ԳԼՈՒԽ

Հրէական բարեպաշտութիւնը

Եզրի և Նեեմի շնորհիւ, մովսիսական օրէնքի հիման վրայ, պարսկական շրջանում կազմակերպուեց, ինչպէս տեսանք, պաշտօնական հրէութիւնը: Հրէայ ժողովրդի եկեղեցական և քաղաքական կեանքի հիմքը կազմում էր օրէնքը. բայց օրէնքը միայն չի կարողանում լիակատար գաղափար տալ այդ ժամանակուայ հրէութեան բարեպաշտութեան մասին: Ընդհատ է, մարգարէութիւնը մեռել էր, բայց պակաս չէին հրէաների մէջ կրօնական զգացմունքով զեզուն անհատներ, որոնք կրօնական կեանքն ու զգացմունքն ուժեղ և ցնցող կերպով արտայայտէին կրօնական բանասակեցութիւնները՝ յատկապէս սաղմոսների մէջ:

Սաղմոսարանը պարունակում է 150 կրօնական երգեր կամ սաղմոսներ, որոնք բաժանուում են հինգ մասի: Նրանք ծագել են զանազան ժամանակում, բայց գլխաւորաբար երգուել են այս շրջանում: Բովանդակութեանը նայելով՝ նրանք կամ փառարանական և շնորհակալական

երգեր կամ ողբեր կամ պարզ աղօթքներ են
 և կամ խրատական հատուածներ: Սաղմոսեր-
 գուն յայտնում է մեզ, թէ ինչպէս նա իւր
 սիրտը բաց անելով Աստծու առաջ՝ նրա հետ
 խօսում կամ աղօթում է, որից մենք ի-
 մանում ենք, թէ այն ժամանակուայ հրէան ի՞նչ
 ցաւերով է տառապել և ի՞նչ յոյսերով ոգևոր-
 ուել: Որովհետև մարդկային սիրտը մի նաւի է
 նման ալեկոծուած ծովի վրայ. կատաղի մրրիկ-
 ներն աշխարհի շորս անկիւնից նրան հանգիստ
 չեն տալիս: Ապագայում գալիք դժբախտութեան
 հոգան ու երկիւղը մի կողմից, ցաւն ու կսկի-
 ծը ներկայ չարիքի հանդէպ միւս կողմից, յոյսն
 ու հպարտութիւնը գալիք երջանկութեան պատ-
 ճառով՝ երրորդ կողմից և վերջապէս վստահու-
 թիւնն ու հրճուանք ներկայ բարիքների հանդէպ՝
 չորրորդ կողմից, ահա սրանք են, որանցից սախ-
 ուած մարդկային սիրտն շտապում է մի նաւա-
 հանգիստ գտնել, հաւատի հաստատուն խարիս-
 խը ձգել և անսպասելի փրկութեան վրայ ու-
 բախացած՝ երգել Աստծուն «մենք կրակից եւ ջը-
 րից անցանք եւ դու մ'եզ բերիր հանգստանալու»:
 Հրէի դէպի իւր Աստուածն ունեցած վստահու-
 թեան լաւագոյն արտայայտութիւնն է տալիս
 ԽԵ. սաղմ. «Աստուած մեր ապաւէնն է և զօրու-
 թիւնը, երգում է սաղմոսերգուն, հաւատարիմ օգ-

նական նեղութեան մէջ. այդ պատճառով չենք
 վախենում մենք, եթէ երկիրը խռովուի և լեռ-
 ները սասանեն և ծովը թափուեն: Թող մռնչեն,
 փրփրեն այիքներն՝ ինչքան կուզեն, թող լեռները
 նրա մռնչիւնից դողդողան, զօրութեանց տէրը
 մեզ հետ է, Յակովբի Աստուածը մեր ամ-
 րոցն է: Բարձրեալը մի գետ է, որի ջրե-
 րն Աստուծ քաղաքն են ուրախացնում: Աս-
 տուած նրա մէջն է, դրա համար չի սասանի:
 Աստուած կօզնի նրան, երբ արշալոյսն է բացուում:
 Ժողովուրդները խռովուում են, պետութիւնները
 սասանում. ծայթում է որոտը. երկիրն է դողում,
 բայց Զօրութեանց Եհովան մեզ հետ է, Յակոբի Աս-
 տուածը մեր ամրոցն է: Եկէ՛ք եւ տեսէ՛ք Եհովայի
 գործերը. ի՞նչ հրաշքներ է կատարում երկրի վրայ.
 Երկրի ըողոր ծայրերից պատերազմին վերջ է տալիս.
 աղեղները ջարդում, նետերը փչում. կառքերը
 կրակով է այրում: Ետապեցէք եւ տեսէ՛ք, որ
 ես Աստուած եմ. յաղթանակում եմ՝ ազգերի վը-
 րայ. տիեզերքի վրայ եմ յաղթանակում: Զօրու-
 թեանց Եհովան մեզ հետ է. Յակոբի Աստուածը
 մեր ամրոցն է:

Բայց ամեն ժամանակ սաղմոսների մէջ
 այսպիսի վեհ, հիասքանչ տրամադրութիւն չի
 տիրում. թէպէտ Սիօնը վերաշինուած էր, բայց
 օտարի լուծը ճնշող էր: Մեսիական փրկութեան

գուշակութիւնը, որի իրականանալուն հրէշները
 լարուած սպասում էին, ուշանում էր, գլուխ
 չէր գալիս: Ենովայի պաշտամունքի վերանորո-
 գութիւնը և օրէնքի ուսումնասիրութիւնն ու
 պահպանումը համարուում էին նախապատ-
 րաստութիւն Մեսիայի գալուն: Անընդհատ խընդ-
 րում էր հրէան, որ շատ մօտիկ ապագայում նա
 գայ. բայց իրականութիւնը չէր համապատաս-
 խանում այն յոյսերին: Այդ ակնկալութիւնների
 աղբիւրը նախկին մարգարէներն էին և
 ոչ թէ պատմական և ժամանակակից դէպքերի
 հետևութիւններ. միայն երբ սարսափ ազդող
 երևոյթներ էին տեղի ունենում բնութեան կամ
 մարդկային հասարակութեան մէջ, ինչպէս օրի-
 նակ պատերազմ, արևի կամ լուսնի խաւարու-
 մը, հրէան ենթադրում էր, որ դրանք մօ-
 տեցող փրկութեան ազդանշաններն էին. բայց
 երբ այնուամենայնիւ սպասուող փրկութիւնը
 չէր գալիս, հրէան այդ բանը բացատրում էր
 իւր մեղքերից: Արջերի պէս մում՝ ում՝ ենք, ա-
 դանիների պէս մնջում անհամբերութեամբ եւ
 կարօտով սպասելով, բայց մեր շարիքները բա-
 ցատրում են ուշանալու պատճառը. ասում է մի
 սաղմոս: Գերութիւնը, ինչպէս երևում է, դեռ
 բաւական չէր, պէտք է խորայելի մնացորդը մի
 անգամ էլ ջոկջկատուի: Բարեպաշտ հրէաներն

սպասում էին մի մեծ դատաստանի. գլխաւոր դատուողները պիտի լինէին հեթանոսները, որովնրբանց իշխանութիւնը պիտի ոչնչանար: Նրանք վերջին անգամ պիտի հաւաքուեն Երուսաղէմի վրայ, բայց պիտի խորտակուեն (Տ. Եզ. ԼԸ. ԼԹ. Յովէլ Դ. Զաքարիա ԺԲ. ԺԴ. Միքա Դ. 5—7. Սոփոնիա Գ. Ամբակում Գ.): Նրանք բոլորը պիտի հպատակուեն Եհովային: Հրէի իդէալն էր, իրենց կորցրած քաղաքական իշխանութիւնը, Դաւթի թագաւորութիւնը վերականգնել, որպէսզի Իսրայէլի ժողովուրդը տիրապետող լինի, իսկ մի Մեսիա՝ միապետ: Այսպէս ՀԹ. Սաղմ. ասում է. Զօրութեանց Աստուած, մինչև ե՞րբ մեզ վրայ բարկանաս. դու կերցրիր մեզ արտասուքով շաղխուած հաց եւ խմեցրիր դառն արցունք. մեզ մեր թշնամիների ծաղրի առարկան դարձրիր... դարձիր նայիր քո այգուն և դարման տար. թող քո ձեռքը լինի այն Մարդու որդու վրայ, որին դու սնուցանում ես զօրութեամբ: Զօրութիւնների տէր Եհովա, նորազիր մեզ, ցոյց տուր մեզ Քո երեսը, որպէսզի փրկուենք: ԶԸ. ԸԴ. ԸԼԱ. սաղմոսները Մեսիայի գալստեան յոյսն են արտայայտում: Նման բովանդակութիւն ունի ԸԹ. սաղմոսը, ուր օծեալ թագաւորը՝ Մեսիան, ամբողջ Իսրայէլի թագաւորը պիտի դառնայ. բայց նա հանդէս պիտի գայ է գալիս նաև իբրև քա-

հանայ: Նրա ապագայ Մեսիական փառաւոր թագաւորութեան մասին, որը Սիօնում պիտի հիմնուի, պատմում են ՁԶ. և մանաւանդ ՀԱ. սաղմոսները:

Նկատելի է՝ որ Մեսիայի գաղափարն Իսրայէլի մէջ շատ բարդ է: Նա համարուում է երբեմն թագաւոր՝ Դաւթի սերնդից, Աստծու շնորհքներով օժտուած, երբեմն քահանայ կամ քահանայապետ՝ օծուած Աստծուց, որը քաղաքական իշխանութիւն էլ պիտի ունենայ, երբեմն Իսրայէլի ժողովուրդն իւր ամբողջութեամբ հանդէս է գալիս իբրև ներկայումս անարդար կերպով շարշարուող և տանջուող Աստծու ծառայ՝ Մեսիան, որը յետոյ պիտի փառաւորուի և իւր կրած տանջանքների շնորհիւ՝ Աստծու թագաւորութիւնն այս երկրի վրայ հաստատի. բայց երբեմն էլ այդ թագաւորութիւնը հաստատողը լինում է ոչ թէ Մեսիան, այլ Աստուած Ինքը (Տ. ԱԲ.—ԱԸ. սաղմ.): Քրիստոնեան հաւատում է, որ Իսրայէլի ժողովրդի այս յոյսերն ու ակնկալութիւններն իրենց կատարուածը գտան Յիսուս-Քրիստոսի մէջ:

Բոլոր սաղմոսները միայն ապագայի յոյսերով չեն տողորուած: Բարեպաշտ հրէան միշտ էլ գտնուում էր իւր Աստծու հետ կենդանի յարաբերութեան մէջ. և Աստուծու և մարդու այս

յարարերութեան մասին երգում է Ը. սաղմոսը: Սաղմոսասացը հիացած տիեզերքի մեծավայելչութեան վրայ՝ միտք է անում, թէ՛ թէպէտ տիեզերքի մեծութեան առաջ մարդը փոքրիկ է և նուազ, այնուամենայնիւ Աստուած նրա վրայ ուշադրութիւն է դարձրել և նրան իւր արարչագործութեան վրայ իշխան է կարգել: Անշուշտ բարեպաշտ մարդու յարարերութիւնն Աստուծո հետը աւելի սիրտ պիտի լինի. բարեպաշտն իւր յոյսն Աստծու վրայ է դնում ինչպէս երջանկութեան նոյնպէս և ապերջանիկ ժամերին (Տ. Զ. Ժէ. ԻԲ. ԻԴ. ԻԵ. ԼԲ.):

Չնայած այն հանգամանքին, որ բարեպաշտը գտնուում է նեղութեան, հիւանդութեան կամ հալածանքի մէջ, բայց նա յոյս ունի, որ ամենակարող Աստուած իրեն օգնութեան կ'հասնի, կ'փրկի և ինչպէս հոգեկան նոյնպէս և ֆիզիքական անդորրութիւն կ'ապտճառի: Հրէան կարծում էր, որ դժբախտութիւնը մեղքի հետեանք է. այդ պատճառով բարեպաշտ հրէան հետախուզելով իւր ներքին աշխարհը և իրեն մեղաւոր գտնելով իւր Տէր Աստուծու առաջ՝ ապաշխարութեան սաղմոսներ է մրմնջում. (Տ. Ծ. ԼԱ. ԼԸ. ՃԱ. ՃԽ.) բայց երբեմն էլ վշտանալով և գայրանալով մեղաւորի անզգամութեան վրայ՝ անէծք է թափում նրա գլխին (Տ. է. ԼԴ. ԿԸ.

ձԸ.): Բարեբախտաբար անէժքով և տակու-
թեամբ լի սաղմոսները քիչ են, այն ինչ սաղ-
մոսների մէջ տիրապետող զգացմունքը շնորհա-
կալութիւնն է: Բարեպաշտ հրէան շնորհակալ
զգացմունքներով լի՝ օրհնում, փառաբանում է
իւր այն Աստծուն, որն ամենակարողութեամբ
և իմաստութեամբ ստեղծել և կառավարում է
տիեզերքը Տ. ՃԳ: Նա ամենագէտ է և ամենուրեք.
Նա քննում է մարդկանց հոգին, բայց ինքը մարդ-
կանցից չի բնութագրում: Յաւիտենական Աստուածը
մարդկան և բնութեան մէջ է հանգէս բերում
իւր փառահեղութիւնը, այդ պատճառով սաղ-
մոսացը հրաւիրում է փառաբանել Տիրոջը (Տ.
ԻԸ, ձԸ, ձԽԹ, ձՄ.):

Այս սաղմոսներում միաստուածութեան
գաղափարն իւր կատարեալ արտայայտութիւնն
է գտել: Այդ մի և յաւիտենական Աստուածը,
Որն իւր ամենակարողութեամբ և վեհութեամբ
տիեզերքի ոչ մի երևոյթի հետ չի համեմա-
տուում, այնուամենայնիւ մի վերացական գա-
ղափար չէ. Նա կարուած չէ բնութիւնից և մա-
նաւանդ մարդկանցից: Նա մշտապէս կառավա-
րում է տիեզերքը և տնօրինում նոյնիսկ ամեն
մի անհատի վիճակը: Նա քննում է մարդկանց
սրտերը. բարիներին վարձատրում, իսկ չարե-
րին պատժում: Բայց սաղմոսների շատ տեղե-

րից երևում է, որ հրէաների մէջ մարդիկ կան, որոնք կարծում են, թէ Աստուած մարդկանց բախտով չի հետաքրքրուում, կամ եթէ բարձրաձայն այդ չեն էլ ասում, բայց այդպէս վարուում են: Բարեպաշտ հրէի համար այդպիսի կարծիք ունենալը հաւասար է անհաւատութեան, անաստուածութեան: Եթէ Աստուած ոչ մի տարբերութիւն չի դնում բարի և չար մարդկանց մէջ, այն ժամանակ ի՞նչ հարկաւոր է բարեպաշտ լինել: Բարեպաշտ հրէան ցանկանում է վարձատրուել, ոչ միայն որպէսզի ինքը երջանիկ լինի, այլ նաև որպէսզի դրանով արդարութեան պաշտպան Աստու գոյութիւնն ապացուցուի: Պիտի դրանով ցոյց տրուի, թէ հնարաւոր է Աստուծոն մօտենալ, նրա հետ մօտիկ յարաբերութեան մէջ լինել և նրանից շնորհք խնդրել: Աստուած այս երկրի վրայ պիտի ցոյց տայ իւր ողորմածութիւնը բարեպաշտներին և իւր ցասումն անաստուածներին, որպէսզի իմացուի թէ բարեպաշտութիւնը մի օգուտ է բերում: Անդրգերեզմանական-յաւիտենական կեանքի մասին հրէան գաղափար չունէր. ապա թէ ոչ, նա կմխիթարուէր այն յոյսով, թէ՛ եթէ իւր բարեպաշտութիւնը ներկայումս չի վարձատրուում, ապա այդ տեղի կունենայ այն միւս կեանքում. բայց որովհետև հրէի հայեացքով ժողովուրդը և

ոչ թէ անհատը՝ յաւիտենական կեանքի յոյսեր
 կարող է ունենալ, այդ պատճառով անհատի
 սրտում ծագում են տանջող առեղծուածներ. նա
 տեսնում է, որ այս աշխարհի վրայ մարդու ներ-
 քին արժանիքի և նրա արտաքին բարեկեցութեան
 մէջ հակասութիւն կայ: Գայթակղուում է մարդը
 այն բանից, որ յաճախ ոճրագործը բարեկեցու-
 թեան մէջ ճոխանում է, իսկ արդարը տանջուում
 է, մինչև իսկ երբեմն ծանր հիւանդութիւնից, կամ
 թշնամու սրից մեռնում է, որը հաւասար էր
 անաստուածների մահով մեռնելուն: Այսպիսի
 դէպքերում Աստու նախախնամութիւնն ու ար-
 դարադատութիւնը կասկածի էր ենթարկուում.
 կրօնի և բարոյականութեան հիմքը խախտուում էր:
 ԼԶ. և ՀԲ. սաղմաներում շօշափուած այն հար-
 ցը, թէ ի՞նչպէս կարող է Աստու արդարադա-
 տութիւնը թոյլ տալ, որ արդարը տանջուի, յա-
 տակապէս Յովրի զրքի քննութեան նիւթն է դար-
 ձել: Այստեղ մէջ է բերուած Յովր անունով մի
 հարուստ մարդու պատմութիւնը, որը մի օրուայ
 մէջ Աստու ցանկութեամբ կորցնում է իւր
 ամբողջ կայքը, իւր որդիներին և ամբողջ ըն-
 տանիքը. բայց համբերատար Յովրը չի տրտըն-
 ջում Աստու դէմ, այլ մխիթարում ինքն իրեն
 ասելով՝ մ'օրս արգանդից մերկ եմ դուրս եկել,
 մերկ էլ պիտի դառնամ. Աստուած տուաւ եւ

Աստուած առաւ. թո՛ղ օրհնուած լինի նրա անու-
նը: Շուտով նրա վրայ գալիս են նոր գժրախ-
տութիւններ. նա բորոտութիւն է ստանում և
սարսափելի հիւանդութիւններով տանջուում.
մահը միայն կփրկէր նրան այդ տանջանքից,
այն էլ չէր գալիս: Յովրի կինը համբերութիւնը
կորցրած՝ խորհուրդ է տալիս իւր մարդուն՝ ձեռք
քաշել բարեպաշտութիւնից, որովհետև փորձը
ցոյց է տալիս, որ ճշմարիտ աստուածապաշտու-
թիւնից անգամ օգուտ չկայ: Համբերատար Յով-
րը այնուամենայնիւ հաստատուն է մնում իւր
հաւատի մէջ ասելով՝ բարիք կարող ենք ընդու-
նել Աստծուց, չարիքը ո՛չ: Երբ Յովրի երեք բա-
րեկամներն իմանում են նրա հետ պատահած
դժբախտութեան մասին, գալիս են նրա մօտ
նրան մխիթարելու. բայց տեսնելով նրա անհուն
վիշտը, ոչ մի մխիթարական խօսք չեն գտնում
նրան ասելու, այլ եօթն օր շարունակ նրա դի-
մաց լուռ նստում են: Յովրը նրանց լուռութեան
մէջ կարդում է իւր դատապարտութիւնը. այս-
ինքն, որ նրանց կարծիքով, ինքը մեղաւոր պի-
տի լինի, որովհետև Աստուած մի արդար մար-
դու այդպէս ծանր պատժել և դժբախտութեան
մէջ մահացնել չի կարող: Այս բանը Յովրը տա-
նել չկարողացաւ. իւր հարստութեան, իւր ե-
րախների և իւր առողջութեան կորուստը նա

տարել էր, բայց չկարողացաւ տանել, երբ մարդիկ նրա բարեպաշտութիւնն էին ուզում կասկածի ենթարկել: Եւ Յովբը սիրաբ կտրատող հառաջանքներով անիծում է իւր ծնունդը և բողոքում է Աստծուն, որ այսքան տանջելուց յետոյ՝ չի մահացնում իրան, որպէսզի գոնէ այս ձևով փրկուի: Աստծու արդարադատութեան դէմ Յովբի այս տրտունջը լսելուց յետոյ՝ բարեկամներն առաջ են գալիս և դրանցից իւրաքանչիւրը երեք անգամ խօսք է վերցնում նախ մեզմ, ապա հետզհետէ աւելի խիստ արտայայտութիւններով ապացուցանելու, որ Յովբն արժանի է եղել այն պատիժներին իւր ծածկուած մեղքերի պատճառով, որոնք այժմս հանդէս են գալիս այն յանդգնութեան մէջ, որով նա Աստծու դէմ տրտնջում է: Առաջ է գալիս մի չորրորդ բարեկամ՝ Էլիհու անունով, որն աշխատում է ցոյց տալ, որ Յովբը մեղանշել է նրանով, որ իւր վիճարանութեան ժամանակ իւր արդարութիւնն՝ ի փաստ Աստծու արդարութեանը՝ պաշտպանել է և իրեն արդար կարծելով՝ հարկաւոր խոնարհութիւնն Աստծուն ցոյց չի տուել: Յետոյ յայտնում է, որ Աստուած իմաստութեամբ պատժում է նաև արդարին, որպէսզի նրան ճանաչել տայ նրա ծածկուած մեղքերը, որից ազատ չէ ոչ մի մարդ: Ի վերջոյ նը-

կարագրում է Աստծու փառահեղութիւնը՝ Յովբին խոնարհամտութիւն ներշնչելու համար: Այդ միջոցին մի փոթորիկ է բարձրանում. բնութեան այս հիասքանչի երևոյթի միջից Աստուած ինքն է յայտնուում և խօսում է Յովբի հետ՝ հանդէս բերելով իւր փառահեղութիւնը, այնպէս որ Յովբը նրա առաջ զգում է իւր խեղճ անկարողութիւնը. զգում է, որ իւր Աստծու գէժ միճելը յիմարութիւն և անարդարութիւն էր: Այս գիտակցութիւնից յետոյ՝ Աստուած Յովբին նորից բարձրացնում է. յետ է դարձնում նրան նրա առողջութիւնը, հարստութիւնը և նա դառնում է մի մեծ բնասանիքի տէր. ապա թէ մեռնում է մի խաղաղ և փառաւոր ծերութեան մէջ: Այն հարցին, թէ ի՞նչու է արդարը տանջուում, Յովբի գրքի հեղինակը պատասխանում է. Աստուած իմաստուն է. մարդն անկարող է նրա գործերը քննել և հասկանալ: Բացի սրանից էլիհուն արդարի տանջուելու մէջ այն միտքն է գտնում, որ Աստուած սիրելով՝ տանջում, փորձում է արդարին, նրան աւելի կատարեալ դարձնելու համար. այսպիսով շարիքը, տանջանքն ստանում են կրթական նշանակութիւն:

Յովբի գրքով, մենք տեսնում ենք, որ հրէական կրօնի մէջ մուտ է գործում խորհրդաձուլութիւնը: Յաճախ մարդիկ կրօնական են

դառնում առանց անհատապէս մտածելու. միամիտ կերպով ընդունում են այն՝ ինչ որ կրօնական աւանդութիւնը նրանց սովրեցնում է: Բայց շատերն էլ կրօնական են դառնում, երբ կասկածելով՝ ամեն բան անհատական քննութեան նիւթ են դարձնում և առաջնորդուելով իրենց բանականութեամբ՝ դէպի միաստուածութիւնն ու բարոյականութիւնն են զիմում և զրա համաձայն կարգաւորում են իրենց կեանքը: Այս մտքերով են տողորուած հին կտակարանի «Իմաստութիւն Սողոմոնի և Առակք Սողոմոնի» կոչուած զրբերը: Սրանց համաձայն բոլոր գիտութիւններն առաջնորդում են մարդուն դէպի կրօնը, դէպի Աստուած: Իմաստութիւնը սովրեցնում է լաւ կարգեր և տեղեկութիւն է տալիս տիեզերքի մասին, որից մենք մղուում ենք Արարչի զովքն անելու: Իմաստութիւնը տեսնում է բնութեան մէջ օրինաշարութիւն և հիանում է արարածների բազմապիսութեան վրայ: Կատարեալ իմաստունը Տիրոջ երկիւղն ունի իւր սրտում, ասում է Սողոմոնին վերադրուած առաջին առակը: Աստուածավախութեամբ տողորուած իմաստունը խորհրդածելով մովսիսական օրէնքի վրայ՝ նրանից իմաստուն խրատներ է զուրս բերում, որոնց բարեպաշտն իւր կեանքը պիտի յարմարեցնի: Այս առակները, որոնք բերնէ

բերան անցնելով այս շրջանում գրի են առնուել, պարունակում են ուժեղ և առողջ սաղմեր բարեպաշտ կեանքի համար: Իմաստութիւնը, որն ամեն տեղ իբրև Աստուծոց մարդուն տրուած բարձրագոյն բարիքն է նկատուում, անվերջ գոլուում է: Իմաստութեան ընդունակութիւնն ամենքին է տրուած, բայց պէտք է զարգացնել. զարգացնողները լինում են ծնողները և ուսուցիչները: Իմաստունը կընդունի խրատ և կգիտակցի, որ իմաստութեամբ մարդ պատուի կարժանանայ. աւելի լաւ է իմաստունի հետ քար կրել, քան յիմարի հետ ուրախանալ: Իմաստունն աշխատասէր կլինի և առաջ կերթայ, առանց ցուցամոլ լինելու: Նա կաշխատի իւր բարեկամներին ձեռքից բաց չթողնել, բայց զգոյշ կլինի. շուտով երաշխաւոր չի դառնայ, բոլորին չի վստահի մանաւանդ կեղծաւորներին: Իմաստունի տունը լիքը կլինի: Տան բախտը կապուած կլինի լաւ կնոջ, լաւ մօր ճարտարութեան հետ: Առանձնապէս անհրաժեշտ է իմաստութիւնը թագաւորի համար. նա նրանով խորաթափանց կլինի և իրաւունք ու արդարութիւն կպաշտպանի. սխալուելիս իմաստունի խրատը կընդունի: Երանի իմաստունին, վայ յիմարին. այս է առակաց գրքի կորիզը:

Այսպիսով այս շրջանի հրէական կրօնը,

ինչպէս նա հանդէս է դալիս Սաղմոսների, Յովբի և Առակաց գրքերի մէջ, ազգայնական կապերը քանդելով՝ մի կողմից անհատական և միւս կողմից հանրամարդկային է դարձել: Բացարձակ միաստուածութեան գաղափարը հասել է իւր կատարելութեան. դրա համապատասխան բարձր բարոյական կեանք է պահանջուում. բայց դեռ ևս պակասում է այն հայեացքը, թէ Աստուած մարդկանց հանդէպ սիրող հայր է և բոլոր մարդիկ առանց ազգի, սեռի և դասակարգի խտրութեան այդ միակ երկնաւոր հօր՝ որդիներ կարող են լինել, եթէ նրան հաւատան և միմեանց սիրեն: Ահա այս պակասը լրացրեց քրիստոնէութիւնը:

ՓԵ. ԳԼՈՒԽ

Հրէութեան քաղաքական շարժումները
Աղէքսանդր Մեծից մինչև Հերովդէս Մեծը
330—40.

Իսոսի և Արբելայի ճակատամարտներում Աղէքսանդր Մեծը կործանեց պարսից թագաւորութիւնը. Պաղեստինը նրա կազմած հսկայ պետութեան միայն մի փոքր անկիւնն էր կազմում: Մեծ աշխարհակալի մահուանից յետոյ՝ Պաղեստինը մօտ մի դար մնաց Եգիպտոսի հետ

կապուած՝ Պտղոմեան իշխանութեան ներքոյ, որից հրէաները շատ գոհ էին. շատերը նրանցից դադիթեցին և հաստատուեցին Եգիպտոսում: Այստեղ նրանք ենթարկուիցին յունական քաղաքակրթութեանը: Ս. գիրքը, նախ հնգամատեանը և ապա միւս մասերն այս շրջանում թարգմանուեցին յունարէնի, որով բոլորին մատչելի դարձաւ: Անտիոքոս Գ. Սելևկոսի ժամանակ, որը Պտղոմեաններին յաղթեց 198 թուին, հրէաները սիրով հնազանդուեցին Սելևկեաններին: Դրութիւնը վատացաւ նրա յաջորդ Անտիոքոս Գ. Եպիֆանէսի ժամանակ (175—164): Երուսաղէմում հրէաներից շատերը յունականութեան էին յարել. թէև նրանք իրենց հաւատը չէին ուրացել, բայց յոյների պէս հեթանոսական կեանք էին վարում: Անտիոքոս Գ. աթոռագուրկ արաւ քահանայապետին, որի պաշտօնը մինչ այդ ցմահ էր համարուում. դրա փոխարէն նրա Յիսուս կամ Յասոն անունով եղբօրը քահանայապետ կարգեց, որը նրան խոստացաւ հարկ տալ և Երուսաղէմում մի հեթանոսական զիմնազիոն հիմնել: Մի ուրիշ հրէայ, ոչ քահանայական ծագումից, Մենելաոս անունով, քահանայապետութիւնը փողով զնեց և Յասոնին հալածեց. իսկ երբ հրէաները փորձեցին այս բռնակալ, ազահ և տաճարի սպասները զողացող քահանայապե-

տին ընդդիմանալ, Անտիոքոսն անձամբ 170 թուին եկաւ Երուսաղէմ և հրէաներից շատերին անմեղ տեղ կոտորել տուեց. յետոյ տաճարը մտաւ և մնացած թանգազին սպասները վերցրեց, տարաւ: Մի ուրիշ անգամ թագաւորի զօրքերը նորից գրաւեցին Երուսաղէմը և կողոպտեցին: Անտիոքոսը մի հրաման հանեց, որով իւր պետութեան բոլոր ազգերը պիտի թողնէին իրենց առանձնայատկութիւնները մի ազգ դառնային: Հրէական զոհերը և տօները, թլպատութիւնը և մովսիսական օրէնքն արգելուեցին. դրան պիտի փոխարինէր մի հեթանոսական պաշտամունք: Ողջակիզի սեղանի վրայ Երուսաղէմի տաճարում կանգնեցրին մի հեթանոսական սեղան՝ նուիրուած Չեսին, որի վրայ խոզեր ևս զոհուեցին: Մահուան պատիժ կատանային այս կարգերին ընդդիմացողները: Օրէնքի զրքերն այրուեցին. շատ մայրեր կոտորուեցին, որոնք իրենց որդոց թլպատել էին. նոյնպէս շատեր սպանուեցին պիղծ կերակուրներ շուտելուն համար: Հրէաներից շատերը հաւատափոխ եղան, բայց մեծ մասը համբերեց այս նեղութիւններին, այն փրկութեան սպասելով, որը խոստանում էր նրանց 168 թուին առաջ եկող Դանիէլի մարգարէութիւնը (Տ. Մկր. Ա. գիրք՝ Ա. Գլ.):

Այս կրօնական հալածանքի ժամանակ Մատաթիա անուշով մի քահանայ՝ Սիմոնի կամ Հասոթիան տանից՝ իւր ամբողջ ընտանիքով փախչում է Երուսաղէմից և գալիս է Մովղիիմ կոչուած քաղաքը։ Նա ունէր հինգ որդի, սրանցից երրորդը՝ Յուդան՝ Մակարէ, այսինքն մուրճ կոչուեց և որի անուշով այս գերդաստանը Մակարէական տուն անուանուեց։ Այս քաղաքն եկաւ Թագաւորի պատգամաւորներից մէկը, որն այստեղի հրէաներին ստիպում էր հեթանոս աստուածներին զոհել։ Մատաթիան հրաժարուեց այս բանն անել և սպանեց իւր այն հայրենակցին, որը մտադիր էր զոհել Զևսին։ Այնուհետև նա սպանել տուեց Թագաւորի ներկայացուցչին և կործանեց հեթանոսական սեղանը. սրանով ապստամբութեան ազդանշանը տրուած էր։ Մատաթիային միացան շատ հրէաներ։ Նրանց ղէմ ուղարկուած գնդերը մէկը միւսի յետևից յաղթուեցին, և նրանք կարողացան Պաղեստինի հեթանոսական սեղանները կործանել։ Մատաթիան մեռաւ 166-ին. նրան յաջորդեց նրա երրորդ որդին՝ Յուդան, որը մի քանի ճակատամարտներում յաղթեց Սելևկիացոց և իւր քաջութեան պատճառով Մակարէ՝ մուրճ կոչուեց։ 165 թուին նա մտաւ Երուսաղէմ, և ղեկտեւծեր ամսին տաճարը մաքրեց հեթանոսական պաշտամունքից,

այստեղից ծագեց տաճարի օժման տօնը, որը տարուէ տարի տօնուում է: 164-ին մեռաւ Յնտիրոքոսը. նրա փոքրիկ ժառանգի խնամակալութեան խնդրի շուրջը խոսովութիւններ ծագեցին. այս պատճառով Սելևկիացիները հրէաներին կրօնի և աստուածապաշտութեան ազատութիւն տուին, բայց երուսաղէմի միջնաբերդը պահեցին իրենց ձեռքը. սրանով 163-ին վերջացաւ իսկապէս կրօնական պատերազմը, որից յետոյ կոիւր տեղի էր ունենում հրէայ ժողովրդի վրայ իշխանութիւն ձեռք բերելու նպատակով:

Յուդա Մակարէն հալածեց Սելևկիացոց նշանակած քահանայապետին և ինքը տեղը նրստեց. նրան պաշտպանելու համար եկող ասորական բանակը յաղթուեց 162-ին. բայց միւս տարին ընկաւ Յուդան հերոսաբար կոուելուց յետոյ: Բոլոր հրէաները չէին պաշտպանում Յուդային. յունասէր կուսակցութիւնը նրան հակառակում էր, բայց Յուդայի յաղթութիւնների շնորհիւ նա հետզհետէ ոչնչացաւ: Թունդ բարեպաշտների կամ օրինապաշտների կուսակցութիւնն էլ, որը յետոյ փարիսեցի կոչուեց, բաւականանում էր հրէաներին շնորհուած կրօնական ազատութեամբ և չէր պաշտպանում Յուդային նրա քաղաքական ազատութիւն ձեռք բերելու ձգտման մէջ:

Յուդայի մահուանից յետոյ՝ ասորիները նորից սկսեցին ճնշում գործ դնել հրէաների վրայ, որով սրանք ստիպուեցին նրա եղբօր Յովնաթանին իրենց զօրագլուխ ընտրել: Սկզբում ասորիները յաղթող էին, բայց երբ Ասորիքում գահակալական կռիւներ ծագեցին, Յովնաթանը կարողացաւ խելացի բանակցութիւններով դրութեան տէր դառնալ և քահանայապետ ընտրուել 143-ին: Նա մինչև իսկ նշանակուեց իշխան և զօրագլուխ բայց նոյն տարին Յովնաթանը ստիպուեց խառնուել Անտիոքում ծագած նոր գահակալական կռիւների մէջ, ուր նա գերի ընկաւ և սպանուեց:

Նորա եղբայր Սիմէոնը կամ Շմաւոնը իսկոյն ժառանգեց նրա գահը և Մովզիիմ քաղաքում իւր հօր Մատաթիայի և եղբայրների անուան մի փառաւոր յուշարձան կանգնեցրեց: Նա ճանաչուեց ասորոց թագաւորի և հրէայ ժողովրդի կողմից իրրև հրէաների օրինաւոր քահանայապետ, զօրագլուխ և իշխան: Սիմէոնը վերանորոգեց հռովմէացիների և սպարտացիների հետ իւր նախորդների կապած դաշինքը: 141 թուին նա առաւ Երուսաղէմի միջնաբերդը և հալածեց այնտեղի ասորական զօրագունդը, որից յետոյ նա կարողացաւ երկար տարիներ խաղաղութեամբ իշխել: Այս մասին կարդում ենք մակր.

Ա. զիրք, ԺԳ. 4—15: Շմաւոնի օրով խաղաղեց երկիրը. նա շատ երկրների տիրեց. լիութիւն և առատութիւն էր թագաւորում ամեն տեղ: Ծերերը հրապարակների վրայ նստած բարութիւնից էին խօսում, իսկ երիտասարդները զէնքի փառքով էին ճոխանում: Քաղաքներն ամուր էին և զինուած, ամբարները լիքը: Ամբողջ Իսրայէլը ցնծում էր:

Բայց Շմաւոնն էլ ստիպուեցաւ վերջապէս զէնք վերցնել Սելևկեանների դէմ, որոնք իրենց իշխանութիւնը նորից ուզում էին առաջուայ պէս Հրէաստանի վրայ տարածել. բայց նրանք յաղթուեցին Շմաւոնի որդու Յովհաննէսի ձեռքով: 135 թուին Շմաւոնին իւր երկու որդիների հետ դաւաճանութեամբ սպանեց նրա փեսան՝ Հրէաստանի իշխանութիւնն իւր ձեռքը ձգելու համար, բայց Շմաւոնի միւս որդուն՝ Յովհաննէս Նիւրկանոսին յաջողուեց խուսափել դաւադիրների սրից և ժառանգել իւր հօր քահանայապետական և իշխանական աթոռը 135—105: Սա ըսկզբում թէպէտ յաղթուեց Սելևկեաններից և կորցրեց իւր քաղաքական իշխանութիւնը, բայց յետոյ օգտուելով նրանց գահակալական կոիւներից՝ իւր իշխանութիւնն ոչ միայն նորից յետ բերեց, այլ և տարածեց դէպի հիւսիս և հարաւ. հիւսիսից Սամարիան, հարաւից Եդովմը ենթար.

կուեցին մակարէական իշխանութեանը: Հեթանոսական քաղաք դարձած Սամարիան և նրա մօտ գտնուած Գերազիմի տաճարը հիմնայատկ կործանուեց. բայց սամարացիներին թոյլ չտրուեց Երուսաղէմի տաճարը մուտ գործել. այն ինչ եղովմացիները բռնութեամբ ստիպուեցին ենթարկուել մովսիսական օրէնքին և ընդունուեցին հրէական համայնքի մէջ: Դաւթի և Սողոմոնի օրերից սկսած մինչև Յովհաննէս Հիւրկանոսը՝ հրէական պետութիւնն այնքան մեծ չէր եղել ինչպէս այժմս:

Յովհաննէս Հիւրկանոսը մեռաւ 105 թուին: Նորա գահը ժառանգեց նորա որդին Յուդա Արիստորուլը, որը հեթանոսների հետ յարարերութիւն ունենալիս, իրեն թագաւոր տիտղոսն էր տալիս: Բայց սրա իշխանութիւնը երկար չըտևեց: Իւր հօր կտակի համաձայն՝ նա միայն քահանայապետ պիտի լինէր, իսկ քաղաքական իշխանութիւնը պիտի թողնէր իւր խորթ մօրը. բայց սա իւր հօր կտակը չգործադրեց. իւր խորթ մօրը բանտարկել և բանտի մէջ քաղցած թողնելով՝ սպանել տուեց: Նա սպանել տուեց նոյնպէս իւր եղբայրներից մէկին, իսկ միւս երեք եղբայրներին բանտարկեց և այսպէս իշխեց միայն մի տարի 104—105: Այդ մի ասորուայ բնթագքում նա իւր իշխանութիւնը տարածեց նաև

Գալիլեայի վրայ, որի հեթանոս բնակիչներին հրէութիւն ընդունել տուեց: 105 թուին մեռաւ նա անժառանգ. նրա կինը դետական օրէնքի համաձայն ամուսնացաւ նրա Աղէքսանդր Եանէոս կամ Յովնաթան կոչուած եղբօր հետ, որով վերջինս ժառանգեց զանր. 104—78: Սա իւր եղբայրներին ազատեց բանտից. իրեն նաև հրէաների թագաւոր յայտարարեց և պաշտպան հանդիսացաւ յունական քաղաքակրթութեանը: Այս պատճառներով նա ընդհարուեց մոլեռանդ փարիսեցիներին հետ, որոնց ազդեցութիւնը հասարակ ժողովրդի վրայ մեծ էր. այն ինչ հրէայ ազնուականները, այսպէս կոչուած սաղուկեցիները, թագաւորի կողմն էին պահում:

Մի քանի անգամ արշաւելով Յորդանանի արևելեան կողմերը և դէպի արևմուտք՝ ժովափնեայ երկրները, տիրեց այդ գաւառներին և միացրեց իւր երկրին, բայց իւր երկիրն էլ շատ յաճախ թշնամիների ասպատակութեան և աւերածին ենթարկուեց: Շատ կորստաբեր եղաւ այն հանգամանքը, որ փարիսեցիները չէին ճանաչում նրա թագաւորութիւնը, որովհետև նա Դաւթի սերնդից չէր. մինչև անգամ յառաջ եկաւ մի մեծ ժողովրդական ապստամբութիւն, ուր 50000 հրէայ կոտորուեց, բայց ուր թագաւորը յաղթող հանդիսացաւ:

Նրա մահուանից յետոյ՝ զահր ժառանգեց նորա ձեռներէց կիներ՝ Աղէքսանդրա Սալումէն, (78—69): Քահանայապետութիւնը յանձնեց իւր թուլամորթ որդուն՝ Հիւրկանոս Բ-ին: 64 տարեկան էր, երբ թագունի դարձաւ. սա ստիպուեց մեծամեծ ընծաներով հայոց Տիգրան Մեծ թագաւորի սիրտը շահել, որը մօտենալով Հրէաստանի սահմաններին՝ սպառնալից դիրք էր բռնել:

Այդ միջոցին ասորական Սելևակեան թագաւորութիւնը արդէն կործանուած էր: Իրացի հայերը Տիգրան Մեծի առաջնորդութեամբ տիրել էին այդ երկրին 83—69, բայց Հռովմէացիք Պոմպէոսի առաջնորդութեամբ յաղթելով Պոնտոսի թագաւոր Միհրդատին և նորա գաշնակից Տիգրան Մեծին, Ասորիքը միացրին հռովմէական պետութեան 64-ին, որով նրանք սահմանակից են դառնում Հրէաստանին, ուր Արիստորուլը՝ յաղթելով իւր Հիւրկանոս եղբօրը՝ թագաւոր և քահանայապետ էր դարձել: Պարտուած Հիւրկանն իւր եղովմացի Անտիպատեր զօրավարի խորհրդով՝ փախչում է Երուսաղէմից, գնում է արաբացոց Արեւտաս իշխանի մօտ՝ նրանից օգնութիւն խնդրելու: Արեւտասն եկաւ օգնութեան և պաշարեց Արիստորուլին Երուսաղէմում: Սահեղն ընկնելով՝ ստիպուեց դիմել Պոմպէոսի օգ-

նութեանը. Պոմպէոսը մի բանակի գլուխ անցած՝ մտաւ Հրէաստան. Արիստորուլն իսկոյն Երուսաղէմ քաղաքը նրան յանձնեց, միայն միջնաբերդը յարձակմամբ առնուեց 63 թուին: Յաղթական Պոմպէոսը, մտաւ տաճարի Սրբութիւն Սրբոցը, բայց գանձերին և սպասներին ձեռք չտուաւ. ապա Հիւրկանին քահանայապետ անուանեց: Սամարիան անջատեց Հրէաստանից և ծովափնեայ քաղաքները ենթարկեց Հռովմին: Հիւրկանոսն ստացաւ բուն Հրէաստանի, Գալիլէա և Պիրէա գաւառների իշխանութիւնը, Հռովմէացիներին հարկ տալու պայմանով: Սրանից յետոյ Պոմպէոսը Հռովմ վերադարձաւ՝ իւր յաղթանակը տօնելու. իւր հետ տարաւ բազմաթիւ հրէայ գերիներ, որոնք կազմեցին Հռովմի հրէական գաղութի կորիզը: Գերիների շարքումն էր Արիստորուլը իւր երկու որդիների և աղջիկների հետ, որոնցից անդրանիկը՝ Աղեքսանդրը փախաւ և ազատուեց, և մի գնդի գլուխ անցած՝ երեսց Հրէաստանում. հալածեց այնտեղից Հիւրկանին, բայց վերջինս հռովմէական զօրքի օգնութեամբ նորից զրութեան տէր դարձաւ: Հռովմէացիք նրան թողին միայն քահանայապետութեան պաշտօնը, իսկ դատաւարութիւնը և վարչութիւնը յանձնեցին հինգ պաշտօնեաների, որոնք փարիսեցիներից էին ընտրուում:

Հրէական ծերակոյտը, Սիւնեղրիումը, որի ձեռքին էր գտնուում մինչ այդ երկրի կառավարութիւնը, կազմալուծուած յայտարարուեց. բայց այս ծերակոյտը շուտով նորից վերակազմուեց, որի անդամները մեծ մասամբ փարիսեցիներն էին, և որին նախագահուած էր քահանայապետը: Փարիսեցիք գո՞ն էին այս փոփոխութիւնից. կրօնին ազատութիւն տրուեց, իսկ քաղաքական անկախութեան մասին շատ էլ չէին հոգում. նրանք մոռացել էին, որ Սելևկիացիներն էլ առաջ քաղաքական անկախութիւնը խլեցին և ապա ձեռք տուին նաև կրօնին: Փարիսեցիների տիրապետութեամբ օրէնքի տիրապետութիւնը Հրէաստանում ապահովուած էր:

Ինչպէս յայտնի է և Հռովմում 60 թուին կազմուեց առաջին Եռապետութիւնը, իսկ եռապետներից կրասոսին ընկաւ Արևելքը. բայց սա իւր պարթևների դէմ մղած պատերազմում սպանուեց 53 թուին: Այս դէպքը կրկին հրէաների մէջ ծնեցրեց քաղաքական անկախութեան յոյսեր: Հիւրկանոսի Խորհրդական Անտիպատերի օգնութեամբ միայն կարողացան հռովմէացիք հրէական մի ապստամբութիւն ընկճել:


Երբ 48 թուին Յուլիոս Կեսարը Պոմպէոսի դէմ իւր կռիւն սկսեց, արձակեց Արիստոբուլին և նրա որդուն՝ Աղեքսանդրին, բայց պոմ-

բէականները սրանց սպանեցին: Կեսարը Հիւրկանի օգնականին՝ Անտիպատերին յանձնեց Հրէաստանի քաղաքական իշխանութիւնը՝ պրոկուրատորութիւնը: Սա Կեսարից իրաւունք ստացաւ վերաշինելու Պոմպէոսի ձեռքով քանդուած երուսաղէմի պարիսպները: անդրանիկ որդուն յանձնեց երուսաղէմի շրջակայքի Կառավարութիւնը, իսկ կրտսեր որդուն՝ Հերովդէսին՝ Գալիլեան, որը կարողացաւ երկրորդ եռապետներից՝ Անտոնիոսի շնորհին արժանանալ և Հրէաստանի (տէտրարխ) իշխան անուանուել:

Այս միջոցին պարթևները մտան հռովմէական Ասիան. Հրէաները յոյս ունէին սրանց միջոցով ազատուել հռովմէացիների և եղովմացի երկու ատելի եղբայրների լծից: Արիստորուլի միակ կենդանի մնացած որդին Անտիգոնոսը մի զօրագնդի գլուխն անցած՝ կռուում էր Անտիպատերի երկու որդիների դէմ: Հերովդէսի եղբայրը և Հիւրկանոսը քահանայապետն անճարացած պարթևներին անձնատուր եղան, իսկ Հերովդէսն ինքը փախաւ և ամրացաւ մեռեալ ծովի Մազազը քաղաքում: 40 թուին պարթևներն Անտիգոնոսին յանձնեցին Հրէաստանը. սա Հիւրկանոսի աականջը կտրել տուեց, որ այլևս քահանայապետ լինել չկարողանայ: Հերովդէսը սրա ձեռքից կարողացաւ փախչել հռովմ՝ Անտոնիոսից օգնութիւն

խնդրելու: Անտոնիոսը և հռովմէական սենատը
 յայտարարեցին Հերովդէսին Հրէաստանի թագա-
 ւոր՝ Անտիգոնոսի փոխարէն՝ 40 թուին: Երկու
 կոնսուլները՝ Հոկտաւեանի և Անտոնիոսի ու-
 ղեկցութեամբ Հերովդէսը բարձրացաւ Կապիտո-
 լի վրայ գտնուած Իւպիտերի տաճարը՝ այնտեղ
 զոհելու և սենատի վճիռն այդ տաճարում դնե-
 լու: Սրանից յետոյ Անտոնիոսն ի պատիւ Հե-
 րովդէսի մի փառաւոր խնջոյք պատրաստեց իւր
 տանը: Սա Հրէաստանի թագաւոր այն Հերովդէս
 Մեծն էր, որի կառավարութեան վերջին տա-
 րիներում աշխարհ եկաւ մեր Փրկիչը:

ՍՏՈՒԳՎԱԾ Է 1971 Թ.





1280 ՏԵՍ

A $\frac{I}{16739}$

- 1) Ի՞նչ է կրօնը և ի՞նչ է բարոյականութիւնը Գ. 15 կ.
- 2) Սրբազան պատմութիւն Իսրայէլի
Գ-ը. Մ Խոստիկեան 50

ՄԱՄՈՒԼԻ ՏԱԿ Է ԵՒ ՇՈՒՏՈՎ ԼՈՅՍ ԿՏԵՄԵՆ

- 1) Բարոյագիտութիւն Գ-ը. Մ.
- 2) Ի՞նչ է Աստուածաշունչը Խոստիկեան
- 3) Բնագիտական և կրօնական աշխարհայեացք
Գ-ը. Բ. Պիսկեռեցի.

Հաճառում է հեղինակի մօտ David der Philosophie

D-r. M. Khostikian

75
ԳԻՆՆ Է 50 ԿՈՊԵԿ.